

211 1111  
8165-

2-10-11

2 11-11-11

2 11-11-11

(R)

(61)

Westing

ב"ש הק"כ

ECCLESIA  
WALDENSIUM

ORTHODOXIÆ LUTHERANÆ  
TESTIS ET SOCIA.

IN THEATRUM PUBLICUM

*prædicta:*

a:

IOACHIMO HESTERBERG,  
HAMBURGENSE.



ARGENTORATI,

Sumptibus & Typis JOSIÆ STÆDELI.

ANNO M. DC. LXVIII.





*Trasatio ad Lectorem Candidum.*

D. JO. CONRADI DANNHAWERI, &c.



Illos huius seculi prudentiores esse Filiis lucis, cum aliis in rebus vitæque humanæ institutis, tum etiam in antiquitatis scrutinio, ac Annalium Ecclesiæ peritiâ, ita luculentum est, ut & dolendum. Ardent illi & quasi præ amore furunt in historiam Ecclesiasticam, omnia minima cum pulvisculo indagant, ut suæ, quam tuentur.

superstitioni, cum non possunt è S. literarum phosphoro, ab humana cabala lucem conciliant: nos interea è luce cœlite renati, ad lucem interminabilem initiati, hic frigenus, in negotiis superiorum seculorum gestis, hospites ac barbari, perq; omnem vitam infantes. **אין זכרון לרשנים.** Non est memoria priorum, Eccles. I, 12. Rari è Studiosis Theologiæ HESTERBERGII, similes huius nostri JOACHIMI; qui postquam è Sacrarum literarum fontibus limpidissimis os sacrum proluisset, ut qui cupidissimè, in studio polemico ad bella sacra incaluisse, ut qui flagrantissimè, historiæ quoque Ecclesiasticæ sibi thesaurum comparavit, ut qui diligentissimè, meque monitorem, suæ illius eruditionis specimen in præsens exhibet, passim rosos ungues ac inusitatam industriam redolens: ECCLESIAM WALDENSIUM à mendaciorum impudentiâ vindicando, inque apertum veritatis jubar inducendo, quantum quidem licuit fierique potuit. Sicut enim vinum emimus non semper meracum, sed aquâ à vectoribus aut vindemiatoribus dilutum; ita historiam accipimus non semper, sed illorum vitiis, ubi nata est, contagio fecatam. Quanta fuerit operæ dumeta perrepere; quanti æstus eruderare, quod inruta ac casâ incidit; quantæ artis et totâ auctorum sylvâ, nemusculum condidisse tam elegans; eorum est arbitrari, qui crisi, de his huiusmodi

jusmodi laboribus, accuratâ arbitrari possunt, & æquâ volunt. Si-  
mile Waldensium Ecclesiæ accidit, quod olim Archimedis sepul-  
chro, de cuius indagine in L.V. Tusc. qq. mihi num. 64. Tullius ista  
prodidit: *Ex eadem urbe Syracusanorum, inquit, homunculum è pul-  
vere & radio excitabo, qui multis annis post fuit, Archimedem. Cujus  
ego questor ignoratum ab Syracusanis, cum esse omnino negarent, se-  
ptum undiq; & vestitum vepribus & dumetis indagavi sepulchrum;  
tenebam enim quosdam senariolos, quos in ejus monumento esse inscri-  
ptos acceperam; qui declarabant in summo sepulchro spheram esse posi-  
tam cum cylindro. Ego autem cum omnia collustrarem oculis (est enim  
ad portas Agrigentinas magna frequentia sepulchrorum) animadverti  
columellam non multum è dumis eminentem: in qua inerat sphaera fi-  
gura & Cylindri. Atque ego statim Syracusanis (erant autem Prin-  
cipes mecum, dixit, me illud ipsum arbitrari esse, quod quererem. Im-  
misi cum falcibus multi purgarunt, & aperuerunt locum. Quo cum  
patefactus esset aditus, ad adversam basin accessimus, apparebat Epi-  
gramma exesis posterioribus partibus versiculorum, dimidiatus fere.  
Ita nobilissima Græcia Civitas, quondam verò etiam doctissima, sui ci-  
vis unius acutissimi, monumentum ignorasset, nisi ab homine Arpinate  
didicisset. hæc Cicero. Parem sortem experiuntur quotquot in  
antiquitatis Ecclesiasticæ monumentis eruendis sudant; expertus  
est etiam vir pietatis & eruditionis harmoniâ insigniter præcellens  
DN. HESTERBERGIUS, atque hoc defunctus labore cum Erasmo  
clamat, *Αἰς ὄφους!* Illex, uti ominor, hortorque; futurus aliis sa-  
pientiæ divinæ alumnis, ut in simili studiorum cursu ad suam quis-  
que metam anhelent; atque studia aliâ graviora, amoenissimo hoc  
historico exornare ac exhilarare certatim contendant.*





I. N. D. N. I. C.  
De Ecclesiâ WALDEN-  
SIUM.

**W**ALDENSIUM Ecclesiam, tan-  
quam in exiguâ tabula repræsentaturus, excu-  
sationem ordinis apud *Benev. Lectorem* faci-  
lius impetrare opinor, si alium, quàm hîc in-  
veniet, optasset. Ne tamen, quem sequi con-  
stituerim, ignorare cogatur; ille breviter erit,  
ut ante omnia, de Ecclesiæ huius constitutione agatur, in  
quam considerationem ea, quæ de Nominibus & Auctoribus  
traduntur, simul confluent; præcipuè verò tùm universa Eccle-  
siæ facies ante oculos ponetur; tùm repræsentabuntur Hie-  
rarchiæ singulæ, unâ cum plenô doctrinæ Systemate. Alteram  
partem propositi faciet bellum Sacrum, & hostium designa-  
tione & conflictus ipsius, ad extremum Victoriæ nobilitati  
descriptione proponendum. In tertiâ vindiciæ calumniarum  
maximè necessariæ locum sibi deposcent: quas quarto & ulti-  
mô locô Judicium & *Cygnus* (si paucos naves excepero) cum  
nostrâ Ecclesiâ demonstratio excipiet. Præivit, uti quivis  
vel me non monente observabit, Venerandus Argentinæ Præ-  
ses DN. D. JO. CONR. DANNHAWERS, Vir undequaque ce-  
leberimus, quando in Christeidos actû primo (reliquos Ty-  
pographorum difficultas, quò minus jam diu illis frueremur,  
hucusque detinuit) simili ferè methodô Theatra sua instruxit.

A

SECTIO

SECTIO I.  
ARTICULUS I.  
Varia Nomina.

§. I.

Christiani  
& Fratres.



**N**ominum nobis jure prima cura, eaque non minus necessaria, quam diffusa, ac nescio, quot modis satis intricata. Ipsimet quæ nomina sibi sumserint, haud sanè constat: quin potius haud falli videar, si aliud, quam CHRISTIANORVM aut FRATRVVM, usurpassè negem. In Confessione Regi Uladislao exhibita, se *Frates in CHRISTI nomine congregatos* appellant. vid. Fascic. rer. expet. p. m. 84. b. *Seniores unitatis Fratrum*, qui vulgò *Waldenses vocantur*, subscriptio erat literarum, quas Jo. Calvinò scripsere. vid. Calv. Epistol. n. 294. p. m. 539. ita Waldensium nomen non ipsi ambivèrè, nam in eadem Epistolà ad Jo. Calv. datà, se falsò Picardos vel Waldenses dici, disertis verbis protestantur; Et frustrà est Gretferus, cum præloq. ad Triad. Script. adversus Waldenses cap. IV. p. m. 22. ex hoc mendacii arguit. Nimirum vulgaris appellatio ea esse potest, quam dedignere, & falso tibi tribui dicas, cum interim non abnuas, in vulgus invaluisse.

Patareni.

In hunc ordinem videtur nomen PATARENORVM (alii Paterinos, vid. diplom. Innocentii ap. Bzov. Tom XIII. ad annum 1198. Patarios, Patinos ita plerumque Er. Reinerus Sachonus: item Patinos, ita Hotting. Hist. Eccl. Part. 3. Sect. 5. p. 280. scribunt) ad scribendum. Authoer Fredericus II. Imp. qui in quâdam constitutione suâ: *In exemplum Martyrum, qui pro fide Catholica Martyrium subierunt, Patarenos se nominant, velut expositos passioni.* Huiusmodi verò miseri Patareni. &c. alleg. Grezer. in Proleg. ad script. contr. Wald. c. 3. p. m. 289. confer ad eand. Melch. Goldasti Rational. Constit. Imp. p. m. 77. seq. ubi erroris arguit Jo. Andreæ in c. excommunicamus 15. de Hæret. ab Authore nomen hoc derivari statuentem. Apud Jacob. Usser. de Christ. Ecclesiâ succ. & statu cap. 8. p. 270. alia etymologia Anton. August. ep. Iserd. quod Patrem tantum colerent. In quod odium adductum sit, ut pro eodem Hæretici & Patareni nomen haberetur.

tur. vid. apud Grezer. præloq. ad Triad. script. contr. Waldenses c. 1. pag. 6. Nomen idem Phil. Marnix, Aldegondius explicat Passagers; nescio an aliud agens, an dialecto aliquâ linguæ Gallicæ adjutus. HVMILIVM seu HVMILIATORVM & pauperum de Lüduno (quamvis differant) nomen ab ipsismet usurpatum, Author est Ur-Humilitati spergen. apud Grez. proleg. d. c. 5. p. 291. Dubito tamen, an pro Waldensibus habere possim Humiliatos, cum ab Innocentio Pontif. Sectæ suæ dicantur petiisse confirmationem nec obtinuisse. Cl. Boxhorn. in Hist. univers. p. 709. An statuamus eos potius cum ordine Humiliatorum conferendos, qui circ. ann. 1180. cœpit, à Lucio obtinuit confirmationem, à Pio V. abolitus est ann. 1571. de quo vid. Thuan. L. 50. p. m. 968. conf. Jacob. Usser. de Eccl. Chr. succ. c. 3. p. 306. Unum adhuc restare videtur nomen, quo invicem se ab aliis discreverint. NOTI. die Runden/ oppositi aliis omnibus (quos peregrinos die Fremdbden nominabant) i. e. quod ipsi tantum suis innotescerent. *Quasi Deus non alios, sed tantum ipsos noscat, quo ad probationem*, Noti. quæ interpretatio est in indice error. quem edidit Grezer. p. 341. Apud eundem in modo examinis p. 342. F. zu den Leuten/ die sich nennen die Runden Waldisser.

§. 2. Eorum verò nominum, quibus ab Adversariis, vel in Distinctio. vitâ quoque communi discernendi causa appellati sunt, multa est differentia; cum Authoribus quædam originem debeant, quædam ubi docuere locis; nonnulla aliis. accidentibus, quin & hostium malignitati.

§. 3. WALDENSIVM (Valdesios legit primus ex iis, qui mentionem nominis faciunt Gualt. Mapen. apud Jacob. Usser. de Christi Eccl. statu c. 8. p. 259.) nomen in primò ordine, & fortè primum. In etymo nominis & ratione non consentiunt. Verior ea, quæ etiam communior, sententia videtur: Petrum Waldum s. Waldensem (cui nomen ab oppido Waldis in Marchia Galliæ. B. Gerhard. Confess. Cath. Part. 1. Epist. Dedic. a. 2.) Lugdun. civem, de quò plura Art. 2. §. 2. seq. dicenda restant, sectatoribus nomen reliquisse. Ea ratio probata plerisque. Alii tamen Waldenses ab Alpium anfractibus, in quos sese jam pridem receperunt, deducunt. Ita Beza in πολυανδρίω ναυολαδίω fortissimorum Waldensium. De hoc Cl. Hottingerus, Vir de illis optimè meritus, Histor. Eccl. Part. 3. c. 12. Sect. V. p. m. 276. *Non infelicitè, modo natales nova illius vocis, quæ purè germanica est, ostendi possent ap. Veteres Lugdunenses.* Nescio tamen annon aliquam



etymologiæ huic auctoritatem præstare possit Ebrard. Bethun. Antihæres. c. 15. p. 178. dicens: *Quidam, qui Vallenses se appellant eo, quod in valle lacrymarum maneant: Crediderim allusisse quosdam à Pastoribus ipsorum ad hanc denominationem, quod in vallibus habitarent plurimi. Thuano à loco, quem habitabant, L. 27. p. m. 1216. & seqq. communiter Convallenses dicuntur, tanquam convallium incolæ. Cæteroqui Valdum Valdensibus nomen dedisse fatetur ipse. l. 6. p. m. 288.*

§. 4. Sufficere illa possent, nisi otium hoc inviderent Monachi etiam hîc *ἀμνηστὸς*. Bernh. Abb. font. calid. contr. Waldenses præfat. p. 3. edit. à supr. cit. Grezero. *Novi heretici quidam, præfatio futurorum scripti vocabulum, dicti sunt Valdenses, nimirum à Valle densa, eo, quod profundis & densis errorum tenebris involvantur. Abundet sensu suo, quantum volet Bernardus: & persuadeat, quibus volupe est.*

Arnoldistæ,  
Speronistæ,  
& similia.

§. 5. Plura unius rationis nomina coniungit Thüanus lib. 6. p. 289. *Post Arnoldum, Speronius & Iosephus succedere, atq. ab iis Arnoldistæ, Speronistæ (aliàs Esperonistæ, dialecti varietate, & Spetronistæ ap. Bern. Luzemb. & quosd. Codd. Const. Frid. Imp. ap. Goldast. ration. Const. Imper. p. 77. seq.) Iosephini (in c. 15. excommunicamus, legit Töteppinos Goldastus in ration. Const. Imp. l. c.) Gregorio IX. dicuntur.* Res clara: de ipsis autem viris illis suo loco Artic. n. §. 17. 18. Adde *Henricianos* etiam ab Henrico, Waldi discipulo & in Occitania præcone. Lollardistas Doctore eorum in Angliâ Lollardo. Hotting. Hist. Eccl. c. 12. p. 280. dicitur is Reinh. Lollardus, Franciscanus prius fuisse: deinde religionis causa, cum in Angliâ diu docuisset, combustus Colonia. Nomen tamen non intra Angliam hæsit, sed in Livoniâ quoque usurpatum scribit Belvedr. in turri contr. Damascen. p. 77. Aliter ex Walsing. Bzov. T. 15. ad ann. 1381. n. 16. ubi Wiclefi Sectarios Lollardos dictos ait: *ab occasione dictionis, quam aliquis prædicatorum, de inimico homine, in agro boni patrisfamilias lollium seminante, super Evangelium Matth. 13. dixit: & Wiclefitas lollio comparavit: ita deinde Thom. Arundelius. repetit Bzov. idem ad ann. 1387. n. 10. ubi novum nomen Capuciatorum s. Pileatorum adiungit: quod S. S. Eucharistia pro more vetusto in editiori templi loco collocata caput non aperirent.*

Petrobrusiani.

§. 6. PETROBRUSIANOS à Petro de Bruiis dictos hinc inde inveniens: an satis accuratè? cum ille ipso Valdo antiquior, nisi quod in doctrina aliq. partibus convenere. An dicemus Brusii discipu-



Ios, cum Waldus jam plures haberet, se quoque adjunxisse, ut in unam coalescerent Ecclesiam, nominibus invicem communicatis. Sed ab huius quoque Petri discipulo Henrico, (non altero tantum Waldi sequace, de quo §. precedenti) Henricianos appellatos, volunt.

WICLEFITARUM à Wiclefo descendentium ac HUSSITARUM à Wiclefitis. Jo. Husso, ad quem per Wiclefum Waldensium veritas pervenit, denominatorum voces satis notæ: nec tis immoramur.

§. 7. Inter ea, quæ à locis imposita sunt, celeberrimum est <sup>Pauperes</sup> PAUPERUM de LUGDUNO: quod urbe illa (ubi Valdis prima docuerat) <sup>de Lugduno.</sup> ejeksi jacturam fecerint, omnium ferè bonorum suorum. Hotting. Hist. Eccl. l. c. p. m. 279. Invidiosius proponit Grezer. prolegom. ad Lucam Tudens. e. 2. p. 289. A. Pauperes de Lugduno appellati, quod vitam inopem professi, dominio & possessione omnium facultatum sese abdicare solerent. sed frustra illa dicit, cum ex sequentibus manifestum sit futurum, persecutione in calamitatem hanc incidisse. Domi verò suæ Grezerus habet, quos rideat, quibus voluntaria paupertatis professioni meritum est. Aliquantò sincerius agit Fr. Reinerus. c. f. p. 300. A. quod maxima multitudo pauperum ad eum confluit, quos ipse docuit habere voluntariam (prout voluntaria etiam crux est, quam non renitenti cervice impositam à cœlesti Parte suscipimus) paupertatem, & esse imitatores Christi & Apostolorum, conf. infra art. 2. §. 10. & §. 3. §. 29. Ipsi quando de paupertate sua gloriantur, persecutionis meminerunt apud Reiner. c. f. p. 300. C. quod ipsi sint verè Pauperes spiritu, & persecutionem patientur propter justitiam & fidem.

§. 8. Coincidit nomen LEONISTARUM s. Leoninorum. Lug- Leonistarum. nobis Leon; Gallis nunc Lyon. Unde Leonini iidem, qui Lugdunenses. Præcipuè cum Orthographia eorum sæculorum id ferat, uti disertè Godfrid. Monach. Colon. inter script. Germ. Freheri in annal. circa ann. 1237. scriptis, vocat Leoniam super fluvium Saonam (Ararim ita nunc dicunt).

§. 9. Circa hoc nomen non pauci magni viri aliter sentiunt. Thuan. l. 6. p. m. 289. 290 dicit: Itidem Leonini rursus appellati sunt ab illo Leone (III. Imp. de quo antea) qui nihilominus justus ac prudens principis, à Zonara ipso, qui eum heretica pravitate accusat, elogium meruit. Is Theodoro Monacho suadente simulacra & imagines omnes è templo sustulerat, tanquam impietatis pabulum, & ignara plebis decipulas, quæ ad DEI offensionem pertinent, ob idq. Iconomachus vocatus est. Hisce Gene-

vensis edit, ista *ἐμπληκνῶς* addit : *Quoniam alij potius à Leone quodam Gallo, ei sectæ addito Leoninos dictos existimant, quod longius ab his locis & temporibus Leonis Imp. illius memoria abesset.* Verum quis Author eius Leonis Galli meminit ? stat pro sententia Thuanii priori etiam Cl. Micrælius Synt. Hist. Eccl. l. 3. quæst. X. p. m. 26. Nobil. Goldastus in rationali ad r. Tom. Constit. Imper. F. p. 77. contra eam disputat. in uno tamen *ἐπὶ τῇ* *ἱστορίᾳ*, autorem nomen dedisse : Eum Grezerus prolegom. ad Luc. Tudenf. c. 2. p. 289. exagitat. Ostendit tamen in dubio sibi fuisse, an à Leone Isaureo, an à Leone Armenio derivaret nomen.

**Albigenses.** §. 10. Nec Lugdunum tantum, ubi primum innotuerant, nomen dedit, sed in Septimaniâ quoque Albia Augusta, seu Helviorum ad Tarnum fl. loco fertili sita & incolis habitata probis (ut ipse Jo. Marian. in præfat. ad Luc. Tudenf. p. 230. B.) cum eò, pulsi Lugdunensi tractu se receperunt, & brevi tempore invaluisse, *Albigeorū*, (ut Thuzanus) seu *ALBIGENSIVM* nomen accepere. Sunt qui Albigenses vel Albingenses scribere malunt. Nomen hoc est, quo concilio Lateranensi sub Alexandro III. appellati, & inter cætera eminet. Sed & Albicos lego in supr. cit. præfat. Mar. ad Luc. Tudenf. p. 230. C.

**Tholosani.** §. 11. Affinia reliqua nomina sunt. Dicuntur *THOLOSANI* ab urbe Tholosa Linguadocii princepe. Ita passim in Jure Canonico audiunt. *BAGNOLENSES*, credo ab urbe Bagnols etiam in Occitaniâ, non procul Avenione sita. Est coniectura Grezeri prolegom. ad scr. contr. Waldenses, c. 4. p. 291. Reinerus contr. Wald. c. 6. p. 302. b. G. in Lombardia ponit: fortè ex Occitaniâ eò profecti.

**Picardi.** §. 12. *PICARDORUM* quoque nomen notum; ratio non æquè: sunt, qui Picardiam Gallie Provinciam nomen fecisse existiment; cum Valdsus à Picardia in Bohemiam venerit; unde in Bohemia potissimum usurpatum nomen meminit. Thuan. l. 6. p. 239. Ita & Marnixius S. Aldegund. Tabl. de différenc. Relig. P. c. 12. p. 149. Alii Begardum quendam memorant. & Sectatores eius Begardos, quos vulgus postea corrupto vobabulo Picardos dixerit. vid. Petri Wefenbecii Orat. de Waldensib. habita Jenæ circa ann. 1585. Joach. Camerarius (referente Boxhornio in Hist. univers. p. 708.) ista: *Esse Picardorum nomen gentile patet: & nominatam Picardiam à novis incolis eam partem Gallie, in qua civitates olim fuere Ambianorum & Atrebatum. Etsi à nescio quo Pegardo transfugâ nomen illud dictum, quidam & alia quedam magnugatoria, falso prodiderint.* Suum judicium Cl. Boxhornius

Hornius interponit in Hist Univ. p. m. 711. marg. *Mihi non est dubium, quin id nomen fluxerit ab obsoleto vocabulo Piccard, quod Textorem significat.* conf. infr. §. 17. Coniectura Grezeri longius abire videtur, quam Prolegom. ad Scr. contra Wald. c. 7. p. 295. proponit. *For- san probabilius coniecturaveris, si dicas, sic appellatos à Picario, i. e. Poculo domestico (von dem Wecker) in quo Waldenses suam Eucharistiam consciebant.* Teste Reinero c. 5. p. 301. & post Reinerum, Illyrico.

§. 13. BOHEMORUM quoque nomen celebre est, atque adeò Bohemi & quasi gentis vitium hæresis esset, in proverbium abiit. In Bohemis alia etiam *Pragenses* speciatim appellabantur. Alii *Taboritæ* à Tabore (Germ. ein Schankapud Zachar. Theob. Hussiten-Krieg P. 2. c. 12. p. 91. ut aliorum etymologiæ risum mereantur) munitione, quam Ziska Dux 21. Februarii. 1418. (vel ut alii 1419.) extruxerat, nuncupatione deducta. Taboritis tùm *αυτονομιαν Zelotæ*, oppositi *Calixtinis*, qui solâ calicis concessione reliquam Pontificiam doctrinam tolerare volebant. TRANSMONTANOS quoque dictos Autor est Jo. Paulus Perrinus Lugdunensis apud Hottinger. Hist. Eccl. P. 3. Sect. V. p. m. 279. per synecdochen à parte eorum, qui Alpes superaverant. Adde ap. Grezer. d. Proleg. c. 4. ex Constit. Friderici Imp. *Comistas* ab urbe Como: *Concordenses* seu *Cozerenses*. *Carracenses* (à Carrazo Lombardiæ oppido) *Barrinos* (à Barro monte, an à Barrian in agro Gremensi) *Hereticos de aquâ nigrâ* (in Lombard. transpadan.) *Runcarios* à Rencalia, ut putat Grezer. Si tamen hî omnes pro *αυτονομιαν* Waldensium habendi sunt. *Bulgarorum* nomen à Bulgaria derivat Grezer. d. Proleg. c. 3. q. 290. fac. b. cum aliàs *Burgares* & *Bugares* scribi ostendisset: rejectâ item sua priori sententia, quod in Lombardia Alpina sint ii, qui Burgari, Germ. *Bulgaureiter* dicantur. Nomen etiam extra Provinciam usitatum, uti Caroli IV. edictum contra Bulgarios allegat Theob. Hussiten Krieg P. 1. c. 2. p. 6.

§. 14. Magna reliquorum nominum farrago hinc inde apparet, quæ variis de causis; aliquando quibus incertum, orta sunt. *Boni homines.* LES BONSHOMMES sive bonos homines vulgariter ob sinceritatem & simplicitatem dictos memorat Marnix. Aldeg. Tabl. de diff. Rel. P. 3. c. 12. p. 159. & præter hunc Barom. Annal. ad ann. 1176. S. 3. Celebre præterea illud est: cum INSABBATHÆ vel Insabbatharii (Wolf. Lect. Memor. ad ann. 1169. legit Insabbathati: est ubi Insabbati invenias) appellabantur. Rationem assignant, quod unum Domini diem sacrum



facrum esse vellent, Perrinus ap. Hotting. Hist. Eccl. P. 3. Sect. V. p. m. 280. quod in Sabbatho judaizarent. Goldast. Ration. Const. Imper. p. 77. seq. quod nullum festum colerent. Massonius ap. Jac. Usserium de Christ. Eccl. c. 8. p. 254.

§. 15. Idem nomen esse videtur, quod Ebrard. l. Antiharef. c. 15. p. 178. in inscriptione *Xabatati* : in textu autem *Xabatanfes* scribit: *Xabatanfes* à *Xabata* potius, quàm Christiani à Christo se volunt appellari. Grezer. in præloq. c. 2. p. 7. seq. Addit : *Chabata* sive *chapata* esse calceos, quos & *sotulares*, *Ebrardus* & alij nominant, quasi *Socculare* à *Socco*, quos calceos nonnulli, velut ceteris perfectiores notâ, nescio quâ insigniebant, jamque otiosi ab omni opere manuali sedulo abstinebant. Addit cuiusdam è Patribus coniecturam istam. Videtur error esse *Librariorum non callentium* sive *priscum* sive *prasens Idioma Hispanicum*, quod etiamnum calceos vulgò vocat *capatos* & *calceum capato*; tamen si prolitera & familiari Hispanis & Gallis, rudiores Hispani substituant aut scribant *Zapato*, *Zapatos*. Galli porro (& Hispani nonnulli) fuerunt magna ex parte *Albigenses* sive *Waldenses* illi, quos *Capatenfes*, *Capatatos* (sic scribendum videtur) appellabant. conf. eund. Grez. in Proleg. ad Scr. contr. Wald. c. 4. p. 291. ex Prateolo. Liberum esto cuiusvis iudicium : Licet hæc ultima sententia ante omnes alias videatur amplectenda, quam etiam sequitur Gualt. Tabl. Chronogr. de statu Christian. c. 16. p. m. 694. b. & Jac. Usserius de Christ. Eccl. statu c. 8. p. 254. quod ipsorum Doctores (hosenim eo nomine dictos colligit) signum quoddam in sotularis superiori parte gestaverint.

Gazari.

§. 16. *GAZARORUM* nomenclatura non minus nobilis. Thuanus l. c. 6. p. 289. à Leone III. Imp. ut putant *Gazaro* dicto, qui omnium maximè à Romanis Pontificib. sacrilegiorum & prave doctrine infumatus est : quanquam aliis in libris Cathari dicantur, quibus respondent, qui hodie in Anglia puriorem doctrinam (Puritani) præ se ferunt. Grezer. Proleg. ad script. contr. Waldens. c. 2. p. 289. C. *Gazari* sunt *Cathari*. Cave autem cum *Catharos* nomino, antiquos illos *Catharos*, Novatianos intelligas. Mox *Cathari* ergò (allata erat *Ecberti* in ferm. contra Cath. autoritas) Germanicum nomen non graecum, hoc quidem loco, & est illud ipsum, quod usurpamus *Katar*, & ut alij crassius *Kazar* l. mutato in Z. more Germanorum solemnni, ut vides in his *Catus*, *Ras*, *Platea* *Plas*. Hos ergò ex *Waldensium* secta Germani vocabant *Kather* sive *Kazar*, ex quò Latine scribentes *Catharos* procuderunt. Inde nata

vox *Cazar*i seu *Kazari*. Nec est qui nesciat C. & G. sibi facile succedere, ut  
*Castrar* & *Gasp*ar. Catus *Italis* Gato, *Cathri* *Gatter*. Serar. l. i. Mog. c. 6.  
De *Catharorum* nomine *Rocha*: De Concilio *Lateranensi* ap. *Box-*  
*horn*. Hist. univ. p. 707. *Cathari* dicti sunt, quasi puri propter munditiam  
& puritatem, quam arrogantissimè & falsò quidem ostentabant, dicentes se  
sine peccato esse, contra illud 1. *Ioh.* 1. 8. Hinc omittebant illud *Orationis* *Domi-*  
*nice*: dimitte nobis debita nostra.

§. 17. Quæ suprà *Grezerus* ex *Eberto* loc. c. allegavit ita *Cathari*.  
sonant: Quos *Germania* nostra *Catharos*; *Flandria* *Piphles*; *Gallia* *Texe* - *Piphles*.  
*rant* ( forte *tisserands* ) ab usu *texendi* appellat. Quæ ultima verba  
duo nova nobis nomina suppeditant: Et alterum, *Cl. Boxhornii*  
coniecturam §. 12. firmat. Aliud, quo in *Flandriâ* dicti sunt, nomen  
suppeditat *Hottingerus* (ex *Perrino*) Hist. Eccl. Part 3. Sect. 5. p. 279:  
*TVRLVPINI*, i. e. inter lupos habitantes, vel luporum ad instar inhospita tes- *Turlupini*.  
qua incolentes. *Turrelupini* hinc inde reperias. *Siscidenses* ali-  
qui dicuntur apud *Reinerum* c. 6. p. 301. G. qui cum *Waldensib.* con-  
cordent, nisi quod recipiant *Eucharistiæ* *Sacramentum*; quasi *Wal-*  
*denses* non idem agnovissent. In *Delphinatu* per *puvle* nequid *Chain-*  
*gardos* dictos memorat *Perrinus* ap. *Hotting.* d. loc. Adde nomen  
*PASSAGENORVM* (mavult *Passaginos* *Goldast.* ration. ad *Constit.* *Passageni*.  
*Imp. Tom. 1.* p. 77. seq. *Passagerios* *Luzenburgerensis* reprehendens)  
quod viatorum instar incertis ubique sedibus jactarentur. *Gallis*  
*pauvres passagers* *Hottingerus* d. loc. *Ortilibenses* & *Ordibarios* appellat  
*Reinerus* c. 6. p. 301. 302. Qui illi & unde dicti, ambigo.

§. 18. Et superiorum multa contumeliæ solius causa data;  
nec tamen omnia adhuc sunt. *CIRCVMESTI* in *Constit. Imp. Friderici* *Circum-*  
*nuncupati*, non quod circumciderentur, sed quod in *Sabbatho* ju- *cisi*.  
daizarent. *Gold. Ration. Const. Imp. Tom. 1.* p. 77. seq. *Lucas Tudenf.*  
*l. 3. c. 3. p. m. 278.* de aliquibus *Hæreticis* refert, quod quidam excogita-  
ta malitia circumcidantur, & sub specie *Iudeorum* quasi gratia disputandi  
ad *Christianos* veniant, &c. de *VValdensib.* hoc nullus disertè prodit,  
nec vel probabile est. *GYNICORVM* nomen *Thuanus* l. 6. p. 200. *Gynici*  
notavit. *Sicarios* dixere in *Provincia*, quod *Perrinus* *Crumenis* fecas  
vertit. ap. *Hotting. d. l.* *PUBLICANOS* appellatos refert ex *Guilh. Neu. Publicani*.  
*brig. & Raduph. Cogeshal. monach. Boxhorn. hist. univers.* p. 717.  
haud dubiè, quod publicani ut detestandum fugiendumque homi-  
num genus in *Evangelicis* literis notarentur. *Ant. Augustini* *Epi-*  
*scop. Herd. ap. Jac. Vsserium. de Christ. Eccl. statu* c. 8. p. 271. forte quod  
B *Evan-*



*Evangelicum Publicanum imitari se dicerent*; coniectura est. Ipse Usserius p. 273. à Flandr. Piphles (de quo supr. § 17.) *Popelicanorum* & inde *Publicanorum* nomen derivatum putat. Ab Hæreticis antiquis *FRATRICELOS* vocarunt; an quod fraterni inter se amoris vinculo vivebant? Ita idem Perrinus ap. Hotting. all. lo. Nec à *Manichæorum*, *Arianorum*, *Cataphrygum* (vid. Grezer. præloq. ad Triad. Script. c. 3. p. 20.) *Adamitarum*, *Gnostiorum*, *Apostolicorum novorum*, aliorumq; veterum damnatorum Hæreticorum appellationibus temperatum; ne sc. quidquam omitteretur. Ea ars est adversariis solennis, quo illi publicum odium pariter ac ludibrium incurrerent.

Iudicium.

§ 19. Cum verò tot nomina recensuerimus, erunt, qui diversos innui saltem per aliqua dicant: an omnia eisdem convenire asseremus? Sanè errare, qui Gazaros cum Patarenis confundunt, Goldast Ratio, Const. Imper. p. 77. seq. credit, errorem hunc etiam Concil. Lateran. Autoribus attribuens. Paterinos & Patarenos: Passagenios & Passagenos distinguit M. Flacius in Cat. Test. veritat. ita alibi Catharos à Waldensibus omnibus: hi item ab Albigeis discernuntur. Res non carere videtur difficultate, in eâ scriptorum penuria, cum primis eorum, qui citra calumniam ad nos res eas transmississent. Sanè si vel minima pars earum accusationum vera esset, quibus premunt Catharos & Albigenes, non possent pro VValdensium germanis haberi, de quorum orthodoxia ex hisce, quæ Disputatio hoc docebit, constare potest. Verùm nihil adhuc prohibere videtur, quin vel simpliciter respuamus, quæ hostes de illis atrociora quàm de VValdensibus prodidere, sicut in frâ Sect. 3. his quoque multas abstergemus calumnias; vel dicamus non defuisse iisdem locis malè de religione sentientes, quos fraudulenter confuderint cum nostris adversarii; ut ita invidiam promptius facerent. Confer in frâ Sect. 2. art. 1. § 3. Quantum autem universim de lationibus hostium in hoc articulo tribuendum sit, vel ex illo Petri Monachi ap. Bzov. Tom. 13. ad an. 1199. n. 34. p. 61. patere potest, quando post multa, quibus in Albigenes invecus erat, *Valdenses secum (cum Pontiffi) in multis rebus convenire dicit; discordare autem in quatuor præcipue rebus, in quibus error eorum consistat: in portando sandalia in pedibus, ad modum Apostolorum: in eo quod dicunt, nulli esse permissum jurare aut occidere: in eo etiam quod affirmant, quemcumq; ex ipsis in necessitate, dummodo portet sandalia, sine facultate aut approbatione Episcopi, & sine sacris ordinibus posse consecrare corpus Christi.* Aliud dicet, qui articulum quantum



quartum leget. Interea vanitas illorum hominum patere potest, qui cum putide mentiantur, memores esse non noverunt: Et sanè si in hoc omnis error VValdensium, unde tantæ Pontificum iræ & tyrannis tam copioso sanguine necdum satiata?

## ARTICULUS II.

### Doctores & propagatores.

#### §. 1.

**A**Ntequam ipsam Ecclesiæ faciem ante oculos ponamus, per p. Waldus, quos plantata est, explicandum erit.

§. 2. Merito in his, primus PETRVS VVALDVS, cuius historiam initio veluti in compendio descriptam ex Thuano huc liceat conferre. L. 6. p. m. 288. 289. *Petrus Waldus locuples civis Lugdunensis Ann. CHRISTI 1170. Waldensibus nomen dedit. Is, ut monumentis testatum reliquit Vidus Perpinianus, præsul Lodevensis, (edit. Genev. legit Elnensis) qui quasitoris in Waldenses munus exercuit, domo ac bonis relictis totum se Evangelicæ professioni devoverat, & Prophetarum atq; Apostolorum scripta populari lingua vertenda curaverat, antiquorum etiam Patrum aliquot testimoniiis adiunctis, quibus in animum defixis, ingenio suo & sensu fretus, prædicationis munus sibi sumserat, perq; plateas & vicos Evangelium plebi interpretabatur.*

§. 3. Sed omnia ista accuratius inquirenda. De Nomine initio disputant: Petrum nonnulli, alii Iohannem vocant. Hotting. *Hist. Eccl. S. 5. p. 277.* Prior sententia pluribus probatur. Pilichdorf, contr. hæc. VVald. c. 1. p. 313. Iohannem de Lugduno inter primos eius socios collocat, ut confundendi non videantur. An verò hic Iohannes idem sit cum Johanne de Lugduno, de quo Reiner. c. 6. p. 304. 305. ut Catharorum Episcopo plur. nefanda recenset, vix expeditur.

§. 4. VVALDO nomen fuisse à patria VValdis in Marchia Waldi or-Galliæ vid. ap. B. D. Gerhard. *Confess. Cathol. P. 1. ep. Dedic. a. 2.* Pilich-tus. dorf, contr. hæc. VVald. c. 1. p. 313. civit. VValden in finibus Franciæ appellat: Grezer. ex *Cod. Tegern.* addit in marg. *versus Alamanniam:* Vicum prisco nomine, postea mutato dictum esse Vaudram, auctor est Jo. Masson. ap. Jac. Usser. de *Christi Eccl. succ. c. 8. p. 259.*

§. 5. Lugdunensem civem, professione mercatorem vo- Waldus.

quis &  
qualis.

cant omnes: an literatus fuerit, non æquè conveniunt. Vidimus: à Thuano assertum, quod per alios populari linguà verti curaverit: libros sacros: Disertè Idiotam appellat Alf. de Castro l. 2. *advers. bar.* p. 78. Veramenimverò aliquantulum literatum fatetur ipse Reinerus c. 5. p. 300. A. & quod N. T. textum docuerit vulgariter. Ex Guid. Perpin. in flor. *Chronic. & vetustissim. membr. in Catal. Test. verit.* eruditionem eius demonstrat Aldegond. *Tabl. de differ.* P. 3. c. 12. p. 149. Id fortè adversariis largiri liceat, à scholasticis subtilitatibus & acumine inutili commendari non potuisse, quando isto tempore ea sola eruditio visa. Expressè MSc. *Chronic. Argent.* ipsi translationem ascribit.

Tempus.

§. 6. In TEMPORE etiam non consensus omnimodus, Aldeg. d. l. ann. 1152. indicat. Ex Thuan. 1170. habuimus. Aliis 1160. Hottingero Auth. Cat. Test. veritatis. Æqualem nonnulli faciunt Berengario. Alii Innocentio II. de quibus vid. Usser. de Eccl. Christ. succ. c. 8. p. 261.

à Romanis:  
discedendi  
" occasio  
generalis.

§. 7. OCCASIONEM instituti si quæramus, multa se offerunt: ad Communem non tantum cleri corruptissimi eo seculo vita flagitiosa pertinet; Sed & imprimis ignorantia Reiner. c. 3. p. 299. ita. *Quinta causa est insufficientia doctrine quorundam, qui prædicant quandoque frivola, quandoq. falsa.* Ita etiam ex Jacob. de Riberia Reg. Secret. & in causa VValdens. inquit. Jo. V Volf. Lect. memorab. ad ann. 1140. p. 382. Eo tempore nullo aut parvo in pretio fuere, qui Sacerdotes se, Episcopos & Ministros Ecclesiæ dici volebant. Hi enim omnes rerum omnium ignari cum penè essent, facile fuit eruditione & doctrinâ præcellentissimis primas in populo partes sibi vendicare: Ex quibus cum præceteris Waldenses acutus de religione disputarent, admittebantur sæpè à Sacerdotibus publicè docendi causa, non quod eorum sententiæ sibi probarentur, sed quod Waldensibus ingenio pares non essent. Habemus insignem delineationem corrupti seculi, Proverb. XXIX. vers. 18. Cum prophetia defecerit, dissipabitur populus. Itaque facile cogitare licet, cum neque essent qui populum docere possent: dissipationem horrendam fuisse: Ut adeo mirum non sit, hominem in quo vel scintilla adhuc in DEVM pietatis superfuerit, zelo accensum, & suæ & aliorum saluti rectius voluisse consultum, Eandem ferè causam Bohemi postea, in Confess. ad reg. Vladisl. p. 85. allegant, sui à Romanis discessus.

§. 8. Imprimis verò novorum dogmatum in Ecclesiam introductio, in quibus Transsubstantiatio eminet tyrannica. Aucta enim paulatim Pontificis potestate, eousque protendebatur, ut articulorum fidei condendorum potestatem sumeret.

§. 9. Occasionem *specialem* referunt; quod cum Lugduni alii quot optimates quodam loco congregati (prout in Italia & Gallia *specialis* astate fieri solet) varios sermones ferebant, quidam ex iis, spectantibus reliquis, mortuus corruerit. Itaq; Valdus ex illis cum primis perterritus & iræ div. ac fragilitatis hum. admonitus, haud dubie impellente eum div. spiritu, qui talibus quoque practicis legis concionibus, opus conversionis promovere solet, de emendandâ vitâ & verâ pietate maiori zelo in posterum colenda cœpit cogitare. vid. Reiner. c. 5. p. 300. Car. Test. verit. lib. 15. p. m. 1499. Pilichdorf. contra hæres. Wald. c. 1. p. 313. diversum recenset: quod quæ Christus Matth. 19. v. 21. adolescenti dixit, audiverit, aut legerit. Sed ab aliis deseritur. Francisci factum homini in mente fuisse videtur.

§. 10. Initium factum, ut statim magnum thesaurum pauperibus erogaret. Reiner. c. 5. p. 300. Omnibus se abdicasse bonis & singulari sanctimoniam opinione, non probari potest, & infr. Sect. III. n. 29. refellemus. conf. Artic. 1. §. 7. Hoc modo plures ad eum pauperes ventitabant, quibus præter eleemosynam longè sublimius donum doctrinæ Christianæ largiebatur; cum enim Scripturas S. in linguam vernaculam convertisset (vid. §. 5.) additis Patrum quorundam dictis, eorum sensum exponebat. Initium domesticis fecit Catechista diligentissimus; inde alios quoque instituens; à quibus de religione consultus fuit: Nec improbable est, si dicamus amicitia, cognatione & affinitate potentem in urbe, necessarios suos primum habuisse discipulos.

§. 11. Hinc adversarii insurgunt, usurpatæ prædicationis insimulantes, cumque vocatus non esset, neque missus, non quodecebat ostio in ovile ingressum criminantes. Sed frustra sunt: In eo Ecclesie statu & necessitate, quæ tum fuit, vocationem charitatis sufficere posse, nostri dudum ostenderunt. vid. B. D. Nicol. Huñ. in demonstr. ministr. Lutherani: B. D. Gerh. LL. CC. de Ministr. Eccl. §. 74. D. Frider. Balduin. in Comm. ad Loc. 1. Cor. XIV. Excell. D. Præfid. in s. Hodosoph. Phænom. II. p. III. Summum item Theol. Hamb. D. Jo. Müllerum in Luth. def. defensione c. 2.



§. 12. Non latebat Ecclesiasticos, quod sibi periculum pararetur; itaque ubi primum veritatis solem illustrius exoriri videbant, tumultuabantur. Qui erroris convincere ex Scripturâ S. aut ex eâdem rectius illum se informare velle promitteret, nullus erat, sola Episcopali autoritate interdicebatur, quo minus domi suâ traderet capita religionis Christianæ: Masculè se interdicto huic opposuit, his potissimum fundamentis; esse cuius Christiano mandatum, ut scrutaretur Scripturas; & fugeret Idololatriam, omnes præterea Christianos esse Sacerdotes. vid. Cat. Test. verit. lib. 15.

§. 13. Itaque non tantum morem non gessit edicto, verum occasione etiam arripuit subinde diligentius inquirendi: quin & ea tyrânis prælatorum, veritatem in herba suffocare tentantium, in causa fuit, ut maiori studio de Sacerdotibus, eorumque religione & instituto non cogitaret solum, verum loqueretur paulò liberius. Crescente insuper certamine semper novos errores & superstitiones detexit ac reprehendit, ut eò demum se divina gratiâ lunine, cum aliud initio egisset, videret perductum, quò devenire nec intenderat. Planè geminum B. Luthero exemplum, qui primò controversiarum ortu de Papa impugnando ne somniaverat quidem.

§. 14. Adfuit autem Valdi laboribus uberrima div. benedictio, ut turmatim accurrerent, qui ab ipso desiderarent informari: Et quid mirum eos esuriisse verbum, quibus jam longo tempore de doctrinâ Biblica vix innotuerat quidquam: nam sacrifici, ipso adversariorum testimonio, eo tempore (vid. §. 7.) indoctissimi homines in templis boatibus sonoris & missarum murmurationibus esse contentos jubebant: Christi merito alienis meritis obruto, aut incognito propè, cum suggestus omnes, si ullis, non aliis, quam de Sanctis eorumque miraculis, concionibus resonarent. Unde vel ad primam famam solatiffus doctrinæ, quæque non iisdem ineptiis simplicitati hominum illuderet, undique affluxere, aliunde etiam, nec omnes ex infima plebe, qui è fontibus Israël salutare haustus quærebant.

Vbi primū  
docuerit.

§. 15. Quatuor aut quinque annos Lugduni mansisse & docuisse Valdis creditur. Ut taceam illud (verba sunt Autoris Cat. test. veritat. lib. 15. p. m. 1499.) quod hac in re præcipuum est, quod DEVS suis ante persecutionem discendi spatium ac commoditatem benignè solet concedere: Quo tempore procul dubio Valdis & discipulos aliquot egregios ita docuit ac erudit, ut ei collega esse, officioque docendi rectè fungi possent, & doctrinam suam diffusit.

§. 16. Cum demum ante Lateranenſe concilium, Synodo ab Eccleſiaſticis damnati eſſent, hinc inde dilabi neceſſe fuit, quod Lugduno expellerentur. Cum verò eo jam immineret tempeſtas, in Alpinas valles miſiſſe dicuntur, in quibus *quoque* ſibi in religione invenerunt, qui jam ab antiquo eandem doctrina coluerant. Apud hos facilè invenere rerum afflictarum aſylum, quin brevi tempore omnis ferè regio idem ſenſit ipſocum. conf. Chronic. V Valdenſ. c. 1. p. 5.

§. 17. De diſperſione hâc prima Marnix. Aldeg. Tabl. de diſfer. de la relig. P. 3. p. 149. ſi noſtro idiomate adſcribere placet, quæ iſ Gallicè ſonat. : *Postquam interdicto, quo ab Arch. episcopo Lugdun: cui nomen D. Iohannes de belles Majons ( seu Maisons ) prohibebantur amplius contra receptam in Eccleſiam Romanam doctrinam predicare ; respondentes, DEO, quam hominibus plus obediendum eſſe. excommunicati ſunt, expulſi & ſtylo Spiritus S. ( Apoc. XI. 8. & 9. ) victi per beſtiam, quæ ex abyſſo. aſcendebat : &c.* Pergit enarrare, quod altera parte in Picardiam perrexerint : unde in Flandriam, in Germaniam, potiſſimum Alſatiam, & omnem Rheni tractum, ulterius in Austriam ac Bohemiam fugere. Nec minus in Lombardiam ventum, unde in Siciliam ac Neapolit. regnum, atque extremam provinciam Calabriam ſe diffudere. Altera verò parte in Provinciam & Linguadocium intulere doctrinam incrementis non contemnendis : Nimirum non ſemel perſecutio Eccleſiæ felix fuit, Act. 8. v. 4. Et eleganter concludit Aldegondius : *Ita ut hinc VValdenſes, illinc dicti Albigenſes ( fide conſanguinei & fratres ) fuerint tanquam dua olea ſeu lampades dua, de quibus S. Iohannes dicit, quarum pinguedo & lumen per omnes terræ ſines ſe diſperſerit.* Sed de locis ubi vigerit, ſuo loco ſolliciti erimus. Nunc Doctores & Propagatores quærimus.

§. 18. Eorum qui in Linguadocio docuere nomina ſatis celeberrima. ARNOLDUS qui diverſo à VValdo itinere in Septimaniam <sup>Arnold.</sup> deſcendit, & Albiæ Auguſtæ, ſeu Helviorum olim dictæ hæſit. Thuanus lib. 6. p. m. 289. Arnoldum Hort. appellat Perrinus ap. Hotting. hiſt. Eccl. cap. 12. p. 280. Unde Arnoldiſtarum nomen. An dicemus eum Arnoldum fuiſſe, qui Legionè ſepultus pro Martyre à ſuis cultus fuerit, ap. Bzov. Tom. 13. ann. 1199. n. 55. p. 62. Si eſt, in HISPANIAM etiam tranſviſſe oportet, & Evangelium ibi docuiſſe. An Arnoldus alius? qui Colonia, ann. 1163. cum ſociis Marſilio & Theodorico poſt habitam cum Ecberto Monacho Schönau. diſputatio.



Apputationem, Colonia combustus est. Plura vide ap Jac. Usser. de  
 Christ. Eccl. Success. & statu cap. 8. p. m. 303. coll. cum p. 291. Alius hic  
 Arnoldus, ab Arnoldo Brixiano, qui antea an. 1145. (Grezero refe-  
 rente 1155.) à Pontificiis in crucem actus est, non tam quod Petri A-  
 bailar hæresin sequeretur, quam quod in factum Sacerdotum inve-  
 ctus potestatem Papæ secularem negavit, suâque doctrina effecit, ut  
 Rômani libertatem eligendi Magistratus repeterent, quam Ponti-  
 fices sibi rapuerant: Quæ ratione à Baron. T. 12. ann. 1142. n. 3. p. 307.  
 Politicorum hæreticorum Patriarcha & Princeps audit. vid. Micræl.  
 Syntagm. hist. Eccl. lib. 3. quæst. 30. p. 192. Osiandr. hist. Eccl. Epit.  
 Cent. 12. lib. 2. c. 7. p. m. 266. Et ab hoc Arnoldista denominati Secta-  
 tores ap. Baron. d. T. 12. ann. 1144. p. 319. n. 4. & 5. distincti à nostris.  
 Grezerus tamen in Proleg. ad Script. adv. VVald. c. 4. p. 291. C. ab illo,  
 nostros etiam derivare vult, post Goldast. rat. Const. Imp. p. 77. tan-  
 quam nullus alius inter VValdenses celebris fuisset Arnoldus. Eo-  
 dem loco in Arnoldum hunc invenitur gravissimè, nec ferre po-  
 test quod Gerhohus Reichersperg. lib. 1. invest. Antichr. supplicium  
 Arnoldi approbare dubitet, licet doctrinam pravam, credat: Et sanè  
 curia Romana noluit videri ipsorum scientia, aut consensu rem fa-  
 ctam: quam tamen Gerhohus fortiter convincit. Quæ Grezerus  
 excipit, frustra sunt: Neque enim seditionis reus est, qui illis ne-  
 gat, quæ Deus ipse negat, temporalem potestatem.

§. 19. Adhuc alius Arn. de Villanova natione Hisp. sæculo  
 sequenti prodiit, vir in omni artium genere peritissimus, qui & ipse  
 contra Pontif. animosè multa dixit & scripsit, sedatoresque suos  
 novos Arnoldistas post se reliquit. Micræl. d. l. Itaque in aliis di-  
 versis, in hoc tamen Arnoldi hi conveniunt, quod Romanæ Eccle-  
 siæ & vitia & arrogatam *imperiali* dampnarent.

§. 20. Post Arnoldum, SPERONUS & JOSEPHUS succedere.  
 Thuan. l. 6. p. 289. Diensium præconem hunc facit Perrinus ap. Hot-  
 ting. d. l. ille in Septimania vixisse videtur; In qua etiam Henricus  
 VVald. discipulus docuit. Hotting. d. l. Præterea cuiusdam NICOLAI  
 DE LUGDUNO, qui sibi discipulos elegerit, quos per orbem terrarum  
 circumduceret, meminit Pilichdorf. fragm. contr. paup. de Lugd.  
 p. 335. ubi neque Grezerus invenit, quis ille sit. Plura nobis nomina  
 Jac. de Riberia servavit, ex quo Jo. VVolff. l. mem. ad ann. 1160. p. 382.  
 Qui hæretici existimabantur, eorum præcipua nomina hæc sunt:  
 PONTICUS JORDANUS, ARN. AURISANUS (Aversanus ap. Marnix.

OTHO-



OTHONVS. (an ille Arnd. Hott. supra allegatus?) PHILIP. CASLIEN-  
SIS, (s. Casteux. ut ap. Marnix. ex hist. Tholof.) BENED. THERMVS, qui  
omnes interfuere disputationi Montrealensi, de qua suo loco.

§. 21. Imprimis verò in Angliâ celebris Jo. WICLEFVS. Is theo-<sup>Io. Wi-</sup>  
logus Oxoniensis in Collegio Martonensi, acutissimi ingenii vir, & clesus.  
in Philosophiâ ac Theologiâ scholastica inter principes. (vid. Le-  
land. in eius vitâ) circa 1381. cum antea ei quædam in philosophicis  
non probarentur, ut communiter statuebant, cum primis contra  
Transsubstantiationem docere cœpit. Multa VValdensibus debuit,  
qui jam pridem in Anglia fuerant. Alfonsus à Castr. l. 3. adv. hæ-  
ret. p. 101. cognitionem haud invitus largitur: & Waldenses Wiclef-  
istarum parentes appellat: *quoniam hic, ut alibi semper (ait) Waldenses imitan-*  
*tur VViclefiste* l. 6. p. 196. b. *VViclefiste in verba VValdensium jurasse viden-*  
*tur magis quam verba CHRISTI aut Ecclesiæ* Bzov. T. 15. ad ann. 1430. n. 87.  
dicit: *Omniū precedentium Hæreticorum impia dogmata excussitasse,*  
*præsertim verò VValdensium & Richardi cuiusdam armachani.* Idem T. 15.  
anno 1381. n. 15. primum, quem erroneum docuerit, articulum attri-  
buit: *Post consecrationem à Sacerdote in Missa factam remanere ibidem*  
*verum panem & vinum, ut prius fuerit: Christumque ibidem ut ubique*  
*quanquam specialius assistere &c.* Nihil in hoc, quod non amba-  
bus amplectarere manibus. Ad plura postea religionis capita  
devenit, & in iis, quæ Pontificii corruperant, restituit. Adfuit  
etiam benedictio cœlica, ut brevi tempore plures ad agnitionem  
veritatis converteret, & in iis doctissimos viros. Scriptis autem &  
prædicatione opus urgebat. Nec huins libertatem magis ferre po-  
tuere Pontificii, quam aliorum. Itaq; quæ contra eum VVilh. Cort-  
nayus, Archiepiscop. Cantuar. susceperit, vel apud ipsum Bzov. ad  
ann. 1382. n. 12. seq. legere licet: demum vitâ functus est 1395.

§. 22. Inter eos, qui ipso cum faciebant, ex Bzovio illos nota-  
mus: Rob. Rugg. Oxon. Acad. Cancell. Th. Brighvell Nicol. Here-  
ford. Phil. Ripington. Theologiæ Professores, Jo. Asheton. art. Mag.  
quorum tres posteriores ilicò dictus Archiepiscopus excommuni-  
cavit: alius Jo. Aston, Mag. art. Londini causam promovit. Quidam  
VVilhelmus Lecestriam prædicatione sua juvit. Inter omnes verò  
celebris HERFORDIUS fuit, cui post Wiclefum adhæsisse eos Bzovius  
memorat ad ann. 1387. Ubi etiam istos jungit, ex quibus aliqui il-  
lustriore loco nati & positi, Guil. Nevilium, Ludovic. Cliffordium,  
Jo. Carerve, Rich. Styrium, Th. Latimerum, P. Parethalium, Argent.  
Jo. Mon-

Jo. Montagu. Alius VVilh. THORPIL circa ann. 1407. mentio fit, qui cum Archiepiscopus Cantuar. Thom. Arundelius longam disputationem habuerat, eo demum eventu, ut in carcerem coniectus vitam amitteret. vid. Croci; Mattyr. l. 2. B.D. Papp. Hist. Eccl. p. m. 567. Ita & Jo. Purveus ex illius discipulis fuit, qui circa ann. 1390. Commentarium in Apocalypsin edidit. VVolf. Lect. memor. ad an. 1421. Contra hunc Richardus Laningham. lib. X. de Sacramento Eucharistia; scripsit, referente Bzovio ad a. 1415. n. 58. Fuere & plures alii, unde nomine totius Academia; Oxoniensis scriptam pro VViclefo apologiam & testimonium attulere Pragam studiosi duo, quod videre licet ap. Zach. Theob. Hussiten. R. P. l. c. 3. p. 8. Sed & Bononiensis Academia non recte VViclefi libros ab Archiepiscopo Prageni combustos esse judicavit. Theob. c. 6. p. 19. Quinimodo duo studiosi Angli Jac. Baccalaureus Theolog. & Conrad. Canterburienfis fuere, qui novam quasi doctrina; suae coloniam Bohemia; rursus inferebant a. 1404. dum in Academia Prageni literis operam dantes, & argumentis, & allato (cujus mentionem feci) Oxoniens. Academia; Jo. VViclefi, testimonio eius causam agerent, ac ita Hussi conatib; multum prodesse: ad extremum ob plures turbas cedere Pragâ coacti.

° Io. Huss.

§. 23. VViclefo suppar & eius doctrinâ multum adiutus est. Jo. Hussus; qui in pago Bohemia; Hussine; natus; artium Magister & Baccal. Theologia; erat: Intercesserat ei amicitia cum Petro de Dressena & Jo. Milnensi VValdens. discipulis; refer. An. Sylv. Hic an. 1401. (Bzov. 1402. indicat.) Pragâ in ordinariis suis, quas in templo Bethlehem appellato habebat, concionibus, quâdam recepta tum papatus dogmata reprehendere cœpit.

° Hieronymus Prag.

§. 24. Ab indulgentiis & Pontificis potestate initium factum, neque tamen universam doctrinam tum rejicere cogitabat, quam sequebatur, quin potius studiosum Pragensem, qui attulerat ex Anglia VViclefi librum, instanter hortatus erat, ut librum quovis modo aboleret, ne alius fieret seductionis causa; (quod & B. Luthero contigit) ubi primum aurora cœpit affulgere, subinde lux maiori ipsi orta est. Bzov. T. 15. ad a. 1402. n. 8. libro VViclefi Alythia; causam adscribit. Juvabant institutum Hussi M. HIERONYMUS PRAGENSIS (qui in scholis ut Hussus in templo, palmam ap. auditores obtinebat) & M. JACOBELLUS von der Miß; & Angli præterea duo, quorum præced. §. 22. mentio facta. Ecclesiastici autem qui fabam in se cudi viderent, omnia movebant contra illos; donec ad rogam duxere Constantia; Vide

Vide eos, qui eius historiam pluribus sunt persecuti, hinc inde; imprimis etiam Zach. Theob. Hussiten Krieg P. I. Nobis brevioribus esse convenit.

§. 25. Idem uti studium, sic fatum Hieronymi Pragensis fuit, cuius iterum vita & res ap. alios quærenda sunt. Arsit Constantiæ anno 1416.

§. 26. Neque tamen duobus his sublati alii non supererant, <sup>„Iac. de Miza & alii.</sup> JACOBELLUS DE MIZA Anno 1415, cum jam uterque discessissent, Præ publicè disputationem intimavit de communione sub utraque; eandem concione docens. Quem imitatus Sigismundus Rsepauski ad S. Martini parochus; Demum uterque iis, qui communicare volebant ita porrexit. Post utriusque mortem M. Jo. Cardinalis Rector Acad. & decretal. Baccalaureus, ex discipulis Hussi ferè primarius, literis per totam Bohemiam evulgatis, sub nomine salutaris consilii de usu calicis, omnes ad hunc hortabatur: Quod consilium etiam universaliter postea ab Hussitis receptum. Aliorum discipulorum Hussi coacervat nomina Bzov. T. 15. ad ann. 1417. n. 15, nescio an satis emendare: Jessinizius, Chrystan, Sutyna, Zdenko, Gytzin, Petrus Spitzka, VVencesl. Coranda, Idislaus, Markolt. E proceribus & nobilitate hisce se multi adiunxere, ut demum à R. VVenceslao aliquot templa, & calicis usum obtinerent. Ex quo B. Hussi & Hieronymi memoriam, 6.d. Jul. quotannis celebrandam decrevere.

§. 27. In reliquâ Germaniâ multos fuisse, suprà vidimus, & inferius pluribus monstrabitur. Nomina non æque conservata. Ap. Argentinenfes unus celebrior erat Jo. Sacerdos, quem è supremis suis Antistitibus, quorum tres facebantur, unum dixere: hominem fuisse non indoctum, ex illis patet, quæ relatio Argent. Chron. MS. adfert. Als man Johannes in aller jhrer Namen examinirt, so ge er die göttlich gschriffte also an / daß die newe Prediger Mönch nicht künnten antworten; allein zeigten ihm die Mönche gewalt und befehl, daß niemand gebühre aus göttl. gschriffte ohn erlaubnuß des Pabsts zu reden/ der allen gewalt von Christo und S. Peter habe/ dem auch kein Engel im Himmel hab einzureden/ will gschweigen ein mensch/ der ein Keger ist: wolten sie ihren Glauben beweisen/ solten sie solches mit einem glühenden eyßen thun. Johannes sagt/ man soll Gdt nicht versuchen/ weil man sein wort hell hätte/ obs wahr oder nit wahr were. Dann Gdt trüge nicht wie ein mensch: daruff wurd er verspott: sagten/ er söcht/ er verbrenn die finger



Finger; Johannes sagt/ich habe Gottes Wort/ darauff begehrt ich nit die Finger/ sondern minen lib lassen verbrennen. Insigne *αποδοξια*; & constantia argumentum. Quod (inquam) excerptum una cum reliquis, quæ hinc inde vernaculo sermone in dispcitamus. è MSc. Chronico Argent. quod in illustriis. Reip. Archivo servatur, Nob. & Amplifs. Dn. Jo. CASP. BERNEGGERVS Reip. à Regestorum cura comunicavit.

\*Barthol.  
Carcas.

§. 28. In Bulgaria celebris BARTHOLOMÆVS CARCASSONENSIS, quem Antipapam ab ipsis creatum Bzov. dicit. T. 13. ann. 1212, n. 11. & Grezer. proleg. ad Scr. Antivvald. c. 3. p. 290. E. ubi ex Matth. Paris, literæ C. Portuens. Episcop. & legat. Apostol. ad Archiep. Rhotomagens. in quibus verba: *Ille homo perditus, qui extollitur super omne quod colitur, aut quod dicitur DEVS, jam habet perfidia sua præambulum hæresarcham, quem heretici Albigenfes Papam suum appellant, habitantem in finibus Bulgarorum, Croatia & Dalmatia, juxta Hungarorum nationem. Ad eum confluunt heretici Albigenfes, & ad eorum consulta respondet, etenim de Carcassona oriundus, vices illius Antipapæ gerens Barthol. hereticorum Episcopus, funestam ei exhibendo reverentiam, sedem & locum concessit in villa, quæ Porlos appellatur, & seipsum transfudit in partes Tholosanas. Iste Bartholomæus in literarum suarum undiq; discurrentium tenore, se in primo salutationis alloquio intitulat in h. m. Bartholomæus servus servorum, sanctæ fidei tali salutem. Ipse etiam inter alias enormitates creat Episcopos, & Ecclesias perfidè ordinare contendit. Si, quæ invidiosè proponuntur ab hoste, demamus, dicere poterimus Ephorum supremum illarum Ecclesiarum fuisse, qui tum ad suas Ecclesias destinatos ministros ordinaverit, alios quoque aliud miserit, si qua ratione Evangelium ap. vicinos fructus faceret. Nihil hic improbum aut iis convitiis dignum.*

§. 29. Et hi quidem ac alii nominatim innotuere, quot verò tenebris sepulta nomina jacent, digniora quæ in omnium ore versarentur, quàm *αποδοξια* Scholasticorum è primis: Sed in eâ sæculorum ingratitudine sufficit in beato vitæ libro consignata extare, in æternitate ipsiscum cognoscenda. Scripti utique ab illis libri non pauci, per quos ad posteritatem vivere poterant, si temporum iniuria ac inimicorum omni ope agentium, ne quid veritatis superesset, crudelitas ab innoxiiis sibi temperasset chartis. Verum ardeat necesse est Romæ, quod illi palpum facere recusat; & diligentissima vestigatione perquisiti hi ad rogos libri, ut rariores perniciem effugerent.

ART II.

## ARTICULUS III.

### Ecclesiæ Repræsentatio.

§. 1. Ipsam jam ante oculos nobis ponemus ECCLESIAE FACIEM: sequentes τὰ πρῶτα Venerandi nostri Dn. Præceptoris, quæ in Phænom. IV. Christeid. Act. I. Opt. Dramat. th. I. in schemate Ecclesiæ primæ prævit:

§. 2. AMPLITVDINEM EXTERNAM & REGIONES, quæ ple-  
 rumque invitæ, nutricatum tamen, Ecclesiæ huic dederunt, si quæ-  
 ramus; Initio LVGDVNVM ex superiori relatione occurrit, Inde Se-  
 ptimania seu Linguadocium: Huiusq; provinciæ quàm plurimæ,  
 Albienfis, Ruthena, Cadurcenfis, Aginnensis, & Tolosana diæcesis  
 iis plenissimæ. vid. Jac. de Riberia coll. de urbe Tholos. Ecclesiæ  
 quàm plurimas ante desolationem fuisse oportet: memorantur lo-  
 ca, quæ violentiam hostilem propterea experiri necesse habuere,  
 Biterre, Carcassone, Minervæ castrum, Albia, Vaurum, Coureum, Rapi-  
 sium, Galliacum, F. Marcelli, F. Antonij, Caussacum, Massacum, arx Pennen-  
 sis &c. vid. Thuan. l. 6. p. 290. Altera parte in Alpibus invenire lo-  
 cum, harumq; vâlles propemodum totas obtinuerunt. Ex Thuano  
 valles Lusernensis, Perusia, Angrunia & Sanmartiniana sub Duc.  
 Sab. imperio: sub Galliarum Rege Fraxinea, Prætigelana, seu Che-  
 lonia, Loisina, de qua §. 32. ex Thuan. l. 27. p. 1217. In Provincia, Ec-  
 clesia MERINDOLIENSIS & CAPRARIENSIS, cum harum vicis, pri-  
 mariæ fuere, tristi illâ persecutione 1550. celeberrimæ, de quâ Thu-  
 an. l. 6. p. 288. seq. AVENIONENSIS quòque eorum Ecclesia nomen  
 habuit. Unde Ludov. VIII. urbem illam malè multavit. Thuan. d. l.  
 p. 291. Aliæ item partes Galliæ his non caruere. Nam in ipsa urbe  
 regni Principe Lutetia 14. in quibus plerique Sacerdotes huius erroris (ita  
 Thuanus d. loc. p. 290.) convicti & flammis pariter cremati sunt. In Pi-  
 cardia numerus magnus. Marnixius S. Alegondius Tabl. de diff. Reli-  
 g. c. 12. p. 290. ita memorat: Ad doctrinam suam non ex plebe multo infini-  
 tos converterunt, sed magnam etiam nobilitatis partem: adeo, ut post  
 aliquod tempus Rex Philippus Augustus ab Episcopis & aliis Ecclesiasticis  
 contra eos instigatus &c. ut trecentas nobilium domos, quæ in partibus  
 eorum erant, & aliqua oppida murata destruxerit. In Flandria etiam,  
 ut extirparet, magnum eorum numerum combusserit. Ne verò plu-  
 res provincias singillatim recensere cogamur: Sufficiant hæc:

Bzov. annal. T. 13. ad ann. 1198. n. 6. *Fere omnem Galliam pestis VValdensium infecerat, & plures alias hereticorum sectas secum invexerat, adeo ut puritas Catholica fidei & splendor doctrina orthodoxa vix ac ne vix quidem emereret: Hereticis cuncta inficientibus & insuper vastantibus.*

» Angliam.

§. 3. Sed ex GALLIA in ANGLIAM pergendum. In qua non pauci eorum fuere: si Guid. Perpin. non fallit 1174. Anglia VValdenses jam habuit. Addit suffragium VVilh. Neubr. rer. Anglic. l. 2. c. 13. Sub VViclefo magis magisque invaluit eorum doctrina, & in regnum multum dilatata est.

» Hispaniam.

§. 4. Nec HISPANIA simpliciter excludit; ex præcipue provincia, quæ Gallis contermina: Arragonia plures habuit: Ut ipse Rex etiam illis faveret, Tolosat. Comitem, auxilio juvans. *Quinimo virum magni nominis eruditioneq, clarum allegat Jo. Mariana in præfat. ad Luc. Tud. p. 230. C. qui colluviem Albigenfium ex Hispania in Galliam erupisse asserit.* Quod tamen non probatur ipsi & suspicionem è patrocinio Petri Regis venisse auguratur. In Navarra s. parte s. contermina regione (controversiam nostram non facimus.) Bearnia extitisse, ex eo apparebit, quod Bzov. ad ann. 1270. disertè memoret: Arn. Castelbonium vice comitem & Ermesendam Fuxensem, comitis eius filiam; Rogerii Bernhardi Fuxensis Comitis aviam, hæreseos damnatos, ossaque exhumata & combusta.

» Italiam.

§. 5. ITALIA non infelicior, quæ in Lombardia imprimis numerum insignem aluit. Adeo ut ex aliis provinciis Mediolanum tanquam in Academiam suos mitterent, veram Christi Theologiam edocendos. Vicissim ex Bohemia & Alsatia pecuniaria subsidia Doctoribus mittere solebant, conf. Leß. memorab. VVolf. ad ann. 1160. p. 381. ex Nauclero. Post Lombardiam & Alpinos, quorum antea mentio facta, Apulia & Calabria illis abundavit: quin per totum ferè regnum Neapolitanum in Siciliam usque protensi fuere, quod ex Constit. Imp. Frid. II. patet.

§. 6. De Dulcinistis, qui circa ann. 1307. ad NOVARIAM Lombardiæ fuerunt, à quodam Dulcino appellatis, vix erit quod certum dicere possimus. Si enim vera quæ ex Blondo & Antonino Grezerus præloq. ad Triad. contrà VValdens. c. 2. p. 10. seq. prodit, injuria fit VValdensibus, si cum illis misceantur. Fortè tamen eandem fortem ab hostibus Dulcinus cum suis passi sunt, quam & VValdenses calumniis obruti, nisi quod illis quàm his plura innocentia testimonina superfuere.



§. 7. Illyricum quoque, de quo sibi gratularetur, habebat: nam s. Lombardiam, Austria vicina eò multi se effuderunt. Ab illis Antipapam in finibus Bulgarorum Croatiae & Dalmatiae constitutum esse audivimus ex Matth. Paris. ad an. 1223, ap. Grezer. proleg. in script. contr. Waldens. c. 3. 290. E. Eadem ex antiquis inquisitorum libris probat Matth. Jacius Catal. Test. Verit. p. m. 1505. D. quinimò ex Illyrico in GRÆCIA, THRACIAM & CONSTANTINOPOLIN usque progressi sunt, ac Ecclesias suas instituerunt: aliquot ibi Martyrum coronis insigniti, ap. Antonin. P. 3. Tit. 21. conf. Chron. V. Vald. cap. 4. pag. 32.

§. 8. Ex Sarmaticis regionibus POLONIA eos novit, & contra eos circa annum 1330. inquisitio instituta extat. vid. V. Volf. Lect. memorab. ad ann. 1160. p. 381. In LIVONIAM quoque & extremam Septentrionem transmigrarunt, ap. Thuan. lib. 27. p. m. 1213.

§. 9. Apud Germanos RHENANA & ALSATICA Ecclesia ac in hac ARGENTINENSIS ex primis ferè fuere, quòd Belgio se Waldus cum sociis contulerat. Mutius in sua Germ. Hist. dicit circa annum 1212. multos in Alsatia fuisse nobiles & ignobiles, qui ea dogmata profiterentur, quae vidimus esse VValdensium ap. VVolfium Lect. memorab. d. l. Ab illis etiam Mediolanensi elemosynas missas modo vidimus M. Scr. Chron. Argent. aliquoties citatum. Als Dischoff Henrich mit gunst Papst Innocentii die erste Prediger Mönch St. Dominici Ordens gern hätte nach Straßburg bracht / da waren allenthalben im Land Reher / die man Waldenser hieß. Et paulò post: Funden in der Statt allein uff 700. Personen von der Waldenser sect / mann und Weib / darunder sehr viel von Adel / Priester und Zellbeider / und sonst gemein Volf. Addit historiam persecutionis: Aber 80. Personen / darunter 23. Weiber / derer viel von Adel / sampt Johanne dem Priester / und noch auff 12. Priester auch blieben beständig. MOGUNTIA fuisse plures ex Martyriis infra patebit, tum è modo examinis, quem Grezer. edidit, p. 341, 342. Quin imò fassi sunt ap. Nauclerum; si quis Colonia Mediolanum pergeret, quavis nocte divertere posse apud fidei complices.

§. 10. Longè numerosior BOHEMICA erat, inprimis post Jo. Hussi tempora, licet Calixtinorum & Taboritarum dissidio non patum deformata. Sed in hujus Ecclesiae, licet consanguinea VValdensibus sit, descriptione, multam ponere operam vix necessarium erit.

erit, cum per alios plus innotuerit pridem, quam quæ reliquis locis delituere.

§. 11. Ex principe ditione in reliquas subiectas transivit  
Silesiam. doctrina. SILESIA & MORAVIA multos numeravit, prout ex an-  
" Moraviâ. tiq. fragm. libr. inquisitor. Flacius Cat. Test. Ver. l. c. refert.

§. 12. AVSTRIA succedit maximè referta, Circa annum salu-  
" Austriam. ris 1335. in Austria, Pataviensi districtu & vicinis Bohemia locis ad 80000.  
eius professionis reperta, quas omni severitate persequerentur Iacobini. Mar-  
nix. Aldeg. de diff. relig. c. 12. p. 150. Confessus erat illud quidam  
ex eorum concionatoribus, cum Viennæ igni traderetur. Id quod  
vel inde amplius suaderi potest, cum Reiner. contr. VVald. c. 3. p.  
3. p. 299. F. qui ipse inquisitioni se interfuisse dicit, asserat: computa-  
te sunt scholæ hæreticorum in diocesi Pataviensi XLI. In loco qui dicitur  
Clemmaten fuerunt X. Scholæ. Illas 41. postea enumerat, in quibus  
loca non ignobilia; quas vid. d. l.

§. 13. In SVEVIA deprehendimus etiam vestigia. VValden-  
" Sueviam. ses fuisse credit VVolff. Leët. mem. l. cit. de quibus Cranz. lib. 8. Me-  
trop. c. 78. quod sub Friderico II. contra Papam & Monachos Halæ  
Sueviæ concionati sint.

§. 14. Extat quoque magnum processuum volumen, in quo 443.  
& alia lo- Waldenses nominatim examinati sunt in Pomerania, Marchia & vicinis lo-  
ca. cis circa ann. Dn. 1391. & supra dictos articulos sunt confessi. Multi eorum  
testantur se 20. & 30. annos in secta fuisse: multi etiam affirmant, suos ma-  
iores quosq. sic sensisse, subindicantes tamen subinde Doctores suos ex Bohemia  
ventitare solere. Vnde apparet, etiam istas Saxonicas regiones jam ante  
Hussum plenas VValdensibus fuisse. Verba sunt m. cit. VVolff. Thuringiam,  
Marchiam, Bohemiam & Moraviam exprimit ipse, cetera iniquior Pi-  
lichdorf. contr. hæ. VVald. c. 15. p. 315. Thuan. l. 6. p. 289. Valdum  
ipsum, cum in Germaniam transisset, per Vandalicas civitates diu diversa-  
rum esse, ac postremò in Bohemia confedisse memorat.

§. 15. Ex quo Reineriani effati veritas magis patet, quod  
contr. VVald. cap. 3. p. 299. G. dicit, non aliam esse perniciosiorem Ecclesiæ  
quam Leonistarum sectam, etiam quia est generalior. Ferè enim nulla  
est terra, in qua secta non sit. Illustrissimum Domini inter hostes  
suos dominantis documentum & fidei nostræ stabilimentum. Vi-  
cissim vanitas Pilichdorffii, qui contra hæ. VVald. c. 15. pag. 315.  
Angliam.

Angliam, Flammiam, Flandriam, Brabantiam, Geldriam, Westphaliā,  
Danim, Sueviam, Brusiā & regnum Cracovia inter ea reponit, in qui-  
bus penè nulli Waldenses.

§. 16. Fateor equidem plura fuisse loca, in quibus non nisi  
secreto sacris operari, & religionis suæ exercitiis gaudere licuerit,  
violentia adversariorum repressa majori libertate. Neque tamen  
propterea jure in eos invehitur idem Pilichdorf, contra hær. Wald.  
c. 7. 8. & seqq. p. 314. Tanquam vel hoc in argumento veritatem illo-  
rum Ecclesiæ subvertere posset. Acerbior est anonymus, contra  
Wald. editus à Grez. p. 335. *Hæresiarchæ Waldenses sæpius nocte prædi-  
cant, quando familia Christiana dormit; quam inter se vocant alienam & die  
Fremdden: Paulò post. In cameris, solariis, granariis, stubellis, occul-  
tissimis & clausis: Ideò (arrigite aures ad egregiam conclusionem)  
non solum non sunt Apostolorum Christi successores, verum etiam sunt fures &  
latrones. Væ vobis primitivæ Ecclesiæ, atque adeò purissimæ, nobi-  
lissima membra, si his judicibus res agatur! Nam veræ Ecclesiæ  
nomen tueri non potestis, quando sæpius ad speluncas vestra sa-  
cra redacta sunt.*

§. 17. Multis in locis non clancularii tantum conventus  
celebrati, sed fuit, ubi exercitium religionis liberum haberent. In  
Bohemia id cum primis manifestum. De aliis subdubitat Autor.  
Catal. Test. Ver. l. 15. p. m. 1506. Lusernensibus concedit; sed Thua-  
nus lib. 27. p. m. 1213. negare videtur, cum ap. Angrunios demum 55.  
anno ineunte Sextili Evangelii prædicationem juxta ipsorum insti-  
tutum palam fieri cœpisse dicat: Lusernenfes dein secutos. In  
universum multa dat Reinerus c. 3. p. 209. E. *In omnibus civitatibus  
Lombardiæ & in Provincia & in aliis regnis & terris, plures erant Scholæ hæ-  
reticorum quam Theologorum, & plures auditores, qui publicè disputabant, &  
populum ad Solennes disputationes convocabant, in foro & in campis prædica-  
bant, & in rektis, & non erat, qui eos impedire auderet propter potentiam &  
multitudinem fautorum ipsorum. Vnde quæ pag. ead. l. c. dicit: in locis &  
horis occultis docent & discunt, nec aliquem admittunt, qui non sit credens eo-  
rum, refelli necesse non est.*

§. 18. Sed illa Ecclesiæ externa sunt. Interiorem eius deco-  
rem videamus. Ita apparebit VERA, VNA, SANCTA, CATHOLICA. " vera.  
De VERITATE ex tota hac disputatione liquere potest. Reineri con-  
fessio plus dat, quam ipse putat cap. 4. pag. 299. H. dicens. habere eo-  
rum sectam magnam speciem pietatis: eo quod coram hominibus justè vi-



vivant, & benè omnia de DEO credant, & omnes articulos qui in symbolo continentur: Solummodò Romanam Ecclesiam blasphemant, & Clerum. Sed blasphemare non dicendus, qui reprehendit vitia, qui illa negat, quæ iniuste sibi Clerus arrogaverat.

¶ Vna.

§. 19. UNAM dum dicimus: Eam intelligimus unitatem, quam Vener. noster Præceptor Dn. D. Dannh. Chrifteid. Act. 1. Opr. Dram. th. l. (2) p. 166. primitivæ ascribit: unitatem scil. indivisam in se & per se quoad substantiam fidei. Schismata negare nolumus. Quis enim eam Ecclesiæ felicitatem vel speret: Fuere jam prima ætate nascentis Ecclesiæ illa, neque omninò sine scandalo exteriorum; vidi: Alleg. Chrifteid. Act. 1. Opr. Dram. Th. 2. Phen. 1. p. 450. 481. Eadem fors etiam manebit, quoad aliquid in Doctoribus humani, & ita quod non in perfectionem Angelicam transformabimur.

§. 20. Interea DIVISA à QUOVIS ALIO COETV HETERODOXO. Divisa & pura, non tamen divisa & puritate perfecta & summa, hesit lucet: aliquid umbræ, auro scoria, ac quod de ignis elemento dixit Philosophus πύρεσις magis dari quam πύρ, id hic quoque verum. Verba sunt citati Celeberrimi Dn. D. Dannh. d. l. quæ à primitiva merito ad hanc quoque Ecclesiam transferre licet. Eoque magis aliquid condonandum, quo spissiores fuere tenebræ, è quibus recenter emerferant: Ad sociabit subinde altera dies, quibus proficiebant in doctrina cœlesti. Benigne de Patribus primitivæ Ecclesiæ judicamus, si vel ante discrimina mota securius locuti sunt, vel in disputationis æstu aliquid excidit verbum, quod in deteriorem sensum rapi queat? Eundem & hisce debemus.

§. 21. At mixtam dicas fuisse plurimis eiusdem temporis hæreticis. Ita quidem adversarii calumniantur, sed sine Waldensium nostrorum damno. Extiterunt aliqui eo sæculo, qui præter eos à superstitione Pontificiorum dissidebant, in aliis tamen heterodoxi: non propterea illi ejusdem cum Waldensibus Ecclesiæ, sed ab illis divisiissimi mansere, nisi quod solemne est adversæ partis, quos propriis nequeunt, ut tamen alienis criminibus premant, curare. Si fraudi hoc sit Waldensibus, unitas quoque primitivæ Ecclesiæ jure à gentili in dubium vocari potuit, quod eodem tempore tot horrendæ sectæ (in hoc tamen conformes, quod Ethnicismum reicerent) præter ynnios Christianam existerent. Conf. Vsser. de Eccl. Christ. success. c. 4. p. 284. Demus, etiam ex ipsiis Waldensibus, quosdam ita degenerasse, quis verò nescit in prima antiquitate hæreticos illos è medio Chri-

Christianorum ortos : Ad unitatem sufficit, quod pro suis non agnovērint, qui exivēre. *1. Joh. 2. v. 19.* ac omnibus modis, ut possibile est, se ab illis separaverint. Disertè *Pilichdorf. contr. Wald c. 12. p. 315.* Hæreticorum quidem alios reprobant & condemnant; sicut Waldenses reprobant, imò nauseant, Runcaros & Beghardos & Luciferianos & alios diversos. Quicquid jam sit de his nominibus, id tamen constare potest, illos non omnes approbasse, qui communi ipsis cum hæreticorum nomine vulgò veniebant. Ita satisfiet Rainero, cum c. 4. p. 299. H. illis improperat : *Sicut in libro Iudicum legitur : quod vulpes Samsonis facies diversas habeant, sed caudas sibi invicem colligatas ; Sic hæretici in sectis sunt diversi in se, sed in impugnatione Ecclesiæ sunt uniti.* Adde quod non illic hostibus fides habenda, quæ de illorum dogmatibus produnt, cum non semel mendaces deprehensuri sumus in hoc argumento, Sect. 3.

§. 22. SANCTITATEM Ecclesiæ asserunt, omnia ea, quæ de Sancta nudo præf. Excell. noster Præceptor ad Sanctitatem Ecclesiæ requirit in protheor alleg. Christeid. & in Hodosoph. Phæn. 2. p. 110. Fuit sancta. 1. Gratia divina, cum oblatione testamentaria sacramentaria, cum actuali collatione. Nimirum baptisabatur, regenerabatur & sanguine Christi alebatur, vivebat verbo & fide: Et Christus in ipsa summus sanctitatis apex. Præterea iurium & officiorum Ecclesiasticorum professio, ne ac exercitio: quod consistebat in dispensatione beneficiorum sui sponsi constitutione ordinis, & decori per ceremoniarum (quarum simplicitatem impiè ridet Grezerus Icon. Wald. p. 220. seq.) determinationem, cœlestium bonorum *κοινωνία*, ministerii curatione, controversiarum iudicio, singulis concessio, cum debita submissione ad normam Scripturæ & dictamen in ea Spiritus S. discipulari etiam non servili *ὑποταγή*, qua doctorem verba sequebantur. His addantur *claves & censura Ecclesiastica*, minus quidem, in Ecclesia pressa, conspicua; thesauri etiam & S. Lipsana ingeniorum, non ossium, aut alius eiusmodi suppellectilis. Sanè parum his tribuebant, Rainerus c. 5. p. 301. A. Reliquias Sanctorum (inquit) contemnunt, item sanctam crucem reputant ut simplex lignum. Ind. error. quem edidit Grezer. n. 16. p. 341. asserunt, quod nec venerentur illam crucem, in qua Christus pependit: nec spem coronam: nec clavos; nec lanceam; nec tunicam; in consuetilem, si viderent: quorum omnium venerationem dicunt esse vanam, inutilem. & quod Sacerdotes invenerunt propterea. Ante omnia ingenii monumenta. Scriptura S. & s

*hujus exegetici libri De quibus Perrin. apud Hotting. demum thesauri etiam exteriores & pecuniarii è collectione & oblationibus divitum; non Sacerdotum luxui, sed pauperum ac doctorum alimonix destinati. Ita omnia illa adfuisse constabit, quibus sanctitate Ecclesix definire solemus. De morum sanctitate suus quoq; erit dicendi locus.*

• Catholica

§. 23. CATHOLICISMVS superest (nomine etiam ab illis usurpato, Ind. err. edit. Grezer. n. 35. p. 341. Dicunt, quod illa secta sit vera & unica fides Catholica, extra quam nullus possit salvari) is quoque facilis probatus: fides scil. communis, quam integram & Catholico Prophetarum & Apostolorum suffragio firmatam servavit catholicam eam fecit. Non excludimus τὸ ἑξ ἑκαστοῦ loci & actuale, quippe ipsa Ecclesia est, quæ in tota terra ab Apostolis plantata τῷ ἑκαστῷ & consanguinitate fidei & doctrinæ, & potentiali, quæ passis semper manibus quosvis undecunque venientes, si vellent, suscipere fuit parata Catholica temporis duratio non magis neganda est. Hic. verò hostes veritatis occasionem calumniandi oblatam sibi gratulantur, & mendacium imputabunt assertioni: Nec tamen vereor eorum impudentiam. Proclive enim est monstrare, ex quo Apostoli è terris sublati sunt, non fuisse seculum, non etiam contractius longè tempus, quin Ecclesia superfuisset, verbi divini & veritatis etiam contra quorumvis aliter sentientium auctoritatem, studiosa, & nominatim semper existisse, aliàs majori, aliàs pauciori numero, qui diserte Rom. Pontificis immodicæ potestati & arrogatæ fidei dominio, heroicâ fortitudine sese opposuere. *Catalogum veritatis Testium*, sæpius ab hostibus allatratum, nunquam solidè refutatum, describere non est necesse, cum proset. Horum omnium ubicunque vixere: Germani successores sunt Waldenses, eodem Patre Deo, matre veritate geniti: Nec obstat, quod Waldi ætas supra XII. seculo, jam mediam partem exacto, affixa sit: Si enim Catholicam Ecclesiam respicias, non auctor ille, non primus plantator fuit, sed repurgator aliquarum doctrinæ partium: Sin particulares: Lugdunensium vel alias, id nomen meretur, quod illi, qui primi lucem post tenebras aliquo retulere. Idem de reliquis, ut quisq; alio loco judicari integrum est.

§. 24. Id quod dixi Reinerus nobisc. 4. p. 299. G. largitur. Ut hujus auctoritate utamur, ferre nequit Grezerus, infensissimus optimorum hominum hostis, cum Proleg. ad scr. contr. Wald. c. 8. p. 296. G. dicat: *Frustra est Plessæus, cum fictitia Waldensium antiquitati ad-*



vocatum asciscit Rainerum; non enim ex sua, sed ex aliorum sententia ait. &c. inspicimus sanè verba: ita Rainerus: *Prima est* (scil. causa, cui Leonistarum secta Ecclesiæ reliquis perniciosior) *quia est diuturnior: alij enim dicunt, quod duraverit a tempore Sylvestri: aliqui à tempore Apostolorum*: Ita est Grezere! ex aliorum hæc inferit relatione: num tamen improbat? tantum abest, ut potius ex hoc fundamento primum argumentum ducat suo proposito probando: quam validum, si relationem hanc mendacem credidit? An non potius ejusmodi, cui contradicere nec audeant, quos informat. Falsis præsuppositis uti solemne est, cum adversarios urgemus, dignos quos sua absurda premant, non ubi vel cum nostris disputamus, aut docemus eos, chimeras adversariorum fundamenti loco substernimus. *conf. lac. Vsser. de Christ. Eccl. success. & stat. c. 8. p. 256.*

§. 25. Illa somnium sapiunt, quæ Pilichdorf. fragm. contra paup. de Lugdun. p. 333. H. imputat, dixisse: *quod Socius Sylvestri, tempore Constantini, noluit consentire, quod Ecclesia Constantini temporibus ditaretur, & ex hoc à Sylvestro recesserit, viam paupertatis tenendo; apud quem etiam suis adherentibus in paupertate degentibus Ecclesia permansit: & Sylvestrum cum sibi adherentibus ab Ecclesia dicit cecidisse.* Allegasse eos pro maioribus suis, qui superioribus seculis à Constantini ætate contradicere Rom. Ecclesiæ abusibus, non dubium est, & eorum disputationes multæ probant; unum verò Sylvestri socium præ aliis eximium produxisse, nondum Pilichdorfio credimus; & non tam Waldensium (ut Grezer. ibid. in margine adiecit) quam Pilichdorfii hanc lepidam fabellam opinamur.

§. 26. Non itaque ad solum P. de Bruiis & Henricum confugere cogimur (quod ridet Grez. d. l.) sed tam antiquos habemus *opulentes*. Quod idem Grezer. dict. l. in. Pleissæo ridet, dixisse: *montes & convalles aptiores esse religionis puritati conservandæ; non ita absurdum est.* Non ita asperis locis delectati sunt Monachi & Sacrificuli, ignavum pecus, ut amoenis ac fertilibus: focum ardentem, & pingues plerumque quæsiwere cænas: Unde hos potissimum suis dementaverunt superstitionibus, apud quos habitabant commodius, aut à quibus lautius tractari poterant. Pauperioris & quibus loci genius paupertatis necessitatem iniecit, etiam illa in parte sua miseria tutata est. Si verò omnino tempore proximiores Waldo velimus. Supr. Art. II. §. 16. vidimus, priusquam Lugduno discederet, missos in Alpinas valles, qui *opulentes* sibi cum inveniissent, tanto lubentius

ed discessere. In hoc etiam Grezerus se difficilem prabet, quod Waldenses ad nostra usque tempora ac reformationem B. Lutheri superfuisse dicamus. De Bohemia assentitur, quod satis esset manifestum. De Gallia quamvis non sine formidine negare audeat. Sleidani, Flacii, & P. Wessenbecii auctoritatem reicit. Adsit ergo Thuanus, Pontificius scriptor, sed quia candidus veritatis sectator, in Rom. aulâ exosus. Is lib. 6. p. 291. cum huc illuc ab eo tempore dispersi ubique exagitantur, tamen exstiteresemper per intervalla, qui eorum doctrinam intermortuam (quod publicum exercitium attinet) renovarent. Io. Wiclefus in Anglia, in Bohemia Io. Hussus & Hieron. Pragensis: nostri vero atate, postquam Lutheri doctrina obvia tam multorum favore accepta est, reliquia illorum ubique sparse colligi & crescente Lutheri nomine, vires & auctoritatem sumere ceperunt, præcipue in Regionibus Alpibus, & provinciis Alpibus vicinis &c. Ita hi non à Luthero demum, aut Calvino & Farello, ut vult Grezer. excitati, sed cum prius à Rom. Ecclesia dissiderent, novis Doëtoribus adiuti. De Convallensibus idem denuò Thuanus lib. 27. p. 123. dicit: eandem ferè quam à Valdo olim hauserunt, religionem in hodiernum usque profiteri. Ea quoque ratio, cur Sabaud. Duc. uxor magis eis faveret; qui religionem non heri neque nudius tertius, verum per tot jam secula à maioribus traditam colant. Thuan. c. 27. p. 1221. Et quid opus est plura cumulare. Ludovicus XII. cum in Italiam pergeret ingentem edidit Waldensium cladem, is verò quantum à Lutheri reformatione distat? Nec minus quæ Guil. Bellaius Langæus cum Regis mandato in ipsorum mores inquisivisset, repetit, ac de iis testatur, irrefragabilia sunt. vid. d. Thuanus l. 6. p. 293.

Hierarch.  
Oecon.

§. 27. Penficulatus singulas, ex quibus constat Ecclesia, HIERARCHIAS videamus. In OECONOMICA occurrit ante omnia diligentissimum LIBERORVM, EDVCANDORVM, STYDIUM: Non ad alias tantum virtutes assuefaciebant, charissima pignora, sed cum primis cognitionem Dei etiam in imâ plebe, summâ sedulitate suis implantabant; Quin talem invenias curam, quam multis ex iis, qui nunc vivunt, optes, non invenias. De Franxineæ vallis incolis Thuan. l. 27. p. 1218. In tanta tenuitate in dâ miseria, ac pedore degentibus, quod & horrida ac deformis specie præ se ferunt, est quod mireris, quod non incultis omnino moribus sit: Nam nemo apud eos nescit literas, & scribere commode sciunt, linguamque Gallicam callent, quate nus Biblia intelligere & psal-



psalmos canere possint. Nec quenquam inter eos temerè puerum reperias, què interrogatus, fidei, quam profitetur, non expedire ac memoriter rationem reddat; quod illis cum ceteris Convallensibus commune est. Omnes scilicet viri & semina, parvi & magni, nocte & die non cessant docere & discere. Operarius enim in die laborans, in nocte discit vel docet: & idè parum orant: (sanè βασιλοίας Matth. 6. v. 7. veritas odere, veram autem in orando devotionem infrà art. 4. Ph. 9. probabimus) propter studium: docent & discunt sine librù: docent etiam & discunt in domibus leproforum: & paulò post: Discipulus decem dierum querit alium, quem doceat, &c. Ingenua est confessio Reineri: c. 3. p. 299. b. Juxta Div. Apostoli monitum, ergò verbum DEI *μαρτύριος* Col. 3. 16. inter eos habitabat. Sed infrà de ea re pluribus videbimus. Uti huic non privata tantum parentum institutio faciebat, sed cum primis Scholæ. Diæceseos Pataviensis plures scholas enumerat Reinerus d. l. c. 3. p. 299. F. ut jam super: Artic. III. §. 12. citavimus, *quadraginta & unam*. Hæc etiam sollicitudine, ut peculiaries scholas leproforum instituerent Neuenhofii, ne horum salutè minus prospexisse viderentur. Lombardicas scholas etiam è longinquo frequentabant, ex Alsatiâ è usque profecti.

§. 28. CONVICTI apud eos honestas maxime, & ad interdicta humana non alligari patiebantur. Reinerus. cap. 5. p. 300. G. *gradus affinitatis & consanguinitatis carnalis & spiritalis, quos Ecclesia instituit, & impedimenta ordinis & publicæ honestatis & Ecclesiæ vetitum spernunt*. Ita vel silentio suo Reinerus crimen purgat, quod Bzovius, Tom. 13. ad ann. 1199. n. 34. p. 61. impingit: quasi incestum etiam contra naturale & divinum jus concesserint: Improbantur verò quæcum *et res, & c.* contrahenda: Huc collimare Fraxineæ vallis incolæ dixerim, quando apud Thuanum d. l. *nullas cum aliis affinitates collunt*: Sed idem addit; *nullas amicitias*: quod non tam eorum morositati, aut *μυστηριώδης* affectui tribuendum, quàm quod revera ecclesiâ credentium divisam esse debere crederent ab omni cœtu maligno, quoad officia non necessaria: Alius verò animus iis fuit, si spes esset lucrandi conversatione sua quemvis, ut non sine rubore suorum sapies jam in subsidium veritatis citatus Reinerus d. l. dicat: *Quidam hereticus ad hæc tantum, ut quandam à fide nostrâ averteret, & ad suam converteret, nocte tempore hiemali, per aquam, quæ Ibsa dicitur, ad ipsum natavit*.



§. 29. POLITICVM statum quod concernit, eidem, doctrinâ illorum traditam cœlitus maiestatem, assertam esse suprà vidimus. Eum humili coluerunt obsequio. Thuan. lib. 27. p. 1218. de Convalensibus jam sæpè laudatis : *Tributum religiosè pendunt, idque secundum Dei cultum in ipsorum fidei confessione præcipuum est &c. quod si bellu civilibus prohibeantur, illud nihilominus coactum seponunt, & cum per pacem licet, coactoribus regiis studiosè exsolvi curant.* Sic & Bellarus apud eundem lib. 6. p. 293. de Valdensibus : *Tributa Principi & sua jura Dominis sedulo, & summa fide pendere.* Cæterum è Magistratibus plerique hominibus infesti fuere, non tam suò odiò, quàm quod ascititium ob Romanos assumendum esset, ne hæreticorum dicerentur fautores. Persecutionum historiæ satis illud docent. Adde quibus petebantur, calumnias, undè apud magnates nò paucos haud mirum eos pessimè audivisse, & duriter habitos; fuere tamen qui faverent, seu omninò addicti, prout supra recensuimus; seu mirabili div. *res. di. g. 214* ex hostibus Fautores & Patroni redditi. Vanus est Reinerus c. 1. p. 287. qui cum omnis generis homines, Principes etiam inter catholicos reperiri dixisset : *Sed hæreticorum pauci, & hi tantum pauperes & opifices.* Cum tamen ipse c. 8. p. 307. fusè recenseat, quâ ratione se ingerere soliti sint familiaritati Nobilium & magnorum : ita ut credentes ipsorum & receptatores, & fautores & defensores fierent. p. 308.

§. 30. Raymundus Tholosæ comes pater & filius, nisi quod sub extremum hic defecit, toti ipsorum fuere, extremis etiam propterea periculis objecti : Nec minus Raymundus Comes Fux. vicecomes Biterrensis, Gasto Dn. Bearrensis, Comites Carmania, S. Aegidii, Comites Bigerronum, Girarda Vauri Domina, aliique Proceres adhæsere. Ob Tholosanum Comitem affinem, Rex quoque Angliæ illis multum favit. Ibidem Wiclefus inter suos Ducem Lancastrensem, Regis avunculum, aliosque numeravit proceres.

§. 31. De Petro Aragoniæ Rege quid dicendum sit, dissentiant, fuisse Tholosano Comiti constat, pro quò expeditionem etiam suscepit, & prælio ad Murellum cum Montfortensi Comite cecidit. *Sententia tamen & appellatione catholicum à factiosis opinionibus vehementer abhorruisse, tueri audeat Jo. Marian. præf. ad Luc. Tud. p. 230. E.* Sed conjectura Jesuitæ est, & Religioni ipsi fuisse è multis colligitur.

§. 32. Inter Reges Galliae alios aliis magis propitios experti sunt. Ludovicus IX. post diuturnam persecutionem Monachorum in Delfinatu literas securitatis ipsis praeiunxit, Atrēbati 18. d. Maij anno 1478. Ludovicus XII. non minus ipsorum bono diploma emisit, quo, quae erepta erant, restituēbantur Lugduni 12. Octobr. 1507. Idem Rex fuit, qui antea magnam eorum stragem ediderat, cum in Italiam pergeret, facti poenitentia ductus vallem tum adulterorum, ob religionem à vicinis contumeliosè appellatam, de suo nomine deinceps *Lôsinam* vocari voluit, Thuan. l. 27. p. 1217. Quae pro Waldensibus Franciscus I. initio egerit, ad crudelitatem non nisi calumniis & instigationibus Cardin. Turnonit tandem permutatus: cuius tamen ad extremum poenituit, ut in testamento filii mandaret, ut de iniuriis in ea causa Provincialibus illatis quæri juberet, ap. Thuanum legel. 6. Ex quibus liquere potest, quid de illo Reine-ric. 3. p. 301. iudicandum, cum illimitatè affingit: *dicens, quod omnes Principes & Iudices dampnent*: Hos intellexere sine dubio, qui tantam contra eos tyrannidem exercuere.

§. 33. In tertio HIERATICO ordine etiam pleraque, quae lau-<sup>Ecclēsia-</sup>  
des. Non nisi Diaconicam concessere ministris potestatem, Ro-<sup>stic.</sup>  
manorum dictatorium in rebus fidei imperium omnino execrari.  
Princeps autem causa ministerii CHRISTVS Eph. 4. v. 11. Verba Orat.  
excusatoria ad Regem Uladislau p. 83. d. ita sonant: *Ipsa fide no-*  
*strā credimus, ordinationem Sacerdotum à summo Episcopo, Sacerdotes, ma-*  
*gno in veritate prodire, ut in loco legationis Christi ministerium, evangeliza-*  
*rio, doctrinas, iudicium, oblatio, orationum ab hominibus gratiarum actiones.*  
*laudes de DEO ab eis peragantur.* Summum autem Episcopum illum  
contra peruers. Augustini, in Responsione excus. p. 83. B. explicant,  
se solum Christum summum caput intelligere. Vocationem spe-  
cialē necessariam credidisse; adeoque vanā esse, quae de promi-  
scua prophetandi libertate (casum necessitatis excipio, in quo sicut  
quivis contra publ. prædonem miles est: ita Theologus contra  
corruptores) comminiscuntur, patebit Artic. IV. Phæn. 2. Eiusmo-  
di vocatos etiam ordinationis ritu inaugurabant; quod vel inde pa-  
tet, cum quales ministros requirant, describunt in orat. excusato-  
ria ad Uladislau p. 83. b. *Ordinandi maioribus aut minoribus ordinibus*  
*promovendi, vita virtuosa in Christi fide alios fideles debent excellere.*  
(Absurdus est Thomas Henr. Anat. A. C. artic. 8. p. 270. dum hanc  
ill-

illorum propositionem reprehendit : Presbyteros potiores esse, qui vitæ merito digniores sunt) Inter requisita mox recensent: prudentiam spiritus, legis div. scientiam, discretionem spirituum. &c. confer Sect. 2. Art. 2. Hæc div. spiritus ubi adfuere *χρησιμα*, nulla superstitiosa requirebatur in externis ab aliis distinctio. Ind. error. ap. Grezer. n. 26. p. 341. *Quod coronas & tonsuras Clericorum DEVS odiat: eo quod non sit idem institutor.* Hosce pastores suos Barbas, i. e. patruos appellare soliti sunt, ut hoc nomine si persecutio invalesceret, facile laterent. In summo illi apud suos honore, ita ut etiam adorari calumniarentur hostes, quod refellimus Sect. 3.

§. 34. Cæterum hisce ministris prædicandi & Sacramenta dispensandi incumbere necessitas: competebat remittendi peccata potestas; & quidem sine ullorum reservatorum casuum exceptione. Bzov. annal. T. 13. ad ann. 1270. n. 10. disertè ait : *quod se super his (peccatis remittendis) eandem & tantam, quam Petrus & Paulus & alij Apostoli potestatem habuerunt, obtinere jactabant.* Ex quo æqualitatem etiam pastorum inter sese, colligimus. Unde Rom. Presulem reliquis Episcopis parum esse, & inter Sacerdotes nullum discrimen, ex An. Sylvio Wolf. Lect. memor. ad an. 1160. p. 381. refert. Is anonymus quem edidit Grezer. p. 330. ita hoc eloquitur : *quod Papa, Archiepiscopi, Episcopi non habeant majorem auctoritatem, quam Sacerdotes.* Idem. & ind. err. eodem edente n. 32. p. 341. Discrimen videlicet internum : licet haud dubitem, fuisse aliquam ratione ordinis discrepantiam : In juramento, quod apostatis proponebant Monachi, extat : *Wider mir ihren Meistern / Predigern / Geistlichen.* Distinctius idem VVolf. d. 1. *Non censent alios gradus Sacerdotales in Ecclesia retinendos esse, præter Sacerdotum, Diaconorum & Episcoporum.* Quod ipsum illis ex Guidon. tribuit Alf. à Cast. l. n. p. 337. b. Ed collimare videtur, quod in Catalogo Ecclesiarum Diocesi Pataviensis ap. Reiner. loc. alleg. non nisi una Ecclesia in *Einsimbach* nominatur, ubi Episcopus : Ermen-gaud. contr. VValdens. c. 14. p. 134. illa nobis subministrat : *Ille qui dicitur Præpositus, vel Episcopus, vel Diaconus, nominatus est Rector aliorum hereticorum sibi subjectorum De Bartholomæo Carcassonenfi supra Sect. 1. Art. 2. §. 29 vidimus.* Argentinenfibus hæc confessio in cit. Msc. tribuitur : *Daß sie drey Obristen hätten, denen sie geld und anders zuschießen / damit man den armen hülf : der aller Obriste wer in Mayland: Picardus ( VValdus hic an. alius, qui è Picardiâ eo venerit?) in*

*Wöhnen/*



Wöhmen/ und Johannes Priester hie zu Straßburg: wiewol zu Bern/  
und in allen Länden obristte Vorsteher weren/ derer viel hundert. Præter  
publicum autem annuncian di verbi munus, juventutem imprimis  
diligenter informabant in doctrinâ Christianâ cap. seu Catechesi.

§. 35. Eosdem conjugium dedecere nullatenus credide-  
runt. ap. Reinerum c. 5. p. 300. c. *Quod Ecclesiæ erraverit, matrimonium* Conjugium  
*Clericis prohibendo, cum etiam Orientales contrahant.* Nullo autem mo- Clericorum  
do cum regimine seculari misceri volebant. Reiner. d. l. *Quod Episco-  
pi & Abbates non debeant jura Regalia habere.*

§. 36. Vivebant, quod ipsorum sustentationem concernit,  
elemosynis auditorum, quin & aliunde missis, prout de Lombar- Ministrorū  
dis relatum: nec tamen solis, ut ex *Æn. Sylv. & Prateol. Parson. ap. sustentatio.*  
Jac. Usser. de Christ. Eccl. Succ. c. 6. p. 204. (locum vide) ac Thom.  
Henrici Anatom. A. C. art. 8. p. 270. sed & ob temporum necessita-  
tem, suarum manuum laboribus. Habebant in hoc præeuntem sibi  
Apostolum. Unde in Resp. excus. ad binas literas Augustini p.  
88. E. ejus scommata ista opponunt: *Nos pudore nostrorum Sacerdotum  
non afficimur, ex hoc: quod hi laborent manibus suis, secundum posse victum sibi  
querentes: qui: sic doctrinâ & exemplum Apostolicum huc nos ducit: & nos  
quidem libentius id videmus, quam quod otio vacarent, per tabernas, commer-  
cia Veneris, & vanitates sequentes, usuras, sacrilegia ceterasq. nequitias exer-  
centes.* confer eorum declarationem pleniorē ann. 1572. ap. Usser-  
rium d. l. pag. 205. Unde nimias illas Ecclesiæ divitias improba-  
runt. Sedulò conseravavit, quæ huc faciunt Reinerus c. 7. p. 307.  
dicunt, quod Rom. Ecclesia defecerit sub Sylvestro, quando venenum tempo-  
ralium infusum est in Ecclesiam: quod decima non sint danda, quia primitive  
Ecclesiæ non dabantur: quod Clerici possessiones non debeant habere. Deut.  
18. v. 1. quod Clerici & Clausuales non debeant prabendâ habere: quod ma-  
lum sit fundare & dotare Ecclesias & claustra: quod testamentâ non sint Ec-  
clesiæ ordinanda: omnem Clerum damnant propter otium, dicentes: eos ma-  
nibus debere operari, sicut Apostoli fecerunt: privilegia Ecclesiastica non cu-  
rant: immunitatem Ecclesiæ & personarum & rerum Ecclesiasticarum sper-  
nunt: dicunt, quod omnia jura Parochialia sint ad inventiones. Ex qui-  
bus, uti aliqua, cum debito interpretationis moderamine, quod se-  
culi illius status suppeditabit, accipienda; ita plurima colligi pos-  
sunt, ex quibus liqueat, quales ipsi Pastores & desideraverint & ha-  
buerint.

## ARTICULUS IV. Systema Doctrinæ illorum.

PHAENOM. I.

De Scripturâ Sacrâ.

§. 1. Prima cura in fide nostrâ fundanda, ut principium legitime constitutur; in hoc op<sup>o</sup> de *§. 1. a*; VValdenſis primum quoque: documentum. Conſtitit videlicet S. literis ſua illibata Autoritas, quinimò, idipſum, ſi verum fateri velint adverſarii, præcipuum hæreſeos eorum caput fuit. *Fidei ſue normam & regulam eſſe dicunt V. & N. T. ſeq. credere proſitentur iis omnibus, quæ in Apoſolorum Symbolo continentur*: Ita ipſi in Conf. ſ. 44. ad R. Franciſc. ap. Sleidan. lib. 16. p. 466. Scripturam autem intelligunt non *pariter & diſt.*, & novo ſenſu ab Ecclēſiâ hodiernâ animatam, ſed quem legitimo obſervato ordine, lectione mediante, idem qui inſpiravit ſpiritus, ſalutari reſpiratione (vid. Excell. Dn. D. Dannh. Hodoſoph. Phæn. 1. p. 19.) in cordibus legentium excitat & conſignat: ſc. *divina literæ eodem ſpiritu ſunt inſpirata atq; cognita*. ut illi in orat. excuſat. ad R. Uladiſl. pag. 82. Hoc ſanè nomine ab hoſtibus malè audiunt, ac de ipſo P. VValdo Thuan. l. 6. p. 288. ex Vido Perpinian. criminis loco adfert: *ingenio & ſenſu ſuo fretum* (opponuntur iſta obedientiæ, quam Roma ſibi poſcit) *predicationis munus ſuſpiſſe*, cum prius teſtimonia S. literarum defixiſſet. Reiner. c. 5. p. 300. Hi. *Decretales & decreta & dicta & expoſitiones Sanctorum reſpiciunt, & tantum inhiærent textui*. Allegoricum quoque in exponendâ pruriturum Mönachorum reieciſſe, literali ſenſu prælato, vel ex eo patet, quod Ebrard. Betun. anti hæres. c. 24. totum de hoc argumento conſcribit: quod Scripturæ ſpiritualiter debent intelligi, non ad literam. Quam autem bellus allegorici ſenſus ſit propugnator, poſt trecenta alia vel ex hoc liquere poteſt: ſpecimine, quod p. 177. ſubnectit: *Intueamur David qui percusiſt Eddom. i. e. terrenum & 12. in valle ſalinarum. David enim 12. percusiſt. i. e. 12. predicationibus Apoſolorum auditiſ in valle ſalinarum. i. e. in ſcriptura verborum bene ſalita perfectus eſſe promeretur*. Infulſæ nuxæ Ita & Reinerus c. 5. p. 301. *Myſticum ſenſum in div. Scripturis reſſutant, præcipue in dictis & actis ab Ecclēſiâ traditis: ut quod Gallus ſuper campanile ſignificat Doctorem.*

§. 2. Præ-

§. 2. Præterea sacer iis codex non in latina tantum vel alia ignota lingua efficax aut sanctus, sed in vernaculo potissimum latibio, quo intelligi queat, 1. Cor. 14. 9. 23. Exemplo eis VValdus prævit. Quin imò Reinerus c. 3. p. 299. ita: *Tertia causa hæresis est, quia N. & V. T. vulgariter transferuntur, & sic docent & discunt.* Haud stultè sapit Reinerus, qui solè veritatis oculi optaret, ne radiis eius tenebræ dissiparentur: addit tanquam insigne piaculum statuere: *quod Scriptura s. eundem effectum habeat in vulgari, quàm in Latino, unde etiam conficiunt in vulgari & dant sacramenta*, Reiner. c. 5. p. 300. G.

§. 3. Παλαιοκόσμος & catholica communicatio Scripturæ, tum à praxi eorum, de qua inferius, tum à confessione patebit. Scripturærum s. lèctionem & cognitionem omnibus & hominibus, tum laicis, tum sacris viris liberam & necessariam esse; imò potius Prophetarum & Apostolorum monumenta legendà esse, quàm horum commenta. Centur. Magdeb. XIII. ex vetustiss. Msc. Quæ indè incommoda deducit Reinerus dicto c. 3. p. 299: partim reverà incommoda non sunt, partim à virulento & in calumnias prono animo descendunt: aut unius alteriusve ignorantiam, quæ reliquis fraudi esse nequit, probant. Is Judex Waldensibus controversiarum & quidem unicè solus. Conqueritur Reinerus d. l. *Quicquid predicatur, quod per textum Biblia non probatur, profabulis habent: sic & antea c. 3. p. 299.* Notes yelim, hæc ultimà voce innui, quod disertè potestatem extra Scripturam de rebus fidei loquendi Ecclesiæ negaverint. Undè etiam ap. Thuan. l. 6. eorum erga Ecclesiasticos præcipua excusatio: *in iis, quæ religionis sunt, DEO (in Scripturis videlicet loquenti) non hominibus obediendum.* Calumniam de solo N. T. Canonico abstergam inferius Sect. 3.

§. 4. Indè de perfectione Scripturæ s. liquet, quam ita quoque describere: *s. literis contineri omnia ea, quæ ad salutem sunt necessaria, eog. nihil penitus recipiendum aut admittendum in religione, nisi id solum quod nobis DEVS in s. literis præcepit.* Catal. Test. verit. l. 15. ex Vet. Codice; quo adversarii ipsi hoc iis tribuunt p. m. 1500. E. Undè procul esse Ecclesiæ traditiones jubent, quæ de rebus fidei extra Scripturam ferantur. Reiner. c. 5. p. 300. A. *Quod doctrina Christi & Apostolorum sine statutis Ecclesiæ sufficiat ad salutem: quod traditio Ecclesiæ, s. traditio Phariseorum &c.* Eadem ferè verba Flacius in Catt. Test. ver. l. 15. p. m. 1513. F. ex V. Msc. ante 300. annos à quodam



Pont. if. Doctore exarato : add. p. 1500. F. & infra §. 21. Anonymus à Grez. editus p. 338. ita eloquitur : *quod ea, qua constituuntur ab Episcopis & Ecclesiæ Prælati, non sint servanda, eo quod sint traditiones hominum, non DEI.* conf. §. 8. Inter hæreticos articulos VViclefi in Conc. Constant. damnatos 38. est, *Decretales Epistolæ sunt apocryphæ, & seducunt à Christi fide : & Clerici sunt stulti, qui student eas.* Bzov. T. 15. ann. 1415. pag. 396.

§. 5. Neque verò, quod in fastigium *ad veritas* scripta hum. & Ecclesiastica reponi non sistent, planè sepulta & reiecta volunt. Convallenses apud Thuan. l. 27. p. m. 1214. *se doctrinam V. ac N. fœdere, atq; Apostolorum symbolo comprehensam : item IV. universalium Conciliorum decreta amplecti.* videl. Niceni, Constantinopolitani, Ephesini & Chalcedonensis. Contrahunt in summam in orat. excusat. ad R. Ulad. p. 82. *Omnem fidei veritatem Spiritu S. revelatam, in Scripturis deinde sacris eodem Spiritu S. repositam, atq; in Apostolorum symbolo summarim relectam : simulq; à primitiva Ecclesiâ reipsâ custoditam, virtutibus, prodigiis, sincero dogmate, martyrio quoq; certificatam.* Postremo Concilio Niceno, ac ab Episcopo Athanasio plurimiq; dogmatistis in hæreticos studio explanatam, necessariam esse ad animarum salutem, præcipuè hoc ævo, pari fide fatemur. Dispallescit ita calumnia, quæ ap. Bzov. ad ann. 1270. n. 10. Symbolo fidei non esse standum, nec credendum, neq; pro oratione dicendum, cum sit per Rom. Ecclesiâ, ut dicebant, ordinatum. Quod hoc attinet, pro oratione haberi non posse, res loquitur; reliqua impudenter ficta sunt, quod ex hoc & quem mox producemus n. 13. Reineri loco constat : conf. Usser. de Christ. Eccl. successic. 6. p. 199. ubi Parsonium, Cœcium, & Sanderum, qui illud nostro tempore scribere adhuc ausi, confundit. Patrum item antiquorum testimonia Scripturæ dictis adjunxit VValdus ap. Thuan. l. 6. p. 288. Patrum testimonia non flocci fecisse, unde quoque contra eos adversarii illis usi sunt, fatetur Joh. Marian. præfat. ad Luc. Tudens. p. 231. c. Ind. err. ap. Grezer. n. 21. p. 341. B. *Dicta Sanctorum nihil curant, nisi quantum pro Sectâ eorum consentanea retinent.* Ita, & in Centur. Magdeb. XIII. ex V. Msc. Patrum & Conciliorum dogmata eatenus probanda statuunt, quatenus cum verbo DEI conveniunt. Rectissime. Vacillim ex alterâ parte rationi non nimium indultum. Eleganter sane in Apologia VVald. exhibitâ ann. 1537. March. Brandeb. *Oportere rationem div. fidei, veluti ejus famulam, non autem fidem div. rationi obsequi & parere ; id ubi non fuerit, ibi ratio hominis signum*

rum & idolum regnat, & regina fides parvi aestimatur; idq. ex DEO non est.  
& apud nos auctoritatem nullam habet.

## PHAENOM. II.

### De Ecclesiâ.

§. 6. Postquam lumen notum est, quod sequi velis, etiam candelabrum inquiri oportet: an domum mavis, in quâ tutus requiescas. Ea Ecclesia est: haud utique lapidibus aliaque materia exstructa, sed vivis Spiritus S. templis. *Dicunt* (hæretici, contra quos pugnat), quod bonus homo aut bona femina, aut congregatio utriusq. Ecclesia est: & idè domum factam negant esse Ecclesiam. Ita Ebrard. Bethun. antihaeres. cap. 4. ubi magno conatu nihil agit: conatus ex Scripturâ (1. Corinth. 11. 1. Cor. 14. 2. Thess. 2. 1. Tim. 3. Joh. 2.) probare, quod etiam manufacta domus Ecclesia dicatur. Non alio successu idem tentat Bern. Abb. Fontis Calid. c. 12. contr. VVald. p. 77. Item Pilichdorf. contr. hæ. VVald. c. 23. p. 323 contra eos nititur conficere: quod Ecclesia materialis consecrata ab Episcopo Catholico dignior sit aliis domibus, & oblationes & orationes ibi factæ DEO acceptabiliores. Ex quo ultimo quid ampliùs illos intendisse, quam ut soli Ecclesiæ voci suum germanum sensum vellent restitutum, patet: disertè Æneas Sylv. inter errores reponit, dixisse coarctare maiestatem eius, qui Ecclesias, monasteria, oratoria, construunt, tanquam propitiior in eis div. bonitas invenitur. (Hoc scil. sine improbum videbatur) Nec minus idem è querela Ermengardi (c. 9. contr. hæret. p. 112.) Omnes Hæretici Ecclesiam manufactam & altaria, quæ in eis sunt; & Sacramenta, quæ in eis à ministris DEI fiunt, & omnia ornamenta Ecclesiastica ad nihilum deputant, & ad salutem animarum nihil proficere dicunt. De Sacramentis injuriam facit, reliqua rectissimè. Ipsi de suarum ædium apparatu ita: In nostris conventibus habemus mensam, non tabulas, non imagines, non cruces, non vexilla, non baptisteria, non aqua lustralis vasa &c. sed tantum necessaria, ut scamna, pulpitas, Biblia, libros pro cantu. ap. Grezer, Iconism. VVald. 2. p. 220 Putida huius scommata aliàs retundere facillè esset, si in hoc aliquid repositum. Id quoque solum contrà superstitionem quorundam dirigi intelligendum est, quod ap. VVolf. lect. mem. ad ann. 1160. p. 381. ex Æneo Sylv. dicitur. Templum DEI  
latè

Ita id patentis ipsum mundum esse : ejus Majestatem coartare , qui Ecclesias ,  
Monasteria , oratoriaque construunt , tanquam magis propitius in eis divi boni-  
tas inveniretur .

§. 7. Ecclesiam , aiunt , esse cœtum omnium electorum , & caput ha-  
bere ipsum Christum . Confess. ad R. Franciscum 1544. ap. Sleidan.  
l. 6. p. 466. Quos per electos intelligant , explicant ipsi in apologia  
exhib. March. Brandeb. p. m. 155. Est Ecclesia vel maior vel minor creden-  
tium in Christum per Evangelium collectus numerus ; juxta id Christi , Matth.  
18. 20. &c. Et p. p. Placuit in id muneri certa quedam exteriora media ver-  
bum nimirum & Sacramenta ( id Ermingardi calumniam revincit )  
constituere , quibus id apud suos efficiat , ut tam benigna DEI erga se voluntatis  
certissimi sint . Et paulò post : Quapropter quicumque velit veram fidei  
salutisque rationem assequi & habere , certissimusque de Christi erga se favore  
reddi , hunc oportet ejusmodi Ecclesia incorporari , atque inibi de his certior  
reddi ; Spiritus S. per ministros administrationesq. illorum salutem opera-  
tur . Quibus verbis pleraque , quæ de Ecclesia sciri & credi neces-  
se est , explicantur .

§. 8. De notis Ecclesiæ statuisse nobiscum , ex illis Reineri  
c. 5. p. 300. B. patet : Dicunt quod ipsi sint Ecclesia Christi : quia Christi do-  
ctrinam Evangelij & Apostolorum verbis & exemplis observent : Et quæ ex  
antiquo Msc. producunt Magd. in cent. 12. c. 8. Col. 1206. Ecclesiam  
Christi esse , quæ sincerum Christi verbum audiat , & Sacramentis ab ipso insti-  
tutis utatur , ubicunque locorum ea existat . Communionem Sancto-  
rum ita explicant in Orat. Excus. ad R. Uladislauum p. 84. quando  
membræ Ecclesiæ sanctæ , Ecclesiæ bona gratuita , salutifera , ministratoria-  
que , omnibus gratia DEI sine penitentia largita , mutuo in communi utuntur ,  
atque secundum donationis gratiam DEI se ipsos exhibent ad communem alio-  
rum utilitatem . Rectè verò huic Ecclesiæ potestatem condendi le-  
ges negarunt . Apud Alphons. de Castro l. 6. p. 154. Sic tamen , ut  
in ceremoniis adiaphoris non morosè repugnent ; Ita enim ipsi  
in resp. excus. ad lit. Div. August. p. 90. E. Custodimus constitutiones , quæ  
sunt auxilio fidei , spei , & justitiæ , quæ potest ex fide cognosci , &c. quæ adiuvant  
ad venerationem , rectamq. orationem ad DEVM &c. ne sponte effemus causa  
dissidij vel mali exempli . &c. Quæcumq. statuta cognoscimus non esse contra ju-  
sticiam , ea servamus : quæ si ex magna parte contra justiciam forent , si possumus  
aliquo tamen modo uti eis ad justiciam , ipsis utimur ad bonum sensum : ut circa  
festa sacra , tum jejunia , aliasq. res ejusmodi , quo scandalum ponere decline-  
mus ,



mus, & fudeamus pacem habere cum omnibus hominibus. Debere etiam quoad reliqua in Ecclesia omnia ordine fieri, ac certos esse, quorum ministerio sacra mysteria trahantur & dispensentur. Unde illi in orat. excusat. ad R. Uladislaum p. 82. B. S. Ecclesiam Catholicam credimus esse congregationem omnium ministrorum, ac populi obedientia subjugati &c. Ex adversariis disertè Ermengaudus c. 14. p. 134. Ille qui dicitur Prapostitus vel Episcopus vel Diaconus, nominatus est Rector aliorum hereticorum, sibi subditorum. Idem Bellaius ap. Thuan. l. 6. p. 294. à Rege iussus in res VValdensium cum cura inquirere, invenit quosdam è suo numero delectos, pro Antistitibus Doctoribus habere. Et Conf. ad R. Uladisl. p. 82. E. quia à Sacerdotibus Romana ordinationis Sacramenta non percipimus, nos ea ratione infidos esse censent. Ignorant hi profecto nos habere suos presbyteros, à quibus ritè instituiti Sacramento potimur.

§. 9. Videat ergo, qua ratione sibi cum veritate conveniat Bern. Abb. Fontis Calid. c. 4. p. 24. seq. cum attribuit: quod prædicant omnes passim, & sine delectu conditionis, ætatis, vel sexus. Argumenta illorum nomine adducit Jac. 4. 17. Apoc. 22. 17. Marc. 9. 38. 39. Phil. 1. 15. 18. Num. 11. 28. 29. additis exemplis veteris Ecclesiæ. Sic Alf. à Cástrol. 12. p. 379. & Bzov. ad ann. 1270. T. 13. n. 12. Quilibet sive sit laicus, sive sit vir, sive mulier, si tamen sit eorum sectarius, potest verè consecrare atq; conficere corpus Christi: omnis vir & omnis mulier de secta eorum est verè Sacerdos. Ultima ea verba, quæ Apoc. 13. 6. respiciunt, mentis eorum faciunt indicium; si quod in hoc contradixerint Pontificiis, illud fuisse: quod quivis actu primo ex redemptionis beneficio Sacerdotii jura impetraverit, tum exercenda, quando aliquis necessitatis casus incidit. Et sanè ratio illorum temporum exigat, ut hoc dicamus: siquidem ea corruptio non vitæ tantum; sed & doctrinæ invaluerat, ut omnino necessitatis casus esset. Videantur de Ecclesiæ, quæ tum fuit, statu, ipsi, qui contra Waldenses scripsere. Cum ergo aut fabulæ essent loco verbi div. audiendæ; aut ab ipsis hoc annunciandum, utique hoc necessarium erat. Præterea oppositæ erant hæ Waldensium assertiones Pontificiis de ordinis caractere figmentis, ad quæ reprobanda satis erat, si capacitatem in actu primo ad munia talia Ecclesiastica probassent, tum demum licito futuro eius exercitio, ubi vocatio accederet, quam lupefcence elero, charitatis tantum esse nihil impedit: deficiente quoque sacerdotali ordinatione. Bzov. T. 13. ad ann. 1270. n. 11. disertè queritur,

tur, quod sumant sibi potestatem, quamvis non ab Episcopis Rom. Ecclesia ad sacrum aliquem ordinem promoti, etiam quod à solo DEO, sicut Apostoli potestatem habere voluerint. Sanè ita Articulus conceptus est, quem 143. in VViclefo Constantienses condemnarunt ap. Bzov. ad ann. 1215. p. 396. *Licet alicui Diacono, vel Presbytero predicare verbum Dei absq; auctoritate sedis Apostolicæ, vel Episcopi catholici.* Id erat, quod offendebat Romanos: sublato ita, quo sibi ad obedientiam cæcam obstrictos homines sibi volebant, vinculo pariter & quæstus occasione. Ulterius VValdenses in hoc argumento progressos, nullus idoneis documentis monstrabit: Et sanè quod doctrinam attinet, quando ap. Reiner. c. 8. p. 307. dicunt: *apud nos tam femina quam viri docent, & discipulus septem dierum docet alium:* intelligendum hoc esse de privata & domestica institutione, tam clarum est, quam quod clarissimum, ex collatione c. 3. p. 299. Porro quales fuerint, quos ministerio adhibuere in repræsentatione hieratici status, manifestum fuit. Primus hic Ecclesiæ ordo:

§. 10. Politicum verò quod concernit: *Magistratum institutum à DEO fatentur, ut bonos defendat, fontes verò puniat.* Deinde non bonorem modo, sed tributum etiam illis & vestigia deberi, nec ullum ordinem hic excipi: &c. Ita Confels. ad R. Francisc. ap. Sleidan. l. 16. p. 466. ita & Convallenses ap. Thuan. l. 27. p. m. 1214. *credere supererigentes potestates à DEO institutas esse, quibus parere DEVM verè timentibus necesse sit, & quorum quisquis imperium detrectaverit, eum cum DEO bellum suscipere.* Calumnia est Grezeri in iconismo Wald. quam inter Ebrard. & Bernh. in sua edit. p. 223. interiecit, dum docere affirmat, magistratum à DEO datum, at non sibi, sed alii: eo argumento, quia inter sese juri dicundo iudices constituant. Fallor, aut Grezero etiam B. Paulus 1. Cor. 6. v. 1. 2. 3. 4. 5. 6. 7. Magistratui erat iniquior, ubi idem ex una causa casus.

§. 11. De conjugio ap. Sleidan. d. l. *cum sanctum sit & institutum à DEO, nemini prohibendum judicant.* Definiunt orat. excus. ad R. Uladisl. p. 43. E. *esse duarum personarum utriusq; sexus maris & femina legitimam, honestam & decentem in Christo unionem, castum thorum cum indissolubilitate custodientium.*

§. 12. A thesi ad hypothesein Ecclesiæ Rom. descendendum, & huius supremum apicem Pontificem Rom. Compendio illa ap. Thuan. l. 6. p. 28. *Ecclesiam Rom. quoniam veræ Christi fidei renunciaverit,*

rit, Babyloniam meretricem, & arborem illam sterilem, quam ipse Christus diris devoravit: & revellendam esse praecepit: proinde minimè perendum esse Pontifici & Episcopis, qui eius errores foveant. Monasticam vitam Ecclesia sentinam ac Plutoniam esse: vana illius vota, nec nisi foedus puerorum amoribus servientia. Presbyteri ordines magnae bestiae, quae in Apocalypsi commemoratur, notas esse. conf. Jo. Wolff. Lect. memorab. ad ann. 1160. ex Jac. Ribber. & Centur. Magdeb. XII. cap. 8. p. 1207. Catal. Test. verit. pag. 1500. conf. inter artic. VViclefi à Concil. Const. damnatos, 37. 41. seqq. De Pontifice speciatim audiamus articulos, qui Argentinenſibus martyribus (de quibus Chron. MSc.) ante supplicium, propositi: art. 3. Daß der Pabst ein Haupt sey über die ganze Welt und alle Königreich auff Erden/ auch über alle Christen/ und Macht habe Gottes Wort zu mehren oder zu mindern/ das Glauben sie nicht. Art. 4. Glauben sie daß Christus sein Kirch regiere/ darff kein Haupt hier auff Erden/ daß über Engel und teufel sich erhebe/ in allem Pracht und Reichthumb lebe. Christus wäre mächtig genug/ sein Kirch zu erhalten. Mit dieser Kezerey wolten sie gern unsern H. Vatter den Pabst verstoßen/ ist ein Kezerey. Art. 7. Der Pabst sey ein Mensch/ darumb kan er irren. Art. 13. Christus und seine Jünger seind arm gewesen/ der Welt Güter verschmähet/ der Pabst nimt mit Gewalt aller Welt Güter zu sich/ verthue solches alles schändlich/ da doch solches alles den armen solte gegeben werden. Art. 14. Wer sich Christo gleich mache/ der sey der Antichrist/ der Pabst wolle nicht allein Christo gleich/ sondern über ihn seyn. Dissertè etiam vocant: *Papam omnium errorum fontem & verum antichristum*. ap. Jo. VVolf. Lect. memorab. ad ann. 1160. ex Æn. Sylv. & Reinerio c. 5. p. 300. C. *Itaque fatentur: se non subesse Romano Pontifici; nec alius Rom. Ecclesia Prælati &c.* Bzov. annal. T. 13. ad ann. 1270. n. 12. Et hoc principium eorum facit Bernh. Abb. Font. Cal. c. 1. p. 8. Defectionem Ecclesiæ Rom. reponunt in priora secula, factam *sub Sylvestro, quando venenum temporalium effusum est in Ecclesiam*, ut Reinerus c. 1. p. 300. B.

### PHÆNOM. III. DE SUMMO BONO.

§. 13. De Deo, quæ ad eius essentiam, attributa & personarum distinctionem spectant, rectè dōcuisse, nisi quod virulenti quidam in dubium id vocarunt, quibus inferius respondebitur; prope-



modum probatione opus non habet. Reineri c. 4. p. 290. G. Apologia illis sufficere potest, quæ supra producta Sect. 1. Artic. III. §. 18. Judicialiter Tolosa interrogati resp. ap. Baron. T. 12. ad ann. 1276. n. 12. p. 689. ex Roger. Nos credimus unum DEVM, trinum, & unum Patrem & Filium & Spiritum S. &c. & orat. excus. ad R. Uladisl. p. 82. DEVM omnipotentem in Deitate substantia unum, in personis verò trinum Patrem Filium & Spiritum S. unum DEVM perpetuò benedictum &c. Ibidem; De DEO Patre credimus Filium suum unicum perenniter generare &c. De Spiritu S. quod ab utroq. emanet. confer. Conf. ad R. Francisc. 1544. apud Sleidan. l. 16. p. 466. Præterea docent: quod DEVS universa pro consilij sui arbitrio producat, regat, gubernet & conservet. d. Apolog. conf. p. 146.

#### PHÆNOM. IV.

De Caligine mali, summo bono oppositi.

§. 14. Vidimus de summo Bono eos, quod est, docuisse: etiam quod inter mala summum est, peccatum ab ipsis rectè explicatum: De originali ista: docemus, ut quisq. seipsum & in eo cognoscat, quantum sciat, quod hic eodem Adami peccato in matris utero & conceptus & natus est. Et quod huius peccati lex, seu genialis proclivitas, corruptio & concupiscentia in eo vigeat. Apolog. Conf. V. Vald. sup. cit. p. m. 148. Inter actualia quænam recensuerint, ex legis apud ipsos explicatione liquidum fiet. Nisi quod hic, illud tantum observandum, nullum statuisse peccatum (nimirum in sese) veniale, omnia autem mortalia, quæ ab orthodoxia nihil quicquam deviant. Reiner. c. 5. p. 301. D. Idem testatur Pilichdorf. contra hæc. V. Vald. c. 21. p. 321. qui hunc eorum errorem, quem putat, è negato purgatorio deducit; uti etiam alteram assercionem: quod quandoque DEVS dimittit culpam, dimittat & penam. Quod & Anonymus ille, quem Grezerus edidit p. 339.

#### PHÆNOM. V.

DE HOMINE VIATORE.

§. 15. Hominem eiusque statum quod concernit: docent hominem protoplastum ab eodem omnium rerum conditore DEO ad imaginem illius factum, sanctum, integerrimum & absolutissimum, immortalem, DEO apprimè

apprime dilectum ac vitæ heredem, à quo tota progenies sua talis nasci debuerat. &c. Apolog. exhib. Georg. M. Brand. 1532. p. m. 147. Post verò ubi Adamus primum atq; omnium maximum peccatum per inobedientiam designationerat, incidit in mortem tum temporariam tum æternam, ac tota conditionis sue dignitas naturaliter corrupta & vitata est, ut jam non habitet in eo bonum, sed tantum peccatum & concupiscentia mala. Ad hæc ut penas &c. VVald. Apolog. cit. p. m. 148. Ut ob id ad legis impletionem h. e. ad sue creationis legem & actionem tenendam. & exequendam inefficax omnino sit. ibid..

## PHAENOM. VI. DE LEGE ET EVANGELIO.

§. 16. Sequitur salutis via duplex: Altera quidem Legis, sed illi nunc impossibilis, ut vidimus § præc. eos homini vires legem implendi negare: altera; qua sola jam eo perveniri potest, Evangelii: de hoc in justificationis materia sermo recurrit: Id tamen observamus, quod etiam in V. Text. promissis illis (Evangelii parte) quæ DEVS de Filio mittendo dederat, deduxerint Patres salutem, vid. Apolog. VVald. p. 170. tum quoque legis usum in eo agnoscebant, ut peccatum agnosceretur; desiderium autem Redemptoris exhibendi acueretur. Utrumque juxta Apostolum Rom. 3. Gal. 3. in Chron. VVald. c. 3. p. 12. Ut verò de Legge certò constaret, & quid eius nomine intelligerent, disertè denominant: *Decalogi præcepta; quibus regula piè ac sanctè vivendi tradatur.* Convallesenses ap. Thuan. l. 27. p. m. 1214. Dividunt verò juxta Scripturam in duo illa capita; dilectionem DEI & proximi; unde reliqua pendèant, dict. Apolog. p. 147.

§. 17. Ex primo præcepto idololatriam omnem damnant: In idololatricis a. reponunt, ulli, excepto solo DEO, sacrum & religiosum exhibere cultum; unde cultum Sanctorum inter Satanæ commenta referunt, ap. Thuan. l. 6. p. 389. conf. Centur. Magd. 12. c. 8. p. m. 1207. Argentinensibus ista mortis elogia prælecta art. 1. *Man solle beten. Derhalben seyn alle Bilder und Verehrung zu verwerffen.* art. 2. *Die Jungfrau und die Heiligen begehren nicht daß man sie anruff umb Hüßf &c.* Latius proponit Pilichdorf. contr. har. VVald. c. 20. p. 318. quod solus DEVS sit laudandus, honorandus & invocandus, & sibi soli serviendum: & quod sancti non orent pro nobis propter plenitudinem

gaudiorum, quam habent, & quod, quia solus DEVS redemit nos, idē solus  
 possit iuvare nos: & sancti sibi ipsis meruerunt & non nobis: & quia DEVS per se  
 bene scit. &c. Quod addit laudem denegasse Sanctorum memoriae  
 nullo modo ex indubiis probabit. Potius audiend. Confessio ad R.  
 Uladisl. p. 86. C. Ubi de veris sanctis dicunt: *sc. eos decenti cultu hono-  
 rare, obsequi & emulari.* Veros autem sanctos illos potissimum, qui  
 Scripturæ peculiaria habent testimonia &c. De aliis spem magis  
 esse vel opinionem. Cum autem imaginum mentio facta, non a-  
 deo expressè videntur declarasse mentem suam. Jo. VVolf. Lect.  
 mem. ad ann. 1160. p. 381. ex Æn. Sylv. ita proponit: *DEI & Sanctorum i-  
 mages delendas*: Ita etiam Alph. de Castro. l. 8. p. 244. *Addens ido-  
 lolatricum esse, habere eas in templis, sive illæ sint Christi, sive sancti hominis  
 alicuius*: Adde indicem errorum edit. à Grez. p. 340. conf. Pilich-  
 dorf. edit. eod. Grez. c. 33. p. 329. Aliqua ex his duriora, sed quid mi-  
 rum, cum sententiam ipsorum, ex adversariorum tantum ore coga-  
 mur audire: Aliàs fortè vidissemus, ut venerationi prosternt, noluis-  
 se, aliàs tolerasse, Sanè Pilichdorf. c. 33. p. 330. *potissimum reprehendit,  
 quod gentia non curvent ante imaginem crucifixi, & in Ecclesia incedant non  
 aliter quàm cæci & muti, surdi & obstinati, & asini insensati.* Lucæ Tud.  
 lib. 2. cap. 9. pag. 360. Si credimus, oportet habuisse imagines. Dicit  
 enim singulari astu sanctorum imagines deformes pinxisse. Aut  
 dicemus, seculi nimium imaginibus addicti vitio, in contrarium  
 lapsos esse, eorum aliquos è plebe, mediocritate non rectè attenta.  
 Tumultus eis Iconoclasticus 1561. ap. Thuan. l. 27. p. 1224. Genævæ a-  
 liquid potuit debere.

§. 18. In SECVNDO præcepto omnes superstitiones damna-  
 bant. Post Pilichdorf. contr. VVald. cap. 24. 25. p. 325. Ind. error. ed.  
 Grezer. p. 340. F. Reiner. cap. 8. p. 301. B. Alf. de Castro l. 3. adv. hares.  
 p. 101. *Omnes benedictiones, quas Ecclesia facit, aut dicit super vinum, pa-  
 nem, aquam &c. aut alias quascumq; res ad usum Ecclesiasticarum rerum ne-  
 cessarias, impij Waldenses cum sua solita temeritate & impietate irrident.*  
 (Pilichd. l. 1. & illas res taliter consecratas nil omnino singularis san-  
 ctitatis ex illis verbis percipere) Repetit eadem cum maiori stoma-  
 cho, contra benedictiones superstitionosas l. 6. p. 193. b. 194. Argu-  
 mentum illorum idem videtur fuisse, quod mox Wiclefistis, ipso-  
 rum sectatoribus ascribit: *Dixisse, esse veram practicam necromantia  
 potius, quam Theologiae*, quod idem l. 2. p. 65. 66. Lollardis VViclefista-  
 rum



rum sectæ tribuit loco, qui legi non indignus est. Apud Pilichd. l.c. rem irrationalem omnino nihil posse sanctitatis percipere, in argumentum ducunt. Postea quoque cap. 34. pag. 330. G. queritur de exorcismo reprobato: *damnant omnia, quæ p̃j Sacerdotes faciunt circa obsessos à dæmone, & incertus ille, quem edit. Grezer. p. 337. ac index err. eod. edente n. 33. pag. 341.* Unde tamen malitiosè deducit: docuisse, quod nemo possit à dæmone obsideri & vexari. Orationes cruciologicas improbabant. Siquidem in Canonicis horis cantandis dicendisque frustra tempus teri illis visum. Joan. VVolf. Lect. memor. ad ann. 1160. p. 382.

§. 19 Vi TERTII præcepti, nulla die ab opere cessandum, nisi quæ Dominica nunc appellatur. *Celebritates sanctorum (quales & quo sine vid. cum ipsi viverent, erant.) prorsus rejiciendas.* Jo. VVolf. lect. memor. l.c. p. 382. conf. locum Reiner. c. 5. p. 301. quem produco §. & moderationem supra §. 8. Huc etiam referendum, quod cultum divinum ordinarium quàm minimo ceremoniarum apparatu fieri vellent, quod simplicitas hac in re Deo maximè esset cordi. Ulterius, quem Grezer. edit. cum aliis, incertus p. 337. tribuit, quasi omnia quæ pro solennitatibus fuerint, damnent & reprobent dicentes: *esse pompas & superbias DEO displicitas.* Sanè id verissimum de eo Pontificiorum excessu, cum ea quæ potiore partem facere debebant, illà ceremoniarum nimia copia opprimuntur quasi & obscurantur.

§. 20. Reliqua præcepta pari methodo considerarem, si liceret prolixo esse. Generalia quædam notasse sufficiet: *Nullum capitale peccatum, quantumvis majoris mali vitandi gratia tolerandum.* Jo. Wolff. L. memor. l.c. p. 381. & idem Alfons. à Castr. l. 12. p. 348. Peccatis alienis ne sumtuum quidem subministratone participare licitum, praxis eorum monstrat ap. Thuan. l. 27. p. m. 1229. 1230.

§. 21. Cæterum ita perfectam in lege vivendi regulam agnoscebant, ut humanis assumentis non egeat, seu illa votorum, seu ecclesiasticarum traditionum nomine venirent. (conf. supra §. 8. ubi sententiæ moderamen in expositione patefactum) *Quicquid summi Pontifices & ordinarij in Ecclesiis servandum statuunt, nihil advertunt.* Ind. error. ap. Grezer. p. 341. B. Reiner. c. 5. pag. 301. *Omnes consuetudines Ecclesie approbatas, quas in Evangelio non legunt, contemnunt, sicut festum luminum, palmarum, reconciliationem penitentium, adorationem crucis in*  
*parasceve.*

*parascève, festum Pasche (an hoc ex vero?) Christi (erit corporis Christi festum) & sanctorum festa spernunt propter multiplicationem festorum: & dicant, quod unus dies sit sicut alius. Vade in festis oculis operantur. Speciatim abstinentiam ciborum non posse precipere Ecclesiam, & in tali abstinentia à carnibus dicebant, nullum esse meritum. Alf. à Castro L.IV. contra hares. p. 108. Quam sententiam mox Luthero etiam tribuit: repetit. l. 8. p. 240. Eat nunc. & socio litem intendat Ebrard. Bethun, anti hares. c. 20. p. 155 qui acculat, quasi carnes comedere, quin & ova, illicitum putent, illorum insuper jejunia, quadragesimali longè plura, non paucis redarguens. Singulari tamen conscientia cautione negotium hoc tractasse, patet ex art. 8. ex iis qui Argenti. objecti: Krancke und arme/die mögen ohn des Pappsts Erlaubniß in verbottenen Tagen wol Milch/Butter/Eyer/ ja auch wol Fleisch essen, doch ohne ärgernuß. Castrensi opem fert contra Ebrardum etiam An. Sylv. ap. Jo. V. Vollf. l. c. apud quem etiam mendicantium religionis mali daemones invenisse dicuntur. Non multo æquiores erant votis, prout illa in Papatu sunt: esse scil. hominum signimenta Sodomam nutrientia. Centur. Magd. XII. c. 8. p. 1207. In primis peregrinationes votivæ non probabantur, rap. Ebrard. Bethun. c. 12. anti hares. p. 120. 121. eo potissimum argumento, quod Deus ubique locorum est, omnia implens loca, & ideo non incessu pedum sed cordis intuitu debet visitari. Tum cœlibatus votivus. Inter Argentinensibus tributa art. 7. Daß alle/ sie seyn Geistliche oder Weltliche/ die Keuschheit gelobt/ und hatten die gnade nicht keusch zu leben / die mögen über ihr Gelübß wol zur Ehe greiffen / were besser/ dann daß sie in Hurerey und ärgernuß lebeten. Der Jungfrauen-stand wäre gut; wer ihn halten könte/ stünde aber zu GOTT. Ad. Error. ed. Grez. n. 31. p. 341. in universum ad ordines monach. id reducit: Improbant omnes religiones tam monachorum quam sanctimonialium: dicentes, esse superfluas & inanes. Inter impias assertiones alias V. Viclefitæ, quas ad Lecestriam prædicavit, reponit idem Bzov. ad ann. 1382. n. 15. quod si ista nova secta, quæ quasi hesterno die venerunt, asserunt vitam suam perfectiorem, quam religionem Christianorum & apostolorum, volunt sic facere Christum faruum.*

PHAENOM. VII.

DE BENEVOLA PATRIS VOLUNTATE.

§. 22. Benevolam Patris voluntatem in omnes pronam ista verba describunt. Postquam miserrimam hominis sortem hanc misericordissimus Pater ille DEVS intuitus fuisset, istuc jacentem ac penè submersum, unde nullo pacto enatare poterat, miseratus tantæ illius miserie, constituit & certò decrevit Filium suum pro eo recuperando, terris demittendum. At priusquam demitteret, multis atq; id sæpe promissis testatus erat, se sc. indubitato misertum iri, & Salvatorem demittendum &c. Largissimum hunc omnium gratiarum imbrē in omnes peccatores effudit, demisso terris filio suo. Hoc enim ipse Filius istuc demissus testatur, sic inquit, Jo. 3. 16. DEVS sic dilexit mundum &c. vid. ipsorum Apolog. March. Brandeb. exhibit. in VValdens. Balth. Lydii Tom. I. p. 150.

PHAENOM. IIX.

DE CHRISTO MEDIATORE.

§. 23. Christus salutis nostræ &c. &c. Unde in eius cognitione vita æterna. VValdenses de eo, quales vel expetere liberet. Sola sapius jam cit. Apolog. p. 151. testis esse potest: Integram, quam de Christo, eius persona & officio inserit, pericopam describere non cogito. Sed Lectores eo voloremis, conf. Confess. ad R. Uladis. p. 82. Si antiquorum confess. velis: interrogati in judic. Tolos. apud Baron. T. 12. ann. 1176. n. 12. p. 691. Symboli Apostolici articulos paucis adhuc è Scriptura interiectis repetunt. Præterea adesse etiam Christum fidelibus suis, quamvis non corporaliter, tamen spiritualiter, potenter, benedicte, in veritate: quod cum hac mansione non abiit, & non abibit à suis, sed ubiq; ubi vult, est &c. Resp. excus. ad lit. D. Aug. p. 92. E. Hoc verò non tantum de Sacramentali explicandum esse præsentia, ex allegatis generalibus dictis Matth. 28, 18. 2. Cor. 13. patet.

PHAEN. IX.

DE GRATIA SPIRITUS S.

§. 24. Christi meritum nisi applicetur nobis, alienus manet thesaurus, unde opus est Sp. S. gratia: De quo ita illi, in Apolog. p. 154.

G

fideles



fideles sanctificat, ac meritis Christi implendo vivificat, consolatur, confortat, docet, regit: Nec absq; eodem Sp. S. quonquam Christi participem &c. Praeterea quod eidem Sp. S. nullis hominum operibus a ut factis demereri possit &c. De justificatione ita docuerunt, p. 162. Docent: quod bona opera citra Iesu Christi fidem, quantumvis magna, non iustificent coram DEO, & quod homini sit impossibile sanctissima & inculpatissima facere, bona opera. Addunt: Quod si totum genus humanum prater fidem in Christum solum in id incumberet, frustra omnes conatus suos impensurum. Contra in fide Iesu Christi omnia opera, etiam exigui ponderis coram homine, DEO esse acceptissima & salutaria, quia sanctificationem suam per Christum assequuntur, & certam promissionem mercedis & gratiae habent. Non sane hoc, quasi aliam mercedis rationem haberi velint, quam gratuitae: neque quod solitudo fidei in justificatione aliquid velint detractum, sed quod nuda professione fidei, quam Pontifici contra eos, ut apostatas à fide, iactabant, actuosiorem opponerent fidem. Unde de bonis operibus, ea nobis esse colenda docent & exercenda. Conf. VVald. ad R. Franc. 1544. ap. Sleidan. l. 16 p. m. 466. Non tamen alio fine, quam quem ipsi ex Eph. 2, 10. & 2. Pet. 1, 10. deducimus. vid. Apolog. p. 162.

§. 25. Ad sanctificationem nostram etiam oratio spectat: Hanc soli debere DEO, nulli verò è sanctis, antea vidimus. Quod verò in eodem argumento superstitionem adversariorum, qui in templis orationes factas ex sese efficaciores, & sanctitati loci, quam credunt, participare existimarent, reprehenderint, ex eo colligere licet, cum Ebrard. Bethun. antihaeres. c. 4. p. 79. contra eos probare nititur, etiam in templo orandum, tanquam hoc quoque negassent. In templo dicit (scil. Actor. 5.) non in coquina, juxta ollam bullientem. Disertè Index error. ap. Grezer. n. 14. p. 341. A. Docent orare subditos suos in omni loco, in quo manent. Bzov. ad ann. 1199. n. 33. etiam attribuit Ecclesias adire orationum causâ, vel in eis orare, nihil prodesse. Sane sensu ante indicato optimè. In conventibus autem suis non orasse, nec audebant asserere ipsi hostes: Alia quoque tribuit Bzovius ad ann. 1270. n. 11. Nec salutatîo Angelica, Ave Maria: nec orationes aliae sunt admittende, neq; dicenda, quantumcumq; per Rom. Ecclesiam fuerint ordinatae, nisi tantum Pater noster. Accinit ferè Ebrard. Antihaeres. c. 4. p. 75. item Pillichdorf. c. 28. p. 327. Ind. Err. edit. à Grez. p. 340. E. Nec tam ipsi, quam credentes eorum dicunt Ave Maria; nisi rarissime: & paulò post.: Dicunt nihil orandum esse, prater Pater noster. E.

pluri-

plurimi eorum ignorant *ave Maria* ; Quod sanè Marianam salutatio-  
nem attinet, orationem ipsi quoque negamus esse. Aliam insu-  
per orationis formulam ab Ecclesia perpetuam & simpliciter ne-  
cessariam præscribi non posse, quam Dominicam orationem rectè  
viderunt VValdensès ; ita tamen huic se alligasse, ut non liberè à-  
liis uterentur, nemo Pontificiorum fidem facere poterit; quin imò  
ne desit innocentiae defensio, supersunt adhuc consignatae ab ipsis  
adversariis aliquae orationes & testimonia, quæ vide ap. U-  
lser. de Chr. Eccl. succ. & statut. c. 6, p. 200. & Catal. Test. Ver. L. XV. p.  
1523. 1524. ex libr. vetust. inquit. Sufficit verò adversariis, si odio-  
sè satis sententiam etiam legitimam proponere queant: Quod am-  
plius ex Bzov. T. 15. ad an. 1372. n. 8. patet, qui de Turelupinis, VVal-  
densium propagine dicit: *Voce non esse orandum, sed solo corde, eaq. spi-  
ritus libertate, qua div. legibus subiecta non sit.* Cor utique requisive-  
runt: contra quam in Papatu requirebatur: vocem exclusisse, de  
suo addunt hostes divinas summi Pontificis leges circa precum cir-  
cumstantias contempsere: de verè divinis nondum probatum. Id  
quodque improbabant in Pontificiis, quod clausulam dominicæ o-  
rationis, quia tuum est regnum & gloria &c. prætermitterent. d. l.  
p. 78. Ad orationem rectè faciendam fide opus esse, eodem loco li-  
quet, cum adversarios suos Dominicam orationem dicere non posse  
objicerent, utpotè qui mentiantur, si patris nomine appellent. Bar-  
tolomæi quoque istorum reprehensam, aliaque ad religionis partem  
pertinentia, facile est colligere, è citato jam eorum *avndi 129* Reiner.  
c. 5. p. 300. Idem addit; quod *Latina oratio Laicis non proffit.*

#### PHÆNOM. X.

##### De Manu Gratiae Evangelicæ collatrice.

§. 26. Gratiâ divinâ si frui velimus, ut detur div. manu, ne-  
cesse est: Manus ea *Ministerium* est: de quo illi Apolog. Confess. p.  
156. Constituit DEVS misericors ministros, quos spiritu suo S. afflat, ut sen-  
sum verum ac germanum Scripturæ S. & Sacramentorum habeant, & sine-  
rè citra errorum admixtionem administrent: & paulò post: *Quod Sp. S.*  
*per ministros, administrationem, illorum salutem operetur.* & p. 189. Cre-  
dunt verbum DEI, seu predicationem Evangelij & Sacramenta à DEO insti-  
tuta necessariò requiri ad salutem &c.

§. 27. De Sacramentorum fine & officio. ibidem in Apol. p. 265. Ab istorum verò doctrinâ, qui blaterant, quod Christus jam baptisma, jam S. cenam, & alias administrationes ob id solum instituerit, ut symbola tantum quadam nuda & inania, nihil saluti conferrent, sed solum Religionem suam profitentia ad extra sint, summo perè cavemus &c. Thuan. l. 27. p. m. 1214. Sacramenta à Christo instituta admittunt, quibus abundè Christus dona sua, beneficia, opes ac thesauros explicaverit, ac contulerit, qui ad ea verâ ac vivâ fide accederent. Ultimis istis opus operatum cavetur. Exoticas, in Sacramentorum administratione, linguas improbant. Unde consueverunt in vulgari & dant sacramenta. Reiner. c. 5. p. 300.

§. 28. Duo tantum esse ab illis admissa Sacramenta, vides in Cent. Magd. XII. d. 8. p. m. 1206. Jo. VVolfi. Lect. mem. ad ann. 1160. p. 380. Cum seculo suo loquuntur, quando septenario inclusa numero Ecclesiæ Christi utilia esse contententur. Orat. excusat. ad R. Uladisl. p. 82. F. in explicatione enim apparet, Sacramenti nomen non pro eo, quod gratiam efficaciter conferret, usurpari, sed quovis signo, ita ut & ceremoniæ Ecclesiæ, cum oratione admittantur illo sensu.

§. 29. Speciatim. Sacramentum ordinis dicunt nihil esse. Reiner. contr. VVald. c. 3. p. 300. G. Sacramentum unctionis etiam reprobandi. quod idem Alf. à Castro l. 14. p. 429. & Ebrard. Bethun. antiheret. c. 11. p. 118. cuius argumenta contra eos ridicula planè. Confirmationem etiam reiecit auctor est Reiner. l. c. p. 300. E. & ex eo idem Alf. à Castro. l. 4. p. 133. VViclefii sententiam ibi addit, ita à VValdensibus recedentem (si tamen Alfonso fides) quod dixerit, confirmationem à quovis Sacerdote posse peragi, ac solius lucri temporalis cupiditate sibi vendicatum esse ab Episcopis. Reiner. l. c. omnibus illis adscribit, quod mirentur, quare solis Episcopis liceat confirmare. Ind. error. ed. à Grez. p. 340. G. Sacramentum confirmationis non credunt, licet plurimi eorum se confirmari faciant, ne noverint. Itaque liberam ceremoniam, in quâ nil sacramentale, existimarunt. Absolutio ab illis admissa: licetque eam invidiosè sub consolamenti nomine vendere pp. Ermingaud. c. 14. p. 134. Quod coniugium Sacramentum esse noluerint fateri, & quid responderint ad argumentum, quod ex Ephes. 5. adversarii duxisse videntur, ex his Bzov. apparet ad ann. 1270. n. 11. Loco Sacramenti Matrimonij carnalis inter virum & mulierem, spirituale quoddam matrimonium inter animam & DEVM surrogabant.

Quid



Quid aliàs de matrimonio senserit, ex iis, quæ suprà Sect. 1. Art. 3. §. 28. & infra Sect. 3. §. 15. dicuntur, patet.

§. 30. De BAPTISMO: Quicunq; maturâ jam ætate, auditu verbi DEI fidem adeptus, quâ in animâ renatus, illuminatusq; vim nactus fuerit, talis exteriori lavacro, in argumentum interioris munditiæ per fidem acquisitæ, baptizari tenetur in nomine Patris & Filij & Sp. S. in unitatem Ecclesiæ Sanctæ. Professio ista nostra etiam in pueros extenditur, qui decreto Apostolorum (prout Dionysius scribit) baptizari debent, post ductu compatrium in Christi lege eruditorum, ad vitam fidei invitandos esse, assuescendosq;. In Orat. excus. ad R. Uladisl. pag. 82. F. Item in Apolog. Conf. p. 189. quod sit externa, ministerialis & Sacramentalis, in aquâ purâ, corporis ablutio, sub Patris, Filij & Sp. S. nomine, in salutem peccatorumq; remissionem, & æterni justificationis ac fidei fœderis hic cum DEO initi.

§. 31. De S. EVCHARISTIA minus clara sunt, quæ in Conf. ad R. Francisc. ap. Sleidan. l. 16. p. 466. exstant: Esse gratiarum actionem, & beneficii per Christum accepti commemorationem. Solus enim finis ita explicatur. Sed illustrior est confessio March. Brandeb. ann. 1532. exhibita, p. 492. Docet nos Scriptura S. porro credere, quod panis ille sit verum corpus Christi, & vinum verus sanguis Christi. Ipse namq; dicit Christus: accipite & comedite, hoc est corpus meum: de Calice verò, bibite ex eo omnes, hic est sanguis meus, qui est N.T. &c. Quibus quidem verbis Christi, si quis preposterò ordine, prius veluti intellectum obtrudere, sensumq; ab illis venari, quam illi credere, is Christi Magistrum se constituit, &c.. Idq; sic, ut aut nimis se hic subvehat, h. e. quod velit integrum Christum inibi viventem corporaliter seu personaliter presentem corporibus nostris, idq; sub una quaq; specie habere: aut è diverso, nimis in ima sese dejiciat & demittat, ut nullo modo hic Christum esse ferat, sed solum nudum ac ex sanguine ac nihil operans in animâ signum, seu tesseram tantum quandam professionis fidei, ac memoriam Christi absentis. Quæ quidem opinio mentem ac finem intentionis ac institutionis SS. Sacramenti Christi, sed & verbum illius prorsus evacuat, & puerilem fabulam efficit. Etp. p. Nos ita nobis persuasimus, quod fidere omnibus DEI verbis, est res primaria & tutissima, quæ quidem omnem sensum corporis sed & rationis ac intellectus hum. longè post se relinquere debet, omnibus præire. Quod deniq; fidei fundamentum nisi jaciatur, nulla ratiocinatio hic sola, aut etiam sensus corporis certa & probata haberi nullo modo potest: &c.. conf. suprà §. 5.

§. 32. Et nequis suspicetur, eos progressu temporis recessisse à Majorum doctrinâ in hoc articulo : hanc doctrinam ab exordiô Ecclesiæ cum veteri congruentem, prolixè deducunt, tum ex Epistola quadam ad M. Jo. Rokezanam missâ, tum è Synodo. Quibus addes, si vis, testimonium ipsius Jo. Calvini, qui in Epistola 224. p. m. 449. suum de Waldensibus judicium (quid nimirum in h. articulo sentiant) Dominis Polonis Evangelium profitentibus, Ecclesiârumque ibidem ministris, tale exposuit: *Legimus* (inquit) *locum illum, ubi suam de S. Christi cœna sententiam exponunt: breviter & verè concisè asserunt, panem & vinum esse verum CHRISTI corpus & sanguinem: statim ad Confessionem transeunt, quæ nostro judicio doctrinam obscurat, vel involuit magis, quam illustret. Queruntur injustè se calumniis gravari, imò traduci ludibris & subsannationibus: Sed primos sibi adversarios statuere videntur, quicquid certius definiri postulant, quomodo panis sit corpus. Tantum dico, cum non satis disertè vel enucleatè de hoc mysterio locuti sint Waldenses; fastidium à Christianâ modestiâ procul remotum fore, si ab ipsis omnis interpretatio respuitur. Formulam verò confessionis amplecti, qua sine discrimine, in unum fasciculum damnationis omnes involuit, qui præcisè non fatentur, panem esse præsentissimè CHRISTI corpus (hic recitamus eorum verba) an fas sit Christiano homini, videritis: Nos certè non putamus. Idem Jo. Calvinus in alia Epistol. n. 298. p. m. 545. ad VValdenses omnium nomine data: Nos quidem (quod bonâ vestrà pace dictum sit) manemus in sententiâ, non posse simpliciter recipi Confessionis vestræ formulam absq. periculo: ac subscriptionem, nisi adhibitâ dextrâ interpretatione: Polonis multarum contentionum originem & materiam fore. &c,*

§. 33. Sed Hussi quoque eadè sententia fuit, prout egregiè contra Zvingerum hoc pluribus deduxit Magnus ille Theologus, D. D. Dorſchæus im schrifftmâssigen Unterricht D. Zwingers Predigt von H. Abendmahl. c. 4. p. 143. c. 6. p. 238. & seqq. prolixius ex B. Martyris scriptis irrefragabiliter deducit: videlicet & realem præsentiam corporis Dominici & oralem manducationem illi probatam fuisse; quin etiam indignorum manducationem ipsi complacuisse, evincit c. 7. p. 254.

§. 34. Quæ omnia collecta, mediam viam hic tenuisse Waldenses; qui cum his fecere; ut neque ad infamem scopulum præsentia figuratæ alliderent; neque tamen in devia transubstantiationis

nis inciderent, evincunt, ac à nemine alio tanquam *quoque* allegari posse, quam nostrâ Ecclesia. Patet illud etiam; quæ Ebrard. antiher. c. 8. p. 102. & Erming. c. 11. p. 116. de perversâ explicatione verborum institutionis adferunt, Berengarii mentem redolente, non de VValdensibus intelligenda, si veritas ipsis consistere debet: ita & quando eodem loco communione... corporis Dominici in verbi perceptione dicuntur constituere, quod tamen dum adfert Erming. p. 119. indefinitè dicit, *sunt quidam heretici &c.* quod æquè facile de aliis intelligitur. Simul in ruborem datur Joh. Mariana, & quotquot ipsocum faciunt in præfat. ad Luc. Tud. p. 231. A. qui adhuc nostro seculo ausi sunt scribere, statuisse in Eucharistiæ sacramento corpus CHRISTI non esse. Colorem ei faciebant per aliam calumniam: quam ipsi recensent in Resp. excus. ad liter. Augustin. p. 87. E. *Falsò nos arguit, non esse hanc nostram confessionem ex ejusmodi ratione, quod alia scribimus de Sacram. nto corporis, Christi & alia credimus.* Hoc nimirum ultimum effugium est eorum, qui, si alias reforbere calumnias cogerentur, hypocrisis adversarium sine ratione postulant. Nec minus in contrariam partem longius abiens Reiner, c. 5. p. 300. ubi transsubstantiationem illis relinquit: & quidem quod *transsubstantiatio non fiat in manu indigne conscientis, sed in ore digne sumentis.* Transsubstantiatio omninò improbata, quod vel ex jam allegatis patere potest, & si quis plura velit, legat Resp. illorum ad lit. D. August. p. 87. E. seqq. ubi eo argumento commentum refutant, quod verba institutionis non faciant mentionem, & quod Paulus adhuc post consecrationem nomen panis usurpet: Confer articulos VViclefi à Concil. Constant. damnatos ap. Bzov. T. 15. ad ann. 1415. p. 396, in primis primum & secundum. Imò in hoc non ad scripturam tantum, sed & consensum Doctorum antiquorum & sanctorum provocant ap. Bzov. T. 15. ad ann. 1382. n. 15.

§. 35. Quod PERSONAS, MYSTERIVM HOC DISTRIBVENTES attinget, disertè Presbyterum rectè ordinatum exprimunt in Confessione ad R. Uladisl. in Fascicul. rer. expet. pag. 85. b. *Interea quod bonus laicus etiam mulier, si scit verba, conficiat.* Cat. Test. ver. L. 15. p. m. 1510. E. ex v. codice msc. (quod de casu necessitatis intelligendum hoc evincit, quod Pilichdorf. contra heres. VValdens. c. 1. p. 313. laicum qui se ipsum, & quosdam complices communicaverit, ab aliis hæresiarchis (ut loquitur) redargutum fatetur. In ind. err. ed. 2



ed. à Grezer. p. 340. de aliquibus mem'rat, qui se ipsos communicarent : Sed partim Magistris contradicentibus factum asserit, partim ea, de aquâ in cochleari addit, quæ haud obscurè falsitatem redarguunt. De CEREMONIIS illa Bzov. T. 13. ad ann. 1270. n. 11. habet. *Loco Eucharistia corporis Christi, panem quendam, quem benedictum (1. Cor. 10.) seu S. orationis appellaverant in principio mensæ tenentes manibus, juxta ritum suum benedicebant, frangebant, & credentibus suis distribuiebant. Quam contentim de re tantâ loquitur? Ut etiam Grezer. in Iconism. V. Vald. p. 121. vix scommatum satis reperit, quibus illudat, quod minister vulgari veste indutus sit, cruces non formet, canticum canatur. &c. Legantur verò integra, nihil in omni eo, quod non simplicitatem piam & religiosam sapiat : Sed Phariseus eam ferre nescit. De loco Reinerus c. 5. p. 300. F. quod confici possit in mensâ communi. De TEMPORE ibid. quod semel in anno fideles communicant, hoc reprobant, quia ipsi quotidie communicant.*

§. 36. Dicunt amplius; quod Missa nihil sit, quia Apostoli eam non habebant : & fiat propter quæstum. Item Canonem Missæ non recipiunt, nisi tantum verba CHRISTI vulgariter : item dicunt, quod oblatio, quæ sit sacerdotibus in missâ nihil sit, neq. proficit : Item osculum pacis & altaris reprobant. Rein. c. 5. p. 300. F. Ita & adorationem. Confess. ad R. Uladisl. p. 85. F. Colere sacramentalem subsistentiam corporis Christi & sanguinis, nullum est jussu credentibus traditum &c. Et paulo post : Mandatum, Christum verum Deum & hominem, non in Sacramentali existentia, sed in naturali subsistentia & personali, in dextera genitoris sui colere, adorareq.

§. 37. Præter hæc, ut utraque species in Sacramento usurpetur, urserunt. Bohemorum hac in parte zelus notus est; licet sint, qui de Hussio dubitent, & soli Jacobello de Missâ adscribant. Vide tamen vindicatum Hussium ap. Zach. Theol. Hussitenr. p. 1. p. 16. Deinde qui etiam Hussi partes non in omnibus sequebantur; sed aliis papatus articulis retentis, calicem sibi noluere eripi, Calixtini dicti sunt; ad eò nullus ferè tum è Rom. Ecclesia diffidebat, quin hanc Sacramenti Dominici mutilationem improbaret. Quinimo Bohemi & Conf. ad R. Uladisl. usurpari debere utramq. speciem ex fide & necessitate ordinata salutis. p. 85. fatentur.

DE ORDINE DIVINO POENITENTIA.

§. 38. Ad poenitentiam requirebant cor contritum & humilatum, fidem Christi veram, & resipiscentiam à retroactis vitiis, (fidei sobolem) In profess. fid. ad R. Uladisl. p. 83. F. ubi quasdam alias miscet formulas, quas seculo condonare licet conf. eor. Apolog. p. 159. uti toti nostri sunt, & relapsoꝝ quoque poenitentiam exprimunt: De confessione quid senserint ex his colligimus. *Æn. Sylv.* attribuit ista: *Auricularem confessionem nugacem esse: sufficere suam quemq. DEO in cubili suo conqueri peccata.* Nec tamen ex his adhuc confici poterit, quod omnem confessionem, quæ ministris Ecclesiæ sit, sustulerint: sed eam tantum, quæ isto tempore revera etiam in confessionis negotio minus erat probanda. *Alf. à Castro L. 4. contra hares. p. 129.* pro non necessaria duxisse ait, & propterea cum Jacobitis & Lutheranis ipsorum sententiam conjungit. Ita etiam *Prateolus ap. Usser. de Christ. Eccles. Succ. & stat. c. 6. p. 203.* *Auricularem confessionem prorsus tollunt, eam necessariam esse negantes.* Ex quo nollem arguere cum *Usserio d. l.* contradictionis eos autores, qui hanc <sup>9<sup>am</sup></sup> eis ascribunt: potestatem audiendi confessiones non solum sacerdotibus à Christo datam, sed & fidelibus Laicis, videlicet in necessitatis casu, cum illorum copia non est. Itaque absolutio- nem privatam nulli contemere, sed illius ritus, consolamenti nomine describit odiosissimè *Erming. c. 14. contra hares. p. 135.* De cætero: satisfactionem tertiam partem poenitentia Sacramenti auferebant, dicit *Bzov. T. 13. ad ann. 1198. n. 34.* *Ipsi ap. Reiner. c. 8. p. 307. H.* *Ipsi* (scil. sacrificii Pontif.) poenitentes onerant poenis gravissimis, quas nec digito movent: nos vero exemplo Christi dicimus peccatori: vade jam & amplius noli peccare: & ei per manus impositionem omnia peccata relaxamus. Indulgentiarum nundinationem pessimè oderant ap. *Alf. a. Castro. l. 8. p. 247.* Argumenta quæ urserunt contra Indulgentias, vide ap. *Anonym. refut. err. Wald. ed. à Grezer. p. 339. conf. etiam Pilichdorf. contra Wald. c. 30. p. 328.* Inter alia hujus sententia fulcimina, hanc quoque hypothesin referimus, quod quandocunq. alicui dimittitur culpa, dimitti & poenam credidere. (vid. *supra* §. 14.) itaque non tam ob indiscretam quatuosorum sacerdotum avaritiam, ut *Pilichd. c. 30. p. 29.* visum, contradixere, sed ipsi rei.

§. 39. De fide docuere : In orat. excus. ad R. Uladisl. p. 82.  
*Viva fides universale est fundamentum salutis humana, quæ fides dono Spiritus  
 S. meritoq; gratia Christi principaliter largitur, in Ecclesia verò voce Evange-  
 lica ac veritatis verbo ministerialiter annuntiatur ; Sacramentis quoq; Ec-  
 clesiasticis exemplariter confirmatur. Cæterum accusatur apud Ebrard.  
 antiheres. c. 16. p. 135. tanquam primarium officium fidei negassent o-*  
*peribus se non fide salvari credentes: contra quem errorem etiam o-*  
*mnibus viribus disputat Ebrardus, adeo ut Grezerus etiam vix se*  
*expedire possit. Sed illa quoque accusatio Ebrardi vana est. Ipso-*  
*rum profess. fid. ad Uladisl. p. 84. aliter loquitur : Qui vivaci fidei com-*  
*municat, (NB.) ea ipsa veritatem relaxationis vitiorum in Christo assequitur:*  
*simulq; quia Sacramentis Ecclesiæ participat, solutionem criminum in eadem*  
*fide atq; certitudine adipiscitur. Si de fide explicemus, quod de conso-*  
*lamento dicit Erming. c. 14. contra heret. p. 135. ita verba habent: quod*  
*nemo parvus vel magnus vir seu mulier, nisi illud consolamentum ab ipsis con-*  
*solatis receperit, celeste regnum & Angelorum societatem aliquo opere vel be-*  
*neficio vel contemplatione, religionis, nec etiam martyrio, & si ab omnibus, quod*  
*est possibile, peccatis & delictis se abstineat, consequi potest. Unde etiam va-*  
*rios esse ordines & varias religiones salutis negabant. Ebrard. Antiheres.*  
*c. 19. p. 142. sola regia fidei via contenti.*

## PHÆNOM. XII. DE VIÆ APOLYSI ET NOVISSIMIS.

§. 40. Quæ de extremis docuerint Waldenses nostri, nobis  
 quoque extrema in hac confessione erunt. Mortem pro redemptione  
 habuisse, ex ipsa eorum ad supplicia subeunda alacritate patet.  
 Solitos autem priusquam defungerentur, valido solatio munire, ex  
 ipsa consolamenti ridicula descriptione, qua eis invidiam facit Er-  
 mingaud. cap. 14. p. 134. colligere licet. Lucas Tudenf. L. 1. c. 1. pag. 235.  
 attribuire videtur, quod dicant ; Dominum Christum Iesum vel San-  
 ctum ejus, in hora mortis sanctorum non adesse ad solatium animarum. Id  
 verò tantum de apparitione visibili, tota ejus deductio probat in-  
 telligendum. Cemiteriorum inanem usum quaestus gratia repertum &c.  
 Jo. Wolff. Lect. memor. ad ann. 1160. pag. 381. & ante cum Alf. à Castr.  
 L. 13 p. 410. b. & ante hunc quoque non sine stomacho ac operosa im-  
 pugnatio Pilichdorf. contra her. Wald. c. 22. p. 322, 323. salubrius hoc  
 esse



esse concludens. Idem in Ind. error. ap. Grezer. p. 348. F. *de sepulchris in Ecclesiis & cœmeteriis non curant: nisi ut non notentur: dicentes, utilius esse in locis alijs sepeliri.* Adde Rein. c. 5. p. 301. Colligere etiam idem licet è Luca Tud. l. 1. c. 2. 2. p. 252. qui amplius addit: *solennisationes Ecclesiæ: ut est canus officij, pulsatio campanarum & his similia, mortuorum spiritibus non prodesse.* Venturum Christum in die iudicii ad iudicandum vivos & mortuos, & omnes resurrecturos, confitentur publicè, & in iudicio. ap. Baron. T. 12. añ. 1176. n. 12. p. 691. *Λυζε πικρυζαν*, (sed post Patrum benè magnū numerum) placuisse, si non omnibus, tamen aliquibus, infra Bernhard. Abb. Font. Cal. & Luc. Tud. inuetur; quo alterum etiam Lucæ refero: *Sanctorum animas DEVM non laudare*, quoad videlicet iudicio extremo in plenam beatitudinē intromittantur. Ignem purgatorium constanter rejecere, Pilichd. contra hæc Wald. c. 21. p. 320. Ubi eadem, quibus & nos utimur, argumenta & respons. ad object. deprehendere est. Add. Luc. Tud. l. 1. c. 7. p. 237. *Inter Satana commenta referentes.* Thuan. l. 6. p. m. 289. non minus ac Hussus ap. Zach. Theob. *Hussitenisr.* P. 1. c. 3. p. 4. add. c. 17. p. 246. Rein. c. 5. p. 301. Dicunt, quod exequiæ mortuorum, missæ defunctorum, oblationes funerum, testamenta, legatæ, visitatio sepulchrorum, vigilia lecta, anniversarius, tricesimus, septimus, suffragia &c. non prosint animabus.

§. 41. Quid defunctis Sanctorum animabus tribuerint aut negarint, ex his Bzovii T. 13. ann. 1270. n. 11. ascribo: *Sancti qui sunt in celo, orationes nostras non audiunt unquam nec exaudiunt; nec pro nobis ad DEVM orant: unde non est licitum eos orare, nec eorum suffragia implorare, nec pro eorum reverentia festa celebrare: quomobrem & miracula eorum &c.* Pilich. cont. hæc Wald. c. 19. p. 317. illa scribit: *Tenent Waldenses heretici, B. Virg. Mariā & sanctos in patriā tantis impletis esse gaudiis, quod nihil possint cogitare de his, quæ in terris sunt, & per consequens, eos non esse invocandos à nobis; quia non possunt orare pro nobis.* Idem refert ille incertus, quem edid. Grez. p. 336. A. & ind. err. n. 1. ap. eund. p. 340. E. *ignem infernalem dicunt incorporum: quod ignis corporeus rem incorporalem tenere non possit.* Addit. Luc. Tud. c. 4. 5. 6. alia, dubia, falsa; sed illa Albigenisibus omnia tribuere non integrum. Cum & alii taceant, & Lucas Tudenis ipse non disertè ascribat, siquidem non contra eosdem & solos Albigeneses ea omnia scripta, vel ex collatione 3. & 4. de sententiis adversis conceptorum, clarum sit, tūm quod c. 5. p. 246. contra illos, qui sine virtutum meritis presumunt in Eccle-

*fin sepeliri disputat.* Hi utique VValdenſes non ſunt, quos ab ea ſuperſtitione ita alienos modo vidimus, ut Tudenſis ipſe reprehenderit: Sic & errores, qui apud alios extant: Ebrard. anti hær. c. 9. p. 108. non idem numero corpus reſurrecturum, & c. 18. p. 148. mulieres ſexum mutaturas, ſine fundamento VValdenſibus impinguntur.

## SECTIO II. ARTICULUS I. Hoſtes externi & interni.

**V**Ti varia ſemper Eccleſiæ ſors fuit: ita in hoc uno ſerè eadem manſit, quod militantis nomen rei ſpſa ſibi convenire experiretur. Hoſtium magnus numerus, nocendi modi, & artes mille.

Hoſtes  
” interni.

§. 1.  
§. 2. *II* verò & EXTERNI & INTERNI. INTERNOS quòd attingit, huc SCANDALA referimus, quæ vel aperta, vel ſectiora. Quamvis enim eorum in doctrinâ puritatem pluribus jam probaverimus, & mox innocentis vitæ allaturi ſumus teſtimonia; ea tamen intelligenda ſunt hoc modo, quo in rebus humanis perfectum quid cogitari poteſt, ut ſcil. ſemper quid adhæreat, quod nolles: In doctrina eſt, ubi uni alterive nævus adhæſit, quamvis illi fortè non univerſales fuerint omnium; alicubi in *egrotis* quiddam emendari potuiſſet, ubi mens optima. Quæcunque autem illa fuere, ſeu traxere adhuc è Papatus caligine, è qua recens erant egreſſi; aut in alteram partem ſeu diſputationis calore, ſeu averſationis, cæteroqui juſtæ, vehementia longius diſceſſere: Ita tamen ut fidei ſemper ſalvum maneret fundamentum: ſubindè autem per gradus lux oriretur defæcator. Sanè tantò facilius illis eos nævos condonare poſſumus, qui condonamus Patribus, quod excluſi ex Academiæ conſortio, in ſuorum congreſſibus diſcere tantum potuerunt, quantum diſcendum erat: unde Philoſophiæ & Philologiæ, quæ Theologiæ famulantur, non ea *expiatæ*, licet ne ab his quidem tudes fuerint omnino. Quod mores attinet, largiamur ſanè etiam fuiſſe nonnullos, qui profeſſionem ſuam diſpari vitâ commacularent; quos tamen rariffimos fuiſſe, ex iis, quæ Artic. II. dicemus, apparebit; nec ob hoc iniquiores ipſiſcum agere convenit, qui cum plerisque locis occulti vivere

vivere cogerentur, non pari severitate cohibere suos potuere, quā possunt. quorum ministerium ampliori potestate instructum, & Magistratu civili juvatur.

§. 3. Inter **EXTERNOS** multi fuere: non tantum varii hæretici, qui sub eorum tegmine latere volebant, cum tamen non agnoscerent. Planè prout in primitivā Ecclesiā accidit. Undè si cui non sufficiant, quæ S.3. suspicionem de Manichæismo elevare poterunt, ad summum nihil ampliùs efficitur, quam fuisse etiam eodem tempore, iis locis, quibus comorabantur Waldenses, qui deliria Manichæorum sequerentur, nunquam tamen sine injuriā ipsiscum confundendi. Ita etiam sunt, qui Arianos irrepsisse censent. vid. Excell. Dn. D. Dannh. in Msc. Christ. Act. II. Phanom. IX. & Mares. P. 2. de Antichristo p. 470. Sed Anabaptistarum quoq; semina quædam fuisse sparsa, qui diligenter evolvēt, fortè deprehendēt. Hi verò hostes tantò magis nocuere, quia & in publicū adduxere odium, Pontificiis strenuè hoc agentibus, ut eiusdem fursuris omnes viderentur, & minus caveri poterant, quia latere fuerat propositum.

§. 4. Sed publicè professos hostes jam videbimus. Supremus dux Satanas, Joh. 8. 44. reliqui ministrum ei, etiam aliquando ignorant, præstiterē operam. Neque enim hoc insolens Joh. 16. 2. Si inter **ECCLESIASTICOS** alii primum locum, quàm Pontifici assignare. **Host. Ecclesiastici, Pontifices.** mus, hoc etiam in argumento haberent, de quo quererentur eius a seclæ: scil. post Satanam nullus virulentior Waldensium nostrorum hostis fuit, quam Antichristus Romanus. Vaticinium expleri oportebat Apoc. c. 17. 6. Cum autem multi ab eo tempore sedem tenuerint Pontifices, nullus æquior quidem fuit, alii tamē alijs violentiores. **ALEXANDER III.** agmen ducit, dum circa ann. 1159. in Concil. **Alex. III.** Lateran. illos damnaret. Illa inscriptio de Univ. hoc concilio ap. Boxh. H. univ. p. 707. **ALEXANDRO III. PONT. FRID. I. IMP. WALDENSES ET CATHARI HÆRETICI DAMNANTUR.** Successor **LVCIVS.** eundem servavit animum. Eius contra hæretic. diploma retulere in Decret. Extra. de hæret. c. ad abolendum. **INNOCENTIVS III.** nihil pigrior. Diploma ad Gallic. Eccles. quo **Innoc. III. & alii.** Fr. Reinerium & Guid. contra Waldenses ituros armavit, vide ap. Bzov. T. 13. ad ann. 1198. n. 6. p. 7. Non segniore **GREGORIUS IX.** ap. Bzov. T. 13. ad ann. 1232. n. 7. 8. 9. executionem vid. ap. eund. ann. 1234. n. 24. ann. 1235. n. 7. **INNOCENTIVS IV.** cujus diplomata 2. ann. 1254. vide b. ap. Bzov. T. 13. d. ann. n. 2. & 3. **ALEXANDER IV.** ann. 1257. Bzov. ibid.



m. 6. & 7. & ann. 1260. **URBANVS IV.** Bzov. ad ann. 1262. n. 3. Sed quid omnes enumero? legatur eorum, ubicunque is sit, catalogus: jamque is fuerit index hostium Ecclesiæ Waldensis, neque enim facile unum merito exceperimus. **CLEMENS IV.** tamen, **HONORIUS BONIFACIUS VIII.** **JOHANNES XXII.** **MARTINVS IV.** **GEORGIUS XI.** **PAVLVS III.** ut præ cæteris non omittantur, meruere. Odia continuauere in Wiclefum & Hussum, ac omnes qui post hoscandem institere viam. Quinimò nec hodiernus **ALEXANDER VII.** sustinuit in hoc non legi Catalogo, cum Sabaudia Ducem recentius contra eosdem instigauit, & belli in eos ultimi tuba fuit.

<sup>69</sup> Inquisito-  
res & per-  
secutores.

§. 5. Principis exemplum secuti sunt alii Ecclesiastici, mansuetudinem aliàs professi. Inter præcipuos Antagonistas collocat Bzov. T. 13. ad ann. 1270. n. 13. **BONAVENTURAM** ord. minor. & **Thom. Aquinatem** ord. prædicat. qui scriptis contra eos egerint. Antecedit sine dubio **Dominicus Guzmannus**, quem **Didacus Ep. Oxoniensis** in regularium ordinem assumsit, & Priorem constituit 1199. ap. Bzov. n. 26. Quæ contra **Albigenses** egerit. vid. ap. eund. ann. 1204. n. 23. seq. Initio miraculis & prædicatione expertus erat, sed cum non æque succederet, **Simonem Montisfortis Com.** ad arma strenuè hortatus, præcipua belli illius atrocissimi fax & tuba. conf. Bzov. d. I. ann. 1209. n. 10. Postea novum modum victoriæ contra hæreticos B. virg. ipsi revelasse dicunt, **Psalterium** & **Rosarium** Bov. ad ann. 1213. n. 9. Adeo ipsius opera res Romana egere visa, ut per somnium **Innoc. III.** viderit, Basilicam Lateranensem lapsantem, eius & **Francisci** sustentari humeris, quo se postea faciliorem in confirmatione ordinis præbuit, Inquisitionis officio addito. Ad ann. 1215. n. 6. 11. **Dominicum** suum eiusdem ordinis socii postea strenue secuti sunt, inter omnes alios crudelissimi fidelium persecutores.

§. 6. **JOHANNES DE BELLOMAIS** Archiepisc. Lugdun. primùm illos, vivente adhuc **Petro Waldo**, excommunicatione, dein exilio animadvertit. In actione quæ contra eos instituta est **Tolosa**, **Baron. T. 12.** ad ann. 1176. p. 697. memorat, **Petr. Archiepisc. Narbon.** **Gilb. Ep. Lugdun.** **Gocelinum, Ep. Lodev.** **Gerh. Ep. Albien.** & plures alios. Anno 1198. missus contra eos ab **Innoc. III.** **Fr. Raynerius** & **Fr. Guido** cum plenissima potestate & literis ad Ecclesiam Gallicanam apud Bzov. T. 13. d. anno. n. 6. p. 7. Eodem anno **Petrus Parentius** acerri-  
mus hostis & persecutor hæreticorum (ut Bzov. vocat) d. I. contra illes

illos in Hetruriam missus est, qui auctoritatem Pontif. repudiabant. inde Arn. Almaricus Anno 1204. Idem Innoc. Cisterciensem Abbatem unā cum duobus monachis fontis frigidi, Apostolicæ sedis legatos, cum plenaria potestate, & amplissimis facultatibus legatorū contra Albienſes miſit, ap. Bzov. h. ann. n. 22. quin & 12. abbates Cistercienses ivere cum legato, qui crucem contra illos prædicarent. Anno 1209. interfuere expeditioni cruciatæ contra Albig. ex Ecclesiasticis: Petr. Archiepisc. Senonensis; Episcopi Eduensis. Claramontensis, & Nivernensis. Bzov. h. l. n. 9. Guido Abb. Vallis Sernarii. Simonem Montfortium ad bellum illud instigavit, cum quo eius ex sorore nepos, Petrus de Valle Sern. Monach. Cisterc. profectus, Bzov. & ann. 1199. n. 32. is qui mendacissimè historiam Albigenſium compilavit. conf. Sect. 3. n. 9. etiam eā in re hostili animo satisfaciens. Anno 1213. contra ipsos missus Hugo Ep. Reginensis & Theodos. Gānon. Iannensis, qui etiam contra eos Concilium Vaurum indixere. Arn. Arch. Narbon. ordinarius interea legatus manebat.

§. 7. Longior narratio fieret, si omnes enumerare vellem, quosdam igitur celebriores notasse sufficiat: Ap. Thuan. l. 6. p. m. 288. Guido Perpinianus Ep. Lodevenſis, (edit. Genev. Elnensis) inquisitionis mun⁹ in eos exercuit. Bzov. ad añ. 1234. n. 24. memorat, Fr. Guilhelm. Arnaldi & Fr. Petr. Seilanum ad Tolosates, ad Insubres Fr. Rolandum Cremonensem pro inquisitoribus missos. Anno 1270. n. 14. laudat Petrum Caderitam & Guil. Colonicum Dominicanos in Arragonia, ut & Raym. Pennafortium. 1380. Franciscus Borrelli Franciscanus persecutionem in Delfinatu & Provincia excitavit. 1460. & seqq. Joh. Veileti Francisc. minister crudelissimi Archiep. Ebrodunens. etiam contra Ludov. R. literas securitatis diris modis eos exagitari fecit. Anno 1488. Alb. de Capitaneis Archid. Cremonensis etiam multa in eos horrenda patravit. & 1489. quem reliquerat post se Fr. Ploireri Franciscanus. In Germ. 1230. Conrad. Marpurg. inquisitor magnam apud suos laudem retulit ob sævitiam, & parilli Eccardus: qui tamen hunc fructum inde retulit, ut converteretur, & Heidelbergæ ipse quoque fidem morte ignis subſignaret. In Bohemia ann. 1347. Ernest. Archiep. Pragens. Pontificia auctoritate Imp. Carolo IV. persuasit, ut omnes hos Pontificiæ potestati contrarios, Ecclesiastico iudicio traderet: pileum Cardinalitium eo officio promeritus. Ejusdem successor. Jo. Genzensteinus 1376. ab eodem Carolo edictum acre contra Bulgaros obtinuit.

§. 8. In Wicleſi hiſtoria præcipui ejus inimici memorantur WILH. CANTVARIENS. ARCHIEP. & hujus ſucceſſor THOM. ARVND-  
ELIUS & plerique alii ex Episcopali ordine. Inter doctos ſtylum con-  
tra VVicleſum quinam acuere, ſimul enumerat Bzov. T. ij. ad ann.  
1415. n. 38. Locum vide.

§. 8. Contra Huſſum potiſſimum egere poſt PROFESSORES  
PRAGENS. GERMANICOS, ZEINKO DE HASENBERG. ARCH. PRAG. CAR-  
DINALIS COLYMNA, AQVILEIENSES, VENETVS, A PAPA dati Judices.  
MICH. DE CAVSIS, M. STEPH. PALEZ, M. STANISLAVS DE ZNEM. IN  
CONCIL. CONSTANT. contra eum IV. Commiſſarii electi. Episc. Ra-  
guſ. Episc. Flebenſ. M. Urſinus Zalvenda, M. Guilh. Comes. P. de A-  
liaco. Card. Camerar. etiam ſatis virulentum ſe ei præbuit.

§. 10. Superiori ſeculo VValdenſibus inſeſtiſſimi fuere Ave-  
latenſis & Aqueſis Episcopi, qui pecuniam etiam in belli uſus  
promiſere Caſſanæo Præſidi Senat. Aqueſi ſi armis adoriri voluiſſet  
Merindolianos ap. Thuan. l. 6. p. 292. Sed & Card. Turnonius; pri-  
vata tamen è cauſa non peſſimè tantum eos odit, ſed & faces ap.  
Franc. R. odio eius ſubdidit p. 295.

§. 11. Hi iraque eorum hoſtes, quibus potuere modis miſe-  
ros exagitarunt: cenſuris contra eos publicatis, populo ab ipsis alie-  
nato, criminibus variis afflictiſ, prout exempla in proclivi ſunt, &  
infra plurima adducentur, doctrina eorum horrendis in modis de-  
pravata, & ita publicè propoſita; (Petr. Suav. Hiſt. Conc. Trident. c. 1.  
p. 3. dicit *Waldenſes Alpinos impietatis, obſcænitatiq; odio apud vicinos adeo  
pregravatas, ut periculum non eſſet, ne contagies ad eos tranſfiliret*) Inpri-  
mis verò in Magnatum odium eos adducere omnibus modis tenta-  
runt: Scripta ipſorum oppreſſere, combuſſere, ne qua ratione inter a-  
lios fructus terre poſſent, & quæ ſimiles machinationes mille fue-  
re, quibus præcipuè in examine eorum uſi ſunt. vide Chron. VVald.  
c. 8.

Hoſtes ſe-  
culares.

§. 12. Unde quid mirum PRINCIPES SECVLARES, cum horum  
tantum vidiffent oculis, tam atrocia contra eos decreviſſe. Quis  
non oderit eos, quales repræſentantur optimi hi homines calum-  
niis hoſtium (Sect. 3 §. 5.) rebelles Deo & Principibus, omnis boni  
ordinis contemptores, impuriſſimi, *μωροὶ καὶ ἄνθρωποι*, blaſphemi, & tan-  
quam cauterio naturæ notati eſſent monſtroſi. Tales verò crede-  
bantur vulgò Unde Art. 3, §. 6. aliquot exempla (quod remiſerint eti-  
am Principes à ſavitia, cum rectius cognoviſſent. Friderici II. Imp.

con-



Constitutio nota. Inter Gallia Reges potissimum eos persecuti *Philippus Augustus, Ludovicus IX. Lud. IX. Philippus pulcher.* Apud Anglos Henricus II. Apud Aragonios decretum contra illos Regis Aldef. extat in T. 13. Bzov. ad ann. 1199. 38. In Bohemia R. Johannes n. 1330. infestior fuit. Qui deinde a pertis armis post Hussi tempora impugnaverint, in historia illorum temporum facile videre licet.

§. 13. Vix autem quisquam æque magna damna intulit, quam SIMON MONTFORTIUS, quem, uti Leopoldum Austriacum in Germania, Innocentius III. sacro contra illos præfecerat bello. Thuan. l. 6. plures hoc Duce contra illos susceptæ expeditiones cruciatae, inque iis multa fidelium millia crudelem in modum habita. Legatur vel ipse Bzov. T. 13. ad ann. 1213. n. 1. ann. 1213. n. 7. 8 ann. 1218. n. 3. 1219. n. 3. 1227. n. 8. & nihil apparebit, quod defuerit ad extremam crudelitatem. Add. Boxhor. Hist. univ. p. 710. 720 773. Quæ ratione illorum persecutionem annis 350. ex Apoc. 12. 6. 13. 14. & 13. 5. ubi 1260. dierum mentio definitur; & ab anno 1167. ad 1517. extendat, vide ap. ipsum met Marnix. Aldeg. Tabl. de diff. de la relig. P. 3. c. 12. p. 151. Omnium persecutionum catalogum non nectam, sed Lectorem ad Chron. Wald. quod pluribus capitibus illas recenset, remitto; præsertim cum multi quoque alii, quod ad argumentum sufficere potest, tractaverint. Eam quæ ante seculum Lusernenfes in pedemontio vexavit, Thuan. l. 27. diligenter executus est, & anteriorem Merindolianam. l. 6.

## ARTICULUS II.

### EXERCITIA ET ARMA SACRA.

§. 1. Quantus hic hostium numerus? sed videamus etiam, Preces, quæ opposuerit Ecclesia hæc aciei tam terribili. PRECES primo loco ponentur: Bellaius apud Thuan. l. 6. p. m. 293. DEI cultum assiduis precibus & morum innocentia præseferre, ait. Ebrard. c. 25. anti hæres. p. 185. hoc perhibet testimonium: in legendo Evangelium, in colendo Dominicum diem, in ieiunando, in orando nobiscum estis. Sola fides, quæ maior est, à nobis vos sequestrat. Emphatica sunt, quæ ipsi in oratione excusant. ad R. Uladisl. p. 84. D. Arma tuendi nulla nobis sunt alia, quam desideria cordinima orationum nostrarum, ad DEUM protectorem validum semper missa, quatenus facilem vobis mentem, animumq; humanum tribuat

tribuat suā virtute, inflectatq; ad nos homines ignominiosè contumeliā affectos &c.

Vitæ Sanctimoniam.

§. 2. Accessit ad has VITÆ SANCTIMONIA insignis. Quod eorum ministros speciatim attinet, illustre hostis testimonium extat Autoris incerti in ref. error. Wald. quem Grezer edidit pag. 336. C. Quia vident in pluribus Presbyteris Ecclesia mala exempla, superbia,avaritia, incontinentia, ebrietatis, rixæ, iracundia, invidia, & aliorum vitiorum. Idèd plus credunt suis hæresi archis, præbentibus eis exempla bona humilitatis, largitatis, castitatis, sobrietatis, pacis, amoris, mansuetudinis & aliarum virtutum &c. Quinimò aded exegere vitæ innocentiam ab antistitibus suis, ut eo ipso Donatissimi postulati sint. Æneas Sylvius alibilenius loquitur de illis ap. VVolf. Lect. mem. ad ann. 1160. p. 301. dixisse: Presbyterum non dignitatem; sed vitæ meritum efficere poterem.

§. 3. De universis Reinerus c. 4. p. 299. disertè dicit: Magnam habent speciem pietatis, eo quod coram hominibus justè vivant, & benè omnia de DEO credant &c. Quodnam illustrius autem testimonium dari posset, quàm eiusdem Reineri c. 7. p. 307. Hæretici cognoscuntur (itaque in eo à bonis Catholicis differunt) per mores & verba. Sunt enim in moribus compositi & modesti: Superbiam in vestibus non habent, quia nec pretiosis, nec multum abiectis utuntur. Et paulò post: Casti etiam sunt, maxime Leonistæ. Temperati etiam sunt, in cibo & potu. Ad tabernas non eunt, nec ad choreas, nec ad alias vanitates. Ab ira se cohibent: semper operantur, vel discunt vel docent &c. Quid ad hæc adversarii? De Fr. Bohemis hæc Jacobus Liebenstein Dominicanus ap. Usserium de Eccl. Christ. succ. & stat. c. 6. p. 187. Dico (inquit) quod in moribus & vitæ boni sint, verace: in sermone, charitate fraterni animi; sed fides eorum est incorrigibilis & pessima Ebrard. anti hæres. c. 25. p. 180. Aliiter hypocrita non essetis, nisi quedam bona prætenderetis opera, de quibus mercedem recepissetis. Ita nihil erat, quod ipsorum vitæ inculpatæ obverterent, quàm putidam hanc hypocritæ calumniam. Quis innocens, si accusasse sufficit? Quin imò tantum abest, ut eam in dubium vocare potuerit Ebrardus: ut cap. 16. p. 135. & cap. 23. p. 166. illis propterea tribuat, tanquam per bona opera, non per fidem salvari voluerint. Ipsi confidenter coram hostibus profitentur ap. Thuanum l. 27. p. 1214. Omnem à se & suis cæcibus iniquitatem eliminare &c. Quinimò

Quin imò ap. Radulph. Cogeshalenf. Monach. Anglum in Histor. MSc. (quam exscripsit Cl. Boxhorn. Hist. univers. p. 717. 718.) cum puella adolescenti lascivo respondisset : *Nunquam velit DEVS, O bone adolescens, ut tua amica sive aliuscujus hominis existam ! quia si virginitatem amisisssem & caro mea semel corrupta esset, aeterna damnationi proculdubio, absq. omni remedio subiacerem. Quod audiens Magister Gervasius, intellexit prorsus, hanc esse de illa impurissima Secta Publicanorum &c. Bona sc. mansisset catholica, si impuris desideriis nebulonis morem gessisset.* Quin teste post alios Marnixio Aldeg. Tab. de diff. relation. P. 3. c. 12. p. 159. communiter appellati Les bonnes hommes, boni homines, ob sinceritatem & simplicitatem, quâ in omnes utebantur. Etiam Dn. de Heillan (Histor. Franc. l. 10.) qui quoad doctrinam extremè eos calumniatur, hoc tamen verum perhibet testimonium, quantum eorum vitam attinet : *Quamvis habuerint pravas opiniones, non tamen eas tantum Papa & Procerum contra eos odium excitasse : quantum excitavit libertas lingua, quâ usi sunt in reprehendis vitiis, & dissoluta Principum ac Ecclesiasticorum vita ; item in vituperandis vitiis actionibusve Papa : ita ut hoc punctum primarium fuerit, quod eos odio universali exposuerit, oneravitq. pessimis opinionibus, quas nunquam habuerunt.* confer alia ipsorum innocentie testimonia in Catalogo Test. ver. l. XV. p. 153.

§ 4. Quisque in sua VOCATIONE DILIGENTEM navabat O. Diligentia in vocatione.  
PERAM. Sapius jam in testimonium vocatus Bellaius ap. Thuanum l. 6. p. 293. multa ad Regem retulit, quæ vide : Concludit : *Patientissimos eos laborum & inedia : à litibus abhorrentes, erga egenos munes esse.* Ebrard. c. 22. Antihæres. p. 161. inagens convivium facere vult, quando dicit : *Ecce ! quod victum, vestitum, mirâ cum sedulitate queritis.* Ita invitus laudat ; inde operosè multa comminiscitur, ut probe, eos præter regulas Christi & Apostolorum fecisse, quod non omnia reliquerint, & inter se communia habeant. Ab avaritiæ suspitione eos liberat Reinerus c. 7. p. 307. *Divitias non multiplicant, sed necessarii sunt contenti.* Post paucas pagellas (idem Ebrardus c. 25. p. 175. seq.) otiosos eos & mendicos facit, contra illam mendicitatem disputans. Pudeat propria cæcidisse vineta. Nullos mendicos equali omnium paupertate habere. Thuan. l. 27. p. 1211. fatetur. HOSPITALITAS eorum erga fidei socios, Ivo hostis non potest non agnoscere & prædicare, ap. Grezer. Proleg. ad script. Wald. c. 3. p. 289. H. ex Matth. Paris. Queritur Ebrard. Antihæres. c. 10. p. 118. Nulli benefa-



*citis, nisi tantum domesticis vestra nequitia. Quod repetit c. 12 p. 163. Quid  
verò mirum in summâ paupertate, elemosynas illos parcius aliis  
potuisse exhibere, qui plurimos domi suæ haberent opis egentes?  
Apostolus pro illis loquitur Gal. 6, v. 8. Patientia in cruce insignis,  
& quæ hostibus quoque admirationem expressit. In Orat. excus. ad  
R. Uladislaum p. 82. b. illa profitentur : *Viam arctam, tristem, irrisam  
maluimus eligere, quam ipse redemptor Christus, Ecclesia deniq. sponsa ejus à  
mundo damnata abiecta, vestigia Christi signata ambulavit &c.**

Disciplina  
Ecclesiast.

§. 5. DISCIPLINA etiam ECCLESIASTICA suo vigore stetit.  
Unde B. Philipp. Melanchthon in epistola ad eos scripta ann. 1535. pa-  
rem severitatem nostris optat; eamque defendit Facult. Theol. VVi-  
teberg. in judic. de iis Anno 1573. Si per. Reinerum staret, fortè  
excommunicationis usum nullum inter eos fuisse, videri posset: Nam  
c. 5. p. 300. H. ita dicit: *Excommunicationem contemnunt, & absolutionem  
non curant.* Rursus anonymus, quem edit. Grezer. p. 338. attribuit:  
*quod non liceat Prælati excommunicare.* Prælatos tamen hic pro Pon-  
tific. Prælati, qui soli hoc nomine propriè venerunt accipiendos,  
docet Index err. quem edidit Jesuita n. 17. p. 341. ubi: *excommunicatio-  
nes seu Papa seu aliorum Prælatorum nihil omnino curant nisi suorum supe-  
riorum.* Magnâ interea prudentiâ & cautione in opere hoc ponde-  
rosissimo versabantur.

Doctrina &  
Eruditio.

§. 6. Si verò ea arma videnda sint, quibus potissimum ad-  
versus hostes publicos, & qui palam adoriebantur, usi: ante omnia  
eorum DOCTRINA & ERUDITIO commendanda, etiam ingratis Gre-  
zeri Proleg. ad script. VVald. c. 6. p. 292. E. Quod forte Latina plures  
ignorarunt, (ut allegat Grezerus) non idè Idiotæ sunt. Haud sanè  
refrager, primos VValdi discipulos plerumque literarum ignaros  
fuisse. Ap. Thuan. l. 6. p. 280. Prius quàm videl. à Waldo instituerentur,  
*ita tamen eos erudit, ut ei collegæ esse, officioq. docendi rectè fungi possent.* Jo.  
VVolff, Lect. mem. Ann. 1168. p. 380. Et non rarum in Ecclesiâ statu  
cum primis perverso, DEVM eos usurpasse, qui planè indocti. Amo-  
sus à sycomoris & armentis ad Prophetiæ munus accersitus. Multò  
minus illi rejiciuntur, qui quamvis in primâ aetate literis non ope-  
ram dedere, postea tamen etiam durante ministerio plûs profecere,  
quàm alii, qui in Academiis educati. Pilichdörf. c. 35. p. 331. *studia pri-  
vilegiata ab eis reprobari dicit.* confer. Index Error. edit. à Grezer. p. 341.  
B. Sanè uti tùm erant, Antichristi potius quam Christi studiosæ.

— Simpli.

Simplex enim Academijs saltem VViclefius intelligere non potuit, Collegii Oxoniensis Professor, cui tamen etiam trib. ap. Bzov.

§. 7. Cæterum eruditionis illorum manifesta plura sunt testimonia, si Cl. Hottingeri Hist. Eccl. c. 12, Sect. V. n. 7. p. 287. ordinem sequamur, (confer. Jac. Usser. de Christ. Eccl. succ. & statu c. 8, p. 264.) 1. Cleri ignorantia calcar VValdensib. addidit ad magnos suscipiendi conatus, vid. Supr. Sect. 1. artic. 2. §. 7. 2. VVernerus Fascic. temp. p. 78. per subtilissimos hæreticos dogmata VValdensium defensionem dicit, qui hi alii quàm literati: 3. Nec studium scripturæ invalidum præbet suffragium. De VValdi versione proprii dictum Sect. 1. artic. 11, §. 5, & 10. In lectione vix alios habuere superiores. Rain. c. 3. p. 299. C. *Audivi & vidi quendam rusticum idiotam, qui Iob recitavit de verbo ad verbum: & plures, qui totum N. T. perfecte sciverunt: & paulò post c. 5. p. 300. H. N. Testamenti textum & maximam partem veteris vulgariter sciunt corde.* Radulph. Cogeshalensis Monach. Angl. in hist. MSc. ap. Boxhorn. H. univers. p. 717. seq. duarum mulierum meminisse quarum altera Magistra alterius, ab Archiepiscopo Rhemensis examinata & impugnata, omnes auctoritates prolatas quadam sinistra interpretatione pervertebat, ut satis patenter cum suis innotuerit spiritum totius erroris per os ejus fuisse locutum: ad omnes siquidem auctoritates & historias tam V. quam N. T. tam facile tam memoriter respondebat, tanquam omnium scripturarum notitiam esset adeptus &c. vide locum. Si ille ardor legendi, ac ut ibidem Rainerus dicit, nocte & die docendi & discendi inter plebeios, quid sperari de Pastoribus eorum potuit? Nullus admittebatur ad ministerium, nisi qui Evangelium Matthæi & Johannis, omnes epistolas & magnam partem scriptorum Salomonis, Davidis, & Prophetarum memoriter nosset, Chron. VValdens. c. 3. p. 15. seq. linguarum quoque peritiâ in iis egregiâ reperiēbatur, vid. Chron. VVald. d. l. Accedunt 4. scriptis eorum Elenctica; didactica; moralia; catechetica: quorum vide Catalogum ex Perrino ap. Hottingerum d. l. p. 288. confer. Marnix. Aldeg. tabl. de differ. Relig. P. 3. c. 12. p. 152. Ubilibros in Bibliothecâ Jos. Scalig. Domini de S. Ferioli, ministri Araus. & aliorum ministrorum Waldensium extare scribit. Ad Germanos notitia eorum exigua devenit. De versione Bibliorum ab his factâ in Gallicam linguam, meminisse Innocentius III. epistol. ad Metenses apud Grezer. in marg. ad Reiner. c. 3. p. 299. C. Ex quibus omnibus satis

luculentum est, quid de eorum eruditione judicandum sit, ac verum dixisse in sua Confess. quam B. Lutherus edidit ann. 1533. Non edimus artes liberales (quanquam in academijs à quarum ingressu excluderentur) operam literis non dederimus) sed amamus, præsertim illas, quæ ad veritatis propagationem, ad erroris oppressionem aut alio modo ad commune bonum conducunt. Itaque post alios & cum alijs malitiosè mentitur Alfsà Castr. l. 10. p. m. 277. b. ubi dicit: *Waldenses fuerunt homines idiotæ & prorsus ignorantēs: quia propter verisimile est, eos nescisse, quid sit miraculum.* Fortè quia hæc cæcitates & quidditates, ac alias gerras Scholasticorum nauci fecere. Sed nec illa sibi constant, quæ Reiner c. 1. p. 298. H. *Omne genus hominum habet fidem nostram sc. Philosophorum, litteratorum, Principum: Sed hereticorum pauci: & hoc tantum pauperes & opifices, mulieres & idiotæ.*

Disputatio-  
nes.

§. 8. Speciatim verò inter media, quibus veritatem propagare soliti sunt, DISPUTATIONES primo loco esse possunt. Ita Disputatum ad Viride folium, semel & iterum Apamææ. Wolff. Lect. memorab. ad ann. 1160 p. 382. Addit Disp. etiam esse in Civ. Verfell. & Andvicæ. Marnix. Tabl. de diff. P. 3. c. 12. p. 113. Celeberrima fuit MontRealis propè Carcassonem ann. 1206. habita, quæ XV. dies duravit. A parte Pontiff. deputati erant Petrus Castelnovius Leg. & Monach. Cisterc. Rudolphus etiam à Papa missus, Didacus seu Jacobus Episc. Oxoniensis, & Canonicus eius Dominicus (qui primi ordinis Jacobin. seu Dominic. authores) Ex parte Albigenf. qui fuerint Sect. 1. art. 2. §. 19. habuimus. Thema propositum: quod Ecclesia Romana non sancta, neque Sponsa Jesu Christi sit, sed Ecclesia diaboli & Babylon Apocalyptica Marnix. Aldeg. Tab. de Diff. relig. P. 3. c. 12. p. 153. Alius rursus disputationis mentionem facit Bern. Abb. Font. Calid. præfat. p. 4. qua sub iudice electo Raym. de Daventria Sacerdote sententias contulere: Ita non venti sunt unquam in publicum produci aut periculum veritatis suæ fieri. Disputatio enim Merindolii instituta, auctorit. Episc. Cavalionensis, in qua Monachus Theologus ipsiscum commissus: qui factus, non aliàs se plura se Scriptura S. didicisse. Alius Sorbonicus negare non potuit, *plura se à Cath. Waldensium profecisse, quam disputationibus Parisiorum.* vid. Chron. VVald c. 3. p. 21. Sed & alia admodum celebris fuit, cum anno 1431. in vigil. Phil. & Jac. in Collegio Carolino Pragæ Joh. Lucaviz cum Taborienfibus adversus M. Jo. Rokezanam, & Sacerdotes & Magistros Pragen-



Pragenſes diſputaret. vid. Balth. Lyd. VVald. T. 1. p. 1. Quin adhuc ſuperiori ſeculo, cum diploma contra eos in ſenatu Aqueſi recitaretur, ſupplici libello petiere, ut *cauſa denuò cognoscatur, & vocatis Theologiſ res in diſputationem deducatur*: Iniquum quippe eſſe, ut antequam conſilii fuerint, ſe hereticos fateantur, aut inauditi damnentur. Thuan. l. 6. p. 294.

§. 9. Præterea APOLOGIÆ ab iſtiſ ſcriptæ complures: licet *Varia ſcripta Apolog.* pauca tantum ad nos devenierint. Adhuc extat ipſorum oratio excuſatoria atq; ſatiſfactiva ad R. Uladiſl. Ungar. Inde alia reſponſio excuſatoria ad binas literas D. Auguſtini ad Regem ſcriptas: in qua etiam alterius apologetici (ut deſcribere videntur) tractatus, quem jam veteres Bohemi ſcripſerant, mentionem faciunt. Extant hæc in fascic. rer. expet. ac fug. Ort. Gratii anno 1538. Cum approbatione B. Lutheri apologiam obtulere Georgio M. Brandeb. quæ extat in VVald. Balth. Lydii. Tom. 1.

§. 10. Apologiis accenſeri poſſunt eorum Confeſſiones publicè propoſitæ. Ita Regi Uladiſlao inſcribere confeſſionem, quæ etiam in fascic. rer. expet. legitur. Sic & Franciſco R. Galliæ aliquam obtulere. Thuan. l. 6. p. 294. Aliquam B. Luth. ann. 1533. cum præfatione & encomio edidit.

## ARTICULUS III.

### CHRISTI VICTORIA ET TRIUMPHVS.

§. 1. EXERCITVS, ARMA, CONFLICTVM vidimus. Ex utraque victoria ſteterit, non erit longè quærendum: Dominus exercituum mille myriades uno diſſat halitu. Chriſtus regnat, vincit, triumphat. Si Deus pro nobis, quis contra nos? Rom. 8. v. 31.

§. 2. Fuit autem victoria Chriſti non uniuſmodi, & prout regnum eiſ de hoc mundo non eſt, neque externum amat ſplendorem, carnalibus oculis non æque conſpicua, nec tamen minus vera: Sicut in prima quoque antiquitate, quando ſuperata videbatur Eccleſia, Chriſtus glorioliſſimè in eadem triumphauit.

§. 3. Vicit Chriſtus in IPSA PROPAGATIONE ET DIFFVSIONE *Victoria* ſaniſſor doctrine, quam contra quasvis aduerſariorum artes atque Chriſti *in* molimina obtinuit. Miraculo non caret, VValdum eosque qui doctrine ipſocum fuere, ſaltem eruditione profana, & coram ſeculo ſpecioſa *diffuſione.* non inſtructos, exiguo temporis ſpatio tantam multitudinem ad ſe perdu-

perduxisse. Nulla quæ cogeret vis erat, erat verò quæ retraheret. Nulla persuasio carnalis, quandoquidem ad crucis viam ineundam ista nunquam sua sponte dirigitur. Ipsa dogmata ubique exosa, carni non blanda (qualis hæc Pontif. sententia, si quævis flagitia in quibus ætatem exegeris, paucarum ceremoniarum externâ observatione & nonnullo arte redimere liceat) sed ob persecutionum procellas, quas undique contra se excitatum iri prævidebant, summè invisa, & terribilia. Ecclesiola illorum, si cum amplitudine & splendore Rom. comparaveris, nullius planè speciei, quæque nulla haberet externa auctoramenta, quibus alliceret. His tamen non obstantibus certatim alii alii quæ accessere, & paupertatem Christi prætulere Ægyptiorum divitiis. vid. Sect. 1. Art. 2. §. 10. seqq.

" conserva-  
tionē.

§. 4. Nec conservatio ejus minoris res momenti fuit. Conjuraverat in extirpationem sectæ sibi adversa, prope dixerim, Europa tota, ut §. 11. art. 1. vidimus. Pontifices appellasse sufficit, quia illorum stipendiarii in persecutione horum cogebantur esse Principes. Si humanis tantum consiliis agendum fuerat, brevi extincti fuissent, inopes, impotentes, & quod primum est, sine politico capite, quod universalem curam eorum suscepisset. At divina impotentia omnibus illorum viribus erat fortior.

excitando  
" nov. Heroas.

§. 5. At non tantum conservavit suos Dominus, sed subinde, ubi periculum erat, ut paulatim succumberent reliquæ hæ sacræ sed latentes, excitavit novos Heroas, qui coram orbe denuo comparerent, & professione publica facerent reliquis animum, ac de divina sui cura redderent certos. Imò qui ipsa illa arma, quæ apud adversarios acceperant, verterent contra illos. Nam Waldenses hi extrâ academias manere coacti, ut quicquid ingenii esset longo cœrumperetur situtaque Wiclefis & Hussis opus fuit, qui è Philistæa adferrent arma, ut resisti commodius posset hostibus. confer. 11. Sam. 13, 19, 20. Demum etiam B. Lutherum, tertium prioribus multo majorem Heroem, cum quæ hōc quam plurimos alios prodire jussit, qui denuo excitarent dormitantes, aut laborantes confirmarent.

" Magnos  
Fautores.

§. 6. Aliud curæ divinæ circa eos monumentum fuit, quod sapius potentissimus ille cardiarcha non tantum apud alios GRATIAM illis largitus est, verum etiam ipsos arcanâ vi eo perpulit, ut favere cogerentur, quos si per ipsos steterisset, vatiniāno erant persecutori odio. Recensuimus aliquos eorum fautores S. 1. art. 3. §. 30. sed multo plures adferri possent si colligere vacaret è scriptis. Huc eximia illa

illa ipsorum INNOCENTIAE TESTIMONIA, quae obtinere ab hostibus: quorum aliqua hinc inde jam attulimus. De Lud. XII. confessiones: vide Sect. 3. § 9. & Boxhorn. Hist. univ. p. 716. Franciscum I regem Gall. quod approbasset Aquensis Senatus contra eos crudelitatem, postea poenituit, & in ultimis mandatis, quae filio dedit, id quoque fuisse memorant. ut de iniuriis istis quæri juberet. Thuan. l. 6. p. 298. Jac. Sadolet. Ecclesiae Rom. Card. præcipuus fassus est: *se eum bene velle, minimèq; ex animi sui sententia futurum, si cum his hostiliter ageretur.* Thuan. l. 7. p. 294. Trinitensis Comes contra illos missus, testatur, Principem (Sabaud.) divinitus monitum, cum ipsis melius agere decrevisse: & imprimis favorem Ducis in eos commendat. Quin & persecutores per ipsosmet conversi. Eccardus Monachus ipsorum inquisitor & persecutor demum conversus, martyrium Heidelbergæ subiit.

§. 7. Alia quoque contingere, quibus subinde à suis arcuit Dissidium hostilem violentiam Deus. Ita cum ingens exercitus contra eos inter hostes collectus, inque eo res esset, ut extremum idum illi præstolarentur, Deus, qui novit suos exaltare de portis mortis, inopinatum immittit DISSIDIUM inter Principes exercitus cruce signati, Duc. Burg. & Com. Nivern. ut hic, mox etiam ille discederent cum copiis; Montfortius autem jam debilior, languidius administrare bellum cogebatur. Boxhorn. Hist. univ. p. 713. Sic etiam bella quae Regibus Galliae cum Anglis & Burg. intercessere, aliaque domestica, freni instar fuere, quo divina pronæ eos detinuit, quo minus ad profligendos Waldenses omnem impetum converterent. Ita halcyonia sua constitere Ecclesiae. conf. Boxh. p. 715. Lud. IIX. cum post Avenionenses oppressos Albiam etiam pergeret, morte impeditus est. Thuan. l. 6. p. 291. Apud eund. l. 27 p. m. 127. Dux belli, Trinitensis Comes, fateatur: *nunquam se ignaviorem militem expertum esse, quam tunc contra Waldenses.*

§. 8. Præterea nec impune fuit hostibus, Christos Dei læ. Hostes mul-  
tasse, sed passim loculenta divinae justitiae contra persecutores judicia stando.  
designata videmus. Agnoscit illam Thuanus l. 6. p. 298. in Jo. Romano Monacho, qui novum tormenti genus invenerat contra eos, sed inter tormenta demum diu frustra mortem optavit. In Jo. Minerio Oppeda Senat. Aquens. Præside, & executore sententiae contra Merindolianos. pag. 299. cum dicit: *Crudellem animam inter cru-*  
delissimos



delissimos cruciatus exhalavit, & meritam poenam, quam iudices non exege-  
rant, serius, sed eo graviozem DEO pependit. In Ioanne Martino Tron-  
bantioli. 27. p. 1214. In Sebast. Virgilio, exploraturo Sabaudia, an  
Waldensium causa esset iustior. p. 1217.

passione &  
martyriis:

§. 9. Sed non his tantum victoria DEI, aut Ecclesiae, con-  
stabat, sed cumprimis etiam IN PASSIONE, nam occumbendo su-  
perior illa fit. Huc jam innumera MARTYRIA, quae ab hostibus  
suis optimi viri tulere, faciunt. Requisita martyrum adfuere o-  
mnia, quae Vener. Dn. Praeses Christeid. Act. 1. Opt. Dram. Theatr. 3.  
Ph. 2. p. 628. recenset.

§. 10. Nomina illorum recensere, nec brevitatis nostra per-  
mittit, nec seculi ingratitude, cum pleraque interciderint. Nume-  
rus eorum qui in Linguadocio, Delphinatu, Provincia & Pedemontio,  
partim particularibus suppliciis confecti, intra aliquot secula,  
exprimi nequit: viderique possint hinc inde descripta & Integra:  
bella & mortes aliorum. Indicis loco Chron. VV. Vald. quod aliquo-  
ties prodiit, poterit fungi.

§. 11. Nec alibi in Gallia cessatum: in ipsa Parisiorum civi-  
tate multis igne absumtis. Anglia quoque non paucas victimas  
fecit. Habet & Italia, qui in eundem censum occisorum referendi.  
In Calabria, Geneva, Ferraria, Romae, nec minus in German. Au-  
stria, Alsatia, Trevirensi Archiep. Palatinatu, Eichstet. Episc. Mo-  
guntiae, Saxonia, Pomerania, March. Brandeb. & alibi multi arserunt.  
Argentinenses Martyres describit MSc. Chron. Argent. quod in ar-  
chiv. Reip. asservatur, & ex quo supr. cit. Nob. Dn. BERNEGGERO ex-  
cerpta nonnulla debemus, quorum hinc inde mentio jam injecta.  
Ibi enim 80. (vid. Sect. 1. artic. 3. §. 9.) constantes permanserunt, & frustra  
eorum constantiam expugnare conatis tum Iudicibus, tum cognatis,  
ad rogum ob veritatem se duci passi sunt.

§. 12. Illustrissima exempla sunt Johannis Husii & Hieron.  
Pragensis, qui quia sint habiti iniustitia à Patribus Constantiensibus,  
dudum per alios innotuit: pro relatione brevi sufficere possunt,  
quae leguntur apud Aventinum, & ex hoc ac martyrolog. Boh. Box-  
horn. Hist. univ. p. 911. seq. Nec non Zach. Theob. Hussienstr. p. 1.  
capp. pluribus, potius. 20. & 25. Quo etiam commune de prophetia  
Hieron. Pragens. quod post seculum adversarii sibi rationem reddi-  
turi sint, (quam Husso transcribere) errorem refellit.

SECTIO

# SECTIO III. VINDICIÆ CALUMNIARUM.

§. 1.

Quid non de Judæis & eorum religione gentiles ex ignorantia & malitia alii prodidere? In V. primitiva Ecclesiâ nihil magis Christianos preflit, quàm ea calumniarum atrocitas, quâ factum, ut Christiani nomen publico consensu ad supplicium sufficere crederetur, ob tam enormia, quorum rei acti sunt, flagitia. vid. Terrull. Apol. c. 7. 8. 9. & 16. Justin. Mart. Minut. Felic. & Excell. Dn. D. Dannh. Christeid. Act. l. p. 566. Vix ac ne vix quidem tot apologiis satisfieri potuit, maculâ, quam illi inussere, delendâ: Eandem postea fabulam lusi antiquus impostor, artium harum autor, quoties aliqui aletheæ heroes excitati, metum ipsi incusserant; forte, ut pluribus sua probarent. Superiori seculo, Lutheri reformatione invalescente, qui calumniarum acervi congesti, & quod in orbe maleficium, cuius non poscebamur? conf. Caroli V. decret. in lib. des ordonances & edictis de l' empereur. Charl. & Roy Philipp. impress. Gandav. cit. Marnix. Aldeg. Tab. de diff. Rel. P. 3. c. 12. p. 153. Confer. illustre exemplum calumniæ ex male intellecta aut malitiosè dissimulata thesi, & inde deducta consequentia ruinosâ ap. Sleidan. l. 7. p. m. 179. cui multa gemina subiunguntur inferius.

Calumn.  
exempla in  
prim. Ecclesiæ

Nec mirum  
in Jesuit.

§. 2. Et mirum hoc nemini videri debet, quando inter pias fraudes illud referri meretur, & quia curiæ Romanæ proficuum, à merito non procul aberit Jesuitis jam id principium: *sine salutis jactura falsa de inimicis crimina posse confingere, ut & Caramuel, esse probabile, non peccare mortaliter, qui imponit falsum testimonium alicui, ut suam justitiam & honorem defendat. Quæ Jesuitis nuper exprobravit & demonstravit Lud. Montalt. in Epist. provincial. 15.*

§. 3. Sane quicquid poterat hæc arte præstari contra Waldenses experti sunt: Quos ut merito ames, ita non nisi, qui diaboli co sit animo eos diligere poterit, qui sub ea specie, qua ab adversariis solent produci, eos intuetur & fidem adhibet. Optaremus quidem plura extare è seculis superioribus monumenta, quæ Waldenses scripsere, ne ex solis hostibus præsidium causæ cogeremur sumere. Cum tamen eorundem adversariorum crudelitate effectum est, ut rariora supersint, vel in hoc divina providentiæ curam agnosce-re erit integrum, quod ex iis hostibus illa suppetant, quæ sufficiunt defendendis, ne succumbant, & merito tales credi possint.

Calumniæ  
advers.  
Wald. variæ

§. 4. Sunt verò quæ affinguntur illis in multiplicitate differētia, alia DOCTRINAM, alia MORES concernunt. Rursum alia eiusmodi mendacia sunt, quæ nec veri aut probabilis speciem habent, alia colore nonnullo pinguntur, seu quod male detorqueant benè dicta, seu quod certa hypothesi posita ad generalem thesin extendant, seu quod consequentiis male sarcinatis absurda illis impingant, prout exempla quam plurima singulorum adduci possunt.

Testimonia  
Adversar.  
generalia.

§. 5. Antequam autem specialem enumerationem calumniarum in doctrina accedam, operæ pretium erit, aliquot testimonia generalia adversariorum in subsidium eorum innocentiae producere. *Raineri* testimonium S. l. art. IV. fuit productum. *Samuel Castinensis* Monach. scribit, omne quod in erroribus *VValdensium* refutandum norit, esse, quod matrem Sanct. Ecclesiam negent. Chron. *VVald.* c. 3, p. 18. Gvid. Perpinian. ipse inquisitor fidei & Episc. Lodev. in florib. Chronic. cum particularissimè historiam *Waldi* recenseat, nihil aliud attribuit, quam ea quæ re ipsa non fluxere, nisi ex traditione Ecclesiæ & Papæ ap. *Marnix*. *Aldeg.* Tab. de diff. relig. P. 3. c. 12. p. 153. ubi etiam *Marnixius* ostendit, omnes ferè antiquos in hoc convenire, nominatim *Anonymum nobilem*, qui bello contra ipsos intervenit, & rhythmis provincialibus historiam scripsit. *Jac.* de Riberia reg. secret. etiam non accusat aliorum, nisi quod missam rejiciant, & quædam alia, quæ revera humanæ sunt inventiones. *P. Cluniacens.* Abb. *Wycel.* in ep. 1. & 2. ubi hoc agit, ut eos refuter, similiter nihil reprehendit, nisi quæ de missa, transubstantiatione, celibatu Clericorum, crucibus &c. diversa à Pontif. docuerint: nec minus *Bernardus* eiusd. temporis Monachus, licet fateatur, fando se accepisse, quod sint hæretici, qui in conventibus scortatione exerceant, tamen Albigenibus nihil imputare audet, quod non ad ordinationem Ecclesiasticam referendum sit: quin etiam *Vinc. Bellovac.* in spec. hist. l. 30. c. 24. autorem qui alias satis liberaliter mendacia & fabulas asserit, dum S. matris Ecclesiæ comodo serviant, adducit *Marnix*, d. l. iste non conqueritur de aliis, quam quæ ipsimet ab Ecclesia in adversariis impugnamus. Adde quod *Aneas Sylvius* & *Tabravius*, Bohemis tam tetros errores non impingant, facturi, quo erant in eos animo, si vera vel videri sperassent. conf. *Jo. VVolf.* l. memor. ad an. 1160. p. 382. *Petrus Pili* chdorfius nihil attribuit, nisi de juramentis, quod commune quid habeat cum illis calumniis; Sic nec *Index error.* quem simul ed. *Græz.* præter illam de juram. dicam, & quod sup-

plicia



plicia capitalia improbent, alias consuetas calumnias recitat. Nec plus exculperis (crimine de juram. etiam omisso) è modò exam. quem Grezer. ed. p. 342.

§. 6. Quid ergo fidei tribuemus aliis obscurioribus longè hominibus, quando tot mendaciis optimorum virorum fata prosciunt. Jac. Sadoletus Cardin. & Episc. Carpètoratensis, *vir pio & miti ingenio, quæ ultra ea capita (quæ ultro illi confessi fuerant) libro comprehensa de ipsis spargantur, ad invidiam conficta, & meras nugas esse, ingenuè declaravit: id enim questionibus sæpè ea de re habuissibi certo constare, memorante Thuanò l. 6. p. 294. Apud eundem p. 293. Nic. Alenius Pontificius, Vir probus: oratione ad Barthol. Cassanæum Senatui Aqueñs. tum præfidentem, cum Scto VValdenses damnabantur, eius conscientiam appellat: Scis ipse, quam multa iis calumniosè affinguntur, alioqui sedulis DEI cultoribus, iis & Dominis sua jura, Principibz, & Magistratibus tributum & obedientiam præstare nusquam detrectantibus.*

§. 7. Sic & Thuanus p. 298. (Vir cuius auctoritatem & religionem satis vindicat Gramond. H. Gall. l. 3. p. 191. 192. acerbitate sua in hæreticos, quos vocat, meritis, ut ad dicendum in hoc argumento testimonium admittatur; de cætero illam in Thuanum inquam suspicionem mendacii manifestam dicens; quæ vindiciæ necessariæ visæ, quod sæpius jam auctoritate viri usi sumus in hac disputatione) quando ex suo sensu ipse loquitur, enumeratis VValdensium articulis addit: *his præcipuis ac certis eorum capitibus alia afficta, de coniugio, resurrectione, animæ statu post mortem, & de cibis &c.*

§. 8. Et quid mirum, postea calumnias lapsu temporum invaluisse, cum mox ab initio cœperint. Exemplum egregium Baron. Tom. XII. ad ann. 1176. n. 3. præbet, cum ex Rogerio de illorum iudiciò acta describit: ex quibus apparet, etiam horrendorum eos criminum postulatos: ad quam accusationem initio quidem respondere noluerint; postea verò eam edidit Confessionem; quæ innocentiam satis probat. Rogerio videntur dixisse, *ideo quod convictos & confusos se cernerent.* Sed videtur illi, verba hæc non secum ferunt; potiùs ad plebem ita illi loquuntur: *Audite (O boni viri!) fidem nostram, quam confitemur: nunc confitemur autem propter amorem & gratiam vestram.* Quando scil. ejus doctrinæ, quam docuimus hætenus, sanè non quam nunc melius edocti ab Episcopo hausimus, publicam professionem, scandalum, quod acceptum essetis, haud amplius

permittit. Eum sensum esse, quivis, qui integrè legít, reperiet: at-  
què ad eò etiam eò tempore convinci non potuere, quorum argue-  
bantur. Quin disertè quendam Joannem Pelegrinum appellat chro-  
nic. V Vald. c. j. p. 81. qui ut homines infantes calumniis oneraret,  
ab Ecclesiasticis est subornatus.

Pet. de Valle  
Sarn. prim.  
calumniau-  
tor.

§. 9. Inter authores harum calumniarum meritò refertur  
Fr. Petrus de Valle Sarn. Monachus Cisterc. in histor. V Vald. quam  
dedic. Innocentio III. Ab hoc enim plerique alii mutuati sunt illa  
crimina. Cum tamen & alias ubique affectus suos exorbitantes mo-  
nachus prodat, & mendacii confici ex omnium *αρχαίων* paralle-  
lismò possit. Unde & Papyr. Mañson. de cætero ipse quoque hostis  
Albigens. & in reliquis Petri ductum semper secutus, in Catalogo  
errorum Albig. ductorem deferit. Adde quod eius historia per  
translationem multum interpolata & corrupta, quod vel ex eò pa-  
tet: quod secundo capite Calvinistarum mentionem faciat: quæ vi-  
de ap. Marnix. Aldeg. Tabl. de differ. relat. d. l. p. 152. illustre exemplum  
calumniatorum isti edidere, qui Ludov. XII. R. Gallia contra reli-  
quias eorum in Provinciâ instigarunt, tñquam contra veneficos,  
incestuosos, hæreticos. Cumque hi legatos misissent ad Regem, adi-  
tu prohibitori erant, dicentes: *Iure canonico prohiberi, ne quis cum here-  
ticis communicet.* Quibus masculè Rex reposuit: *Etiamsi mihi in Tur-  
cam aut Diabolum bellum suscipiendum esset, eos tamen prius audire vellem:*  
Ita auditi sunt, & Evangelium, Biblia, Symb. Apostolicum X. præce-  
pta, Sacramenta apud se vigere, docuere: Misit rex Adamum Finæum  
libell. supplicium Magistrum, & M. Paryum Dominicum, qui ipsi à  
Confessionibus, eam verò illi religionis & vitæ V Valdensium ratio-  
nem retulerunt: ut in hæc verba erumperet Rex: *Et me, & cætero populo  
meo Catholicò meliores illi viri sunt.* vid. Boxhorn. hist. univ. p. 715. seqq.  
Ita ipsi quoq; de calumniatorum suorum fraudibus conqueuntur,  
Orat. excusat. ad R. Uladisl. pag. 81. b. Et sanè ex collatione omnium  
apparebit demum, verum esse, quod iidem Confess. ad R. prædictum  
p. 85 D. profitentur: *Testamur coram Deo vivo, qui orbem terræ iudicaturus  
est in æquitate, nihil nos unquam hereticum, blasphemum, neq; in Deum, neq;  
in orthodoxam fidem, neq; in Eucharistiam corporis & sanguinis Christi; neq;  
demum in B. Virginem, nec profus in Sanctos Dei quicquam astruere blatera-  
re, reperti sumus:* Repetunt ferè eadem in excusator. ad eund. R.  
contra duas lit. Augustini p. 87. E. Ex quibus multa de malignitate  
hòrium eorum colligere licet.

§. 10. Sed specimen capiamus falsitatum harum. Bzov. An- Calumn. de  
 mal. T. 13, ad ann. 1199. agmen ducat; qui ita: Non recipiebant LEGEM MO- "V & N.T.  
 SIS, neq; Prophetas, neq; psalmos, neq; V.T. neq; DOCTORES N.T. nisi tantum-  
 modo Evangelium & Epistolas Pauli & VII. Canonicas Epistolas, Acta Aposto-  
 lorum & Apocalypsin. Idque calumniosè repetunt Mogunt. in An-  
 ticrocio p. 226. locum vide. Caterum Bzovii verba ultima quod at-  
 tinet, aut ineptè miscent Doctores N.T. Ecclesiasticis, & qui extra  
 scripturæ semper volumen mansere, (quo sensu non erit, ut repre-  
 hendamus illam particulam Doctrinæ VValdensium) aut longè ine-  
 ptiùs negant admisisse N. T. cujus tamen singulas partes ipsi pro-  
 batas enumerat; aut ineptissimè præter nostros canonicos etiam A-  
 pocrypha scripta, ipsis Pontificiis aliàs non recepta, tacite recipit.  
 De eò, an V.T. rejecerint, nobis dispiciendum. Disertè Reiner. c.  
 s. p. 300. H. dicit N.T. *textum & magnam partem V. vulgariter sciunt corde.*  
 Utique quod reprobant, non in eo habuerunt honores, ut ediscè-  
 rent. Iobum memoriter scivisse, Psalmis nomina imposuisse, idem author  
 est. c. 3. p. 299. C. Et hoc ex suâ experientia loquitur: ipse tamen mox  
 sui oblitus, nescio quo vertiginis spiritu, p. 299. D. reliquis videtur  
 addere suffragium: *Quicquid Ecclesiæ Doctor docet, quod per textum N.T.*  
*non probat, hoc totum pro fabulis habet.* Ita sibi met ipse adversus est.  
 Rob. Cogeshalensis. Mon. Msc. apud Boxhorn. Hist. univ. p. 719. *Nul-*  
*las S. scripturas recipiunt, Nisi Evangelia & ep. canonicas.*

§. 11. Quid ergò dicemus, ut vel colore aliquo illorum men-  
 dacium tegatur? nisi fortè hoc dicendum: Ex eo, quod ritus & pom-  
 pam V. T. non admitterent VValdenses, & sine dubio testimonia  
 pro illis, tanquam è peregrino loco ascita rejicerent. Suspicionis  
 occasionem dat nobis Rainerus. c. 1. p. 298. C. ubi inter ea, quæ com-  
 mendant Ecclesiam catholicam, secundum ponit: *in cultu divino scil.*  
*Ecclesiarum ornatu, vestium, vasorum, cantu, lumine, festis, jejuniis & V.T.*  
*quia hæc omnia heretici reprobant.* Tanquam diceret, hoc ultimum,  
 reliqua complectens, nolle amplius in Ecclesiam induci: Itaque  
 V. T. non libros, sed ceremoniarum notabit apparatus. Confir-  
 mat nos amplius Ermengaud. c. 9. p. 113. ubi, cum ad altaria probanda  
 attulisset N. T. loca addit: *Contra istos suprà dictos errores, quasi maxi-*  
*mam nubem testium V.T. scil. legis, Prophetarum & psalmorum possumus in-*  
*ducere, sed quoniam ipsi heretici respondere (nec rationem reddere ad objecta-*  
*sibi testimonia V.T. legis, & Prophetarum) nolunt &c.* Scil. mox à himine  
 remo-



removebant Waldenses, si ceremonialibus V.T. adferentur aliqua.  
 Quod solum de illis probari potest, in reliquis qui plura adfingunt,  
 mendacii manifesti sunt. Nam ipsum quoque Evangelium & N.  
 T. contemptui habitum fuisse volunt, cum ap. Grezer. c.3. præloq. ad  
 5. script. Waldens. p.14. Casarius referat : *Super volumen S. Evangelij*  
*mingentes, denuo illud contra Christianos projecere, & sagittis post illud missis*  
*clamarunt : Ecce ! lex vestra, miseri.* Sed hostis hoc dicit : Fidem non  
 meretur. Aliquam occasionem ostendit Marnix. Aldeg. P.3. c.12. p.  
 152. *Cum rejicerent Missam, & libros de ea scriptos, dicebant, rejicere eos*  
*libros Evangeliorum & Epistolarum: quia in Missalibus aliqua pericopa Evan-*  
*geliorum & epistolarum Pauli reperiuntur, quæ tum vocabantur Sancta E-*  
*vangelia.* Sanè in magno eos Evangelium habuisse pretio, post su-  
 pra citata etiam hoc monstrabit, quod sine N.T. exemplari Ray-  
 mundus Comes ire nunquam sit solitus ; propterea reprehensus ab  
 Ecclesiasticis, quod ipse Petrus de Vall. Sarn. dicit ap. Marnix. d.l. p.  
 153. Adde ibid. decretum Tholosanum, a Romano Cardin. & Legato  
 Apostol. propter Waldenses 1229. m. Novembr. publicatum : *Pro-*  
*hibitum etiam ne libros V. aut N.T. laici permittantur habere, nisi forte psal-*  
*terium vel breviarium pro div. officijs, aut horas B. virginis aliquis ex devotio-*  
*ne habere velit ; sed & ut premisso libros habeant in vulgari translato, ar-*  
*ctissime inhibemus.* Cur quæstio hæc ob Waldenses decreta, si ipsi V.T.  
 excludere. Scripturæ sensum quod concernit alia & alia de iis inve-  
 niemus: Luc. Tudens. l.3. c.2. p.277. (si contra Albigenes illa, ut vult  
 editor Mariana) hæretici dicunt : *Verum est, quod continetur in V. &*  
*N.T. si intelligatur juxta mysticum intellectum: ad literam autem nulla sunt*  
*omnia, quæ continentur in eis.* E. contrario Ebrard. Antihæres. cap. 24.  
 pag.173. *Erubescant ergo hæretici in litera, tanquam in valuto ceni de-*  
*lectantes.* Inter se ipsi transigant, antequam illis talia affingere au-  
 deant.

" Manichæ-  
 ismo.

§. 12. Post hæc alia atrocissima calumnia : EOS DVO STATV-  
 ISSERERV PRINCIPIA ; & ita Deum bonum & malum: accusat hu-  
 jus Bzov. T.13. ad ann. 1199. n.33.34. Joann. Marian. præfat. in Luc. Tud.  
 p.321. A. addens ea causa non semel à Lucà illis Manichæorum no-  
 men affingi. Imò verò affinguntur Mariana nec in tria plures paginas  
 fortè verius dixisti verbum. Reiner. c.1. p.298. idem hæreticis adscri-  
 bit : quos verò innuat, non docet. Si VValdenses intelligit,  
 turpissimè sibi contradicit, cum cap. 4. p.299. dicat ; eos bene o-

*omnia de Deo credere.* Eberh. Antihæres. c. 5. p. 80. hæreticos (quando Grezer. Waldenses ab ipso judicari, titulo tractatus mutato, defendit) ejusdem accessit criminis, Bern. Abb. tacet: sed Ermeng. c. 1. & 2. eandem canit cantilenam & quis non?

§. 13. Sed heus boni viri! quis innocens, si accusasse sufficit? Edite vel unum testem ex ipsismet, si verum dicitis: ostendite confessionem: aut si hoc modo vincere posse speratis, consequentiam necite, quæ non ruat. Waldenses defendunt suæ confessiones, & ipsa adversariorum testimonia, quæ supra S. 11 §. 6. produxi. Quæ manet verò calumniatores pœna: ut eadem pœnâ afficiantur, quam minabantur illi, quem opprimere in consilio habuerant, sed forte licebit post Pontificem illis securè asseverare. Nam Bonifacius VIII. cap. unam sanctam extr. de Majorit. & obed. eos: qui ordinationi divinæ, quâ Pontifici omnia subjiuntur, resistent, Manichæis associat. Inde traditionis origo. vid. B. Gerh. Conf. Cath. ep. dedic. a. 4. Marnix. Aldeg. l. c. p. 152. eodem modo sentit: *Notum, eo tempore Papas publicasse, tanquam fidei articulum, quod quicunque statuat, aut defendere velit, Imperatorem immediatè à Deo potentiam accepisse, nec subiectum Pontifici, pro Manichææ sectæ complice habendus sit; tanquam qui duo statuat principia, seu duas summas potestates immediatè à Deo dependentes. Itaque ex eo, quod Potestatem Pontificis negarunt, duo principia tueri dicebantur, & ex eo duos Deos, inde Diabolum creatorem.* Sed de primâ consequentiâ ipsi viderint, à Waldensibus meritò propterea falsi testimonii arguendi. Aliam quoque occasionem suspicandi præbet Bzov. ad ann. 1270. n. 10. undè calumniâ nata. *Dicebant videl. Waldenses præter Deum & ejus Ecclesiam, esse etiam Diabolum alterius regni & Ecclesiæ caput: hoc quin arripuisse etiam hostes ad calumniam suam corroborandam dicamus, nil vetat. Denuò magnâ cum injuriâ VV. usum, nisi Augustini duas Civitates etiam in hæresin rapuerint. Eos, quod attinet mundi creationem à Diabolo factam, non ausos ipsorum confessionibus monstrare, sanè eo tempore, illud argumento est, quod Ermeng. contra hæret. c. 1. p. 89. eos id dicere in absconditis suis perhibeat. Hoc facile credebatur vulgus illorum fidei ignarum, nec tam facile mendacii convinci posse sperabant. Affini Manichæo huic effato aliud ap. Bzov. ad ann. 1599. n. 34. *Omnes creaturas (addendum videtur, bonas) fuisse quidem à principio, sed postea depravatas & corruptas esse: eaq. de re mentionem fieri in Apocalypsi.* De essentiali corruptione nihil unquam probare*

L

bare poterunt. Suprà autem naturam hominis in spiritualibus omnino corruptam asseruere, & propter hunc etiam creaturas reliquas *passibiles* subiectas: (Rom. 8.) cur malè propterea audiunt: in Apocalypsi nulla corruptionis mentio, nisi ea, de quâ modò dictum, tum qua culpæ malum in totam hum. naturam exundans, tum pœnæ, & homines & propter hos creata reliqua efficiens. Sed DEVM etiam maritum fecisse dicuntur ap. Bzov. d. l. n. 34. artic. 7. *habuisse duas uxores Oollam & Oollibam, & ex ipsis præcreasse filios & filias*: Accusent simul Ezechielem, qui c. 23. v. 2. 3. seqq. ita loquitur. Waldenses alio sensu usurpasse, monstrare non poterunt: sed facilè apparebit, quid adversarios pupugerit: Ecclesiam, quæ tum erat, Romanam, hanc allegoriâ eos pressisse dicemus, hos invidiosâ detorsione apud vulgum argumentum elusisse.

de animæ  
immortalitate & resurrectione  
morum.

§. 14. Alia item atrox calumnia, & quod ANIMÆ IMMORTALITATEM, & RESURRECTIONEM negarint, ap. Bzov. ad ann. 1199. n. 33. & ad ann. 1270. n. 10. *Negabant resurrectionem corporum futuram: locum fingentes quendam spiritualia corpora & quendam interiorem hominem, in quibus & quolibet dicebant futuram resurrectionem esse intelligendam.* Idem de resurrectione ex Bernhard. de Lucenb. Alfonsus de Castro l. 13. p. 389. allegat; & ante hos Ermeng. c. 16. p. 142. Eberh. & Bernh. tacent: Reassumit Jo. Mariana præfat. ad Luc. Tud. p. 231. A. Haud dubiè nefandum scelus! & quod in Epicuræorum greges eos, quos tueri suscepimus redigat, si probare possint. Verùmenimverò contra miseros hostium testimonia admitteremus, uti supra vidimus, dum hi rei fiant, quidvis dicere paratorum? Meliora meruere, & vel sola inficiatione hoc diluere sufficit. Præsertim cum ipsi suæ cædant vineta. Immortalitatem negare, dicit Bzovius. Atqui si eisdem credimus T. 13. ad ann. 1199. n. 33. & 34. Conferatur Alf. à Castro l. 2. p. 61. metempsychosin statuerunt, quæ ergò animæ cum corporibus extinctæ? Et ne altero loco verius perhibuisse testimonium videatur, cum ad ann. 1270. n. 10. illam scripsisset dicam, n. 11. subiungit: *animas decedentium, statim ut decedunt, evolant vel ad cælum, vel descendunt ad infernum &c.* Saltem in infernum, aut cælum ducendæ non erant animæ, si non supersunt. Ad eò mendacem memorem esse oportet, ni deprehendi velit. Aliqua rursus accusationis occasio, quod curam pro mortuis haberi nollent: & illis, precibus subsidia sive non necessaria, frustranea assererent, purgatorii igne in Utopiam relegato. Inde calumniatores inferebant: si nulla cura, E. neq.

super-



superfunt; si amplius prodesse nil potest, in non entibus reponere  
erit necesse. Quid vero argumento huic tribui debeat, monere non  
est necesse. Bern. abb. Font. Calid. contra Wald. c. 10. 11. ipsos liberat,  
nec alios eorum ordines facit, quam quod quidam dicant, quod Spi-  
ritus à carne soluti continuo ad cælum vel infernum, alii, quod ante iudicium  
nec cælum nec locum tormentorum ingrediantur, sed alius receptaculus conti-  
neantur. (paradiso & inferno) quæ sententia ut erronea, ita multum ta-  
men distat à negatione immortalitatis & resurrectionis. Rob. Co-  
geshal. Monach. Msc. ap. Boxhorn. H. univ. p. 719. Non credunt ignem  
purgatorium restare post mortem: sed statim animam corpore solutam ad  
requiem transire, vel ad damnationem. Ita & ille qui anonym. editus à  
Grez. p. 339. cum multa alia è negato purgatorio ducat absurda; hoc  
non audet ascribere.

§. 15. MATRIMONIUM quoq; dicuntur improbasse. Bzov. de matri-  
ad ann. 1199, attribuit illa: Matrimonium esse fornicationem, neq; coniuges, monio.  
si carnaliter commiscerentur, posse salvari. Idem Ebrard. Betun. antihæret.  
c. 7. p. 93. tribuit. Ermengaud. contra hæret. c. 5. p. 95. coniuges non posse  
salvari. Robert. Monach. Cogeshal. Msc. ap. Boxhorn. H. univ. p. 719.  
nuptias damnant, virginitatem predicant, in operimentum suæ turpitudinis.  
At liberat eos hac calumnia Reinerus c. 5. p. 300. G. qui non plura  
invenit, in quibus Sacramentum coniugii damnet, quam quod  
dicant: mortaliter peccare coniuges, si absq; spe prolis conveniant. Dein  
subiungit de impedimentis circa matrimonium ab Ecclesia positis,  
quod spernant. Item: quod fœmina post partum non egeat benedictione  
& introductione. Item: quod coniugium Sacerdotibus permittendum &c.  
Idem c. 8. p. 307. h. m. loquentes introducit: unusquisq; nostrum uxorem  
suam habet, & cum ea caste vivit. Quod Bzov. ad ann. 1199. n. 34. dicit.  
Nullum posse salutem consequi in Christo Iesu in generando filios & filias.  
Crediderim ex disputatione super locum 1. Tim. 2. 11. 12. ortum: quem  
pro operum merito non passi sint adduci Waldenses.

§. 16. Vicissim ne unquam veritatis hostes ipsi inter se ad- de promi-  
versum esse desinerent, omnem impudicitiam illis affingunt, promi- scuo con-  
scuum CONCVBITUM & OMNEM CARNALEM COMIXTIONEM, tam cubitu.  
inter viros quàm fœminas probari ap. Waldenses. Refert. Alf. à Castr.  
l. 4. p. 127. b. & Bzov. Annal. T. 13. ad ann. 1199. n. 34. & ad ann. 1270. n. 11.  
Ita & de Turlopinis. Omnia verenda publicitus nudata gestasse, & in pu-  
blico veli iumenta coivisse. Alv. de Castro l. 14. p. 422. b. & Bzov. T. 14. ad  
ann. 1372. n. 7. qui idem T. 15. ad ann. 1199. n. 34. ascribit errorem: ne-

minem posse committere peccata ab umbilico inferius. Quod Rainer. c. 6. p. 301. F. Runcarii ascribit. Nic. Eymericus in 2. P. directorii Inquisit. q. 14. ap. Usser. de Christ. Eccl. Success. c. 4. p. 194. hoc modo proponit: quod melius est satisfieri libidini quocumq; actu turpi, quam carnis stimulis fatigari &c. Eadem ascribere adhuc recentius audent ap. Usser. d. l. Sanderus, Coccius, Parsonus, & recentius Thom. Henrici Anatom. A. C. artic. 8. p. 270. tanquam post tot vindicias adhuc sine rubore illa proferre liceret. Quà hæc omnia ratione cum eo conciliare velint, quo etiam carnalem coniugum copulam improbasse dicunt, ipsi viderint. Ipsam rem quod attinet: quid mirum his seculis ita audivisse Waldenses, cum solene id Christianorum crimen fuerit apud Gentiles. Ex Guid. Carmel. allegat hoc Castrenf. Verum si octavi præcepti memor fuisset, de non dando falso testimonio contra proximum, non allegasset in tam gravi accusatione autorem, quem ipse l. 6. p. 166. a. b. in negotio Waldensium deserit: quin etiam l. 6. p. 179. miratus ibi, unde bonus homo sumserit. Istene sufficeret testis? Aliud testimonium Waldensibus perhibet Thuanus l. 27. p. m. 1222. *Præcipua castitatis cura & honos inter Waldenses, adeo ut vicini, qui alioquin ab eorum regione alieni erant, ut filiarum suarum pudicitia consulerent, vim à licentioso milite veriti, eas Waldensium cura ac fidei committerent.* Conf. ap. eund. factum virginis, vitæ pudicitiam anteponentis. Si Thuanus nulla fides: sit tamen Reinero c. 7. p. 360. *Casti sunt* (hæretici) *maximè Leonista.* Ita ut hanc virtutem cum aliis inter notas hæreticorum referat. conf. Sect. 11. artic. 2. §. 3. *Tantum omnem mulierum refugisse,* dicit alibi Bzov. ad ann. 12. n. 1270. n. 10. confer Vindicias Riveti Exerc. in Genes. 27. p. 137. & 138. Ubi illud quoq; vindicat, cum de nuditate accusantur; neque verò aliud probare possunt, quàm quod dedita Carcassona inter alias leges ab Episcopis etiam ad hanc coacti sunt, ut omnes nudi tam viri, quàm fœminæ pudendis partibus detectis, coram toto exercito egredierentur. ut ex P. Vall. Monacho probat.

§. 17. Sed odorari mihi videor ex quo Waldensium effato illa calumnia desumpta. Ex 1. Cor. 7. v. 2. docuere (ut ipse perhibet *Petrus Cluniac. in epistolis*, non aliud illis ulterius imputans, Ald. P. 3. de diff. relig. c. 12. p. 154.) cuiusvis, s. mari, s. fœminæ (nimirum in oppositione ad cœlibatum monachorum & monialium) non licere tantum sed & necessarium esse matrimonium, si urantur. Hoc pessimi illi, quibus calumniari virtus est, in tam perversum sensum rapuisse videntur.

tur. Et prodit ferè Alfonso, quando addit: *Vrente carnis libidine*, quæ vox cum Waldensibus respiciat sine dubio citatum Paulinum effectum, non immunditiam extra thorum, sed matrimonium innuit. Rainerii allegatum testimonium quod attinet, ipse prodit, quo sensu illud dictum sit ab illis: dicit enim allegari ab iis Matth. 15. Ubi ex corde fornicationes procedere dicuntur: Scil. ex eo dicebant, in impuritate illa cordis, quam aliorum membrorum gravius esse delictum: neque hæc peccatura fuisse, nisi illud peccaret. Nullatenus verò quod illam probarent contaminationem.

§. 18. MAGISTRATIBVS dicebantur *INFESTI* esse, & horum <sup>de Mag. Politico.</sup> negare auctoritatem: quod tamen plerique produnt. Adhuc superioris seculi Merindoliani de eo sunt accusati. Thuan. l. 6. p. 388. & Sleid. l. 16. p. 463. optimè: *hæc criminatione plerique nunc utuntur: invidia magis, quam vera.* Scil. non alia magis Principes ad Tyrannidem contra eos incitabat; atq; aded ecclesiasticos æquè contra eos oportuna erat. Vindiciarum satis est supra Undè sæpius etiam rerum novarum & seditionum accusati, non convicti. Hoc commento *Oppedæ* senatus Aqueensis Præses Franciscum contra eos armavit ap. Thun. l. 6 p. 295.

§. 19. Ex hoc principio alterum dependet, quod attribuunt, quasi statuissent: *iudicare ad supplicium esse malum*; Ita Bzov. ad an. 1270. m. 11. Alf. à Castro l. 8 p. 251. item Index err. edit. Grez. n. 23. p. 341. C. Reiner. c. 5. p. 301. Sed illa quoq; calumnia est. Quid dicit Reinerus ad hoc, quod ipse antea c. 3. p. 299. E. Hæresiarchæ eorum Henrico tribuerat; cum duceretur ad mortem, dixisse: *Merito nos damnati: quia, si status noster non esset minoratus, potestatem, quam exercetis contra nos modo, hanc nos exercuissimus contra vos, omnes scil. Clericos, & religiosos & Laicos.* Guidonem, uti vidimus, Castrensis ipse aliquoties deseruit, in hoc sanè *Æneæ Sylvii* & meliorum quorumvis suffragio destitutum. An dicemus, Episcopis (ap. quos ob hæresin sistebantur) solis negasse hanc potestatem? Sane ap. Alfonso l. ii. p. 321. tantum Prælati Ecclesiæ obedientiam negare dicuntur. Quicquid tamen sit de hæc coniecturâ; in thesi eos hoc docuisse nunquā probabitur: id verò docuisse, non licere capite plectere eum, qui in fide hæreticus à Pontificiis declaratus sit, nullus inficior: Et prodit se Ebrardus d. l. quod ab hæc hypothesi illatio fiat; cum dicit: *Vos a. O rebelles fidei! cum sitis homicidæ* (spirituales, an externi: si illud, est quod volumus: si hoc, non omnem gladii usum aut cædem, sed cer-



tam prohibere) *homicidas occidere prohibetis; & pugnare contra fideles.* Id contra cruciatis expeditiones dictum quivis videt: Et quid dubitamus; disertè exstat interrogatio in modò examinis à Grezer. edit. p. 342. *E. Peccatne Papa, mittendo exercitus contra Saracenos, & dando crucem contra rebelles alios?* Notæ sunt Pontificum artes, quibus usi in cruciatis illis expeditionibus; & gravamina etiam illius seculi; sed & quid de ipsis expeditionibus sentiendum facile est invenire. Ex quò deinde parerè potest, quid de eò dicendum, quod Bzov. ad ann. 1199. n. 34. attribuit: *milites lethaliter vulneratos à salutis januâ excludebant.* Eos sc. qui contra ipsos pugnaverè; & ita in flagrante peccato mortui sunt; non alios: quis enim dicat, illos restitutos fuisse hostibus armatâ manû, si suos quoque defensionis causâ oppositos in eo salutis esse discrimine crederent.

§. 20. Idque clarius ex eo patere potest, si videamus alibi quoque simile peccatum commissum in citandis eorum dogmatibus. Bzov. d. l. paulò post priora verba ex Rogerio Hovedio: *Archiepiscopus, Episcopus, Presbyteros, Canonicos, Monachos, Eremitas, Templarios & Hospitalarios, non posse regnum cælorum consequi; inq. statu damnationis esse.* Ind. error. quem edidit, Grezer. p. 340. G. addit: *Imperatores, Reges, Principes, Duces, & omnes Iudices tam spirituales, quam seculares* (confer suprà Sect. 1. Art. III. §. 32.) videlicet qui & quales tum erant, & doctrinæ & morum ratione: potissimum ob persecutionem *idololatras*; nam saltem ex Ecclesiasticis Episcoporum & presbyterorum ordinem quâ talem, non rejectum esse ab illis, vidimus superiùs. Geminum huic, quod Bzov. Annal. Tom. 13. ad ann. 1199. n. 34. ascribit: *Munus prædicandi, non ad ipsos sacerdotes Ecclesiæ, sed ad illos pertinere.* Sine dubio ipsis sermo de talibus, quales eo tempore fuere, vitâ pessimi, ineptissimi, indoctissimi, ut suprà S. 1. Art. II. §. 7. probatum. Quomodo hoc quoque explicandum, quod modò ex Alfonso Castrensi allatum, Prælati Ecclesiæ obedientiam non deberi: & illud ap. Bzov. d. l. *Sacerdotibus nullum honorem aut reverentiam deferendam, neq. decimas, neq. primitias persolvendas esse.* Suarum enim Ecclesiarum Ministros in magno habuere honore, & suis quoque mediis sustentarunt. (De promiscuâ prædicandi licentiâ suprà S. 1. Art. III. §. 34. dictum.) Ita Alfonso à Castro L. 10. p. 277. ex ejusdem Guidon. c. 15. allegat: *nulla vera miracula fieri in Ecclesiâ:* & mox miraculis Christi in medium allatis illud probat. Sanè miracula illa, quæ tum in Romanâ Ecclesiâ patrabantur, sprevisse non dubito; hoc quoque

quoque docuisse, quod non semper in Ecclesia miraculorum donum ordinarium durare debuerit. Pilichdorf. contra hares. VVald. c. 5. p. 313. aliquem ex iis ita alloquitur: *non credis hodie in Ecclesia fieri signa.* Reim optimè conficit Index error. ed. Grezer. n. 28. p. 341. *Miracula quæ fiunt in Ecclesia Dei sanctorum meritis, omnino abijciunt.* At unde illimitata hæc sententia, etiam à primis Ecclesiæ incunabulis ea removens?

§. 21. Aliquot adhuc exempla producere licebit, ubi AB De Eccl.  
HYPOTHESI AD THESISIN saltum illicitum adversarii fecere. Alfonso cantu.  
sus à Castro L. 4. p. 102. b. ait dixisse: *Frustrà tempus veri in cantibus Ecclesiasticis.* Et Wiclefium ita detraxisse cantibus, ut cantantes in Ecclesia vocaverit sacerdotes Baal, quibus cum clamore orantibus Helias Propheta dixit: *Clamate voce majore &c.* 1. Reg. 8. Quis verò credat eos in Ecclesia tantum ipsum unquam reprobasse: Sanè ad Biblia intelligenda & psalmos canendos linguam Gallicam callent Fraxinei ap. Thuan. L. 27. p. m. 1218; & in Confess. quam B. Lutherus edidit 1533. inter suppellectilem sacram referunt *libros pro cani u.* Imò post Eucharistiam ap. Grezer. Iconism. VVald. p. 221. so fingeret manum &c. Quæ Grezerus in voce &c. suspicatur, cum indifferens vox sit, non nisi malignum ejus animum palam faciunt. Fuisse tamen multa, quæ in cantibus Ecclesiasticis tum temporis improbarentur, nullus ambigo. Nimirum Canonicorum boatum ex opere operato æstimatum, cum neglectu partium cultus divini magis in populum proficuarum, præterea excluso populo soli clero vindicatum cantum, quin & quo sæpè res non intellectæ peregrino idiomate canerentur; reprehensa, idque jure, concedo. Unde alii controversiæ statum cautius formant. Ipse Alf. L. 7. p. 238. ex Ænea Sylvio & alibi non nisi horarum canonicarum mentionem facit. Uti etiam Pilichdorf. c. 28. p. 317. Idem quidem c. 27. p. 326. universaliter loquitur: *reprobare cantus Ecclesiæ, organorum seu hominum & aliorum instrumentalium musicorum.* Sed revera intellectum vult de iis, qui in Ecclesia & processionibus consueti fuere cantus: Waldensibusque attribuit. Deum laudari debere sine clamore. Ind. error. ed. à Grez. p. 340. F. ita enunciat: *Cantum Ecclesiasticum & horarum canonicarum dicunt esse laudatus canum.* Ermengaud. L. 10. p. 113. de Ecclesiasticis tantum dicit improbare Ecclesiæ cantum & laudes, quas clerici de V. & N. F. reddunt Deo. Ebrard. Bethun. antiheres. c. 4. p. 76. *ad cantilenas in Ecclesiis dedicatas,* & quidem postea noviter inventas restringit. Argumentum Waldens.

Waldensibus attribuens ex Apoc. 22. Quam frivole autem & ridicu-  
le contra illos h. l. ex Luc. 10. de supererogatione disputet, & novita-  
tem canticorum Salomoneo illo, nihil esse sub sole novi, eludat, i-  
pse legi potest. Sed unus adhuc *Reineri* locus est, qui quid in can-  
ticis reprehenderit, ostendit. c. 5. p. 301. C. ita : *Ecclesiæ cantum subsa-  
niam, & dicunt quod in verbis tantum non in melodia sit vis.* Non erimus  
nimium prolixi in exemplis detorsionis conquirendis. Huc tamen  
etiam pertinet, ex Bzov. T. 13. ad ann. 1199. n. 34. *elemosynas Ecclesiis aut  
indigentibus vel potentibus non esse tribuendas : sacras imagines, quæ sunt in  
Ecclesiis, esse idola, campanas ad tintinnabula Ecclesiarum esse tubas diaboli.*  
E prioribus qui de his statuendum claret.

§. 22. JURAMENTA ab illis tolli perhibent. Guid. Carm. (ex  
quo Alf. de Castr. L. 8. p. 251. b) Eberh. Antihæres. c. 14. p. 125. Ermien-  
gäud. c. 18. p. 149, Reiner. c. 5. p. 301. Pilichdorf. contr. Wald. c. 36. p. 331.  
qui disertè judicialium meminit. Sic & Roger. ap. Baron. T. 12. ann.  
1176. n. 3. p. 687. hoc ipsis in confessione eorum tribuit, quod repetit  
Bzov. Annal. T. 13. ad ann. 1199. n. 34. imo hic ad ann. 1270. n. 11. mortale  
peccatum dicit, ut etiam Ind. error. ed. à Grez. n. 9. p. 340. G. Sed me-  
liorum, *Æneæ Sylvii* & c. silentium ostendit, si non omnino hæc di-  
ca falsa sit, saltem non omnes, non semper, fovisse eandem senten-  
tiam. Novimus etiam è Patribus aliquos juramentis fuisse minus  
propitios, quod condonare ex charitate solemus. Aliàs in expli-  
catione tertii præcept. in Calend. spirituali & scripturæ dictis &  
exemplis probant juramenta. Sanè ex Seisellio Pontificio satis eos  
vindicat Rivetus exerc. ad Genes. 108. p. 529. Bzovium tamen contra  
seipsum producamus : vix dixerat, quæ modo allegata cum subiun-  
git : *dejerare in iudicio coram iudicibus fidei de dicenda veritate & revelan-  
du complicibus sua secta esse sanctum.* (Reiner. editus ad Claud. Coufford.  
ann. 1548. ap. Usser. de Christ. Eccles. succ. & stat. c. 6. p. 196 dicit : *dis-  
pensare, ut juret quis pro evadenda morte corporis, ne alios prodât aut secre-  
tum revelet perfidia sua.*) Argutus sit, qui ista Bzoviana componat.  
Eadem etiam contradictio ap. Fr. Nicolaum Eymericum deprehen-  
ditur, attest. Usser. d. l. p. 197. Sapius ita inter se vel ipsi vel fratres  
pugnant. Alf. à Castr. L. 9. p. 255. *non debere laborare virum perfectum,*  
cum tamen ipse ex *Æn. Sylv.* adferat. l. 10. p. 300. *eos mendicantium re-  
ligiones malorum demonum inventionem disisse.* Sanè non alia ratione  
quam ob otium. Ipsi enim eorum pastores, quantum permitte-  
bant officii munia, laboribus suis districti erant, ut vidimus supra.



§. 23. BAPTISMVM ab illis omnino respui, denuo Alf à Ca.<sup>no</sup> de Bapti-  
stro l. 2. p. 71. effatum est: profus inutilem esse, Bzovii ad ann. 1199. <sup>lmo.</sup>  
n. 33. vel ut Jo. Marian. præf. ad Luc. Tud. p. 231. A. *aquam baptismi ad  
expianda peccata vim non habere.* Utrumque falsissimum, si illorum  
respiciamus & Confessionem supra positam, & praxin. Cui frustra  
hostium criminationes opponuntur. Ap. eund. Bzov. *Aquam S. Ba-  
ptismi in nullo differre. ab aqua fluminis.* Sane si in se, & si post actum  
sacrum consideratur, quid errant? Quod pædobaptismus (quem  
disertis verbis in Calend. spirituali approbant) attinet, hæud diffi-  
tebimur, fuisse eodem tempore hinc inde aliqua Anabaptistici fu-  
roris semina. Quod ex literis Innocentii, ab Arelateni Episcopo  
interrogati, apud Bzov. dict. loc. num. 37. patet, simulque Ebrard. An-  
tihaerel. cap. 6. pag. 87. apud quem idem, quo Anabaptistæ utuntur  
argumentum ex Matth. 28. reperire est. Quid verò hoc ad VValden-  
ses? aut soli illi universa seculi sui portabunt crimina? Reinerus ta-  
men c. 5. p. 300. E. illis quoque ascribit: *quod ablutio, quæ datur infantibus,  
nihil proffit.* Nonnullam ejus accusationis occasionem rimatur  
Aldegond. Marnix. P. 3. tabl. de diff. relig. c. 12. p. 132. his verbis: Cum  
sæpè cogerentur differre Baptismum, quod ministri ob rigorem per-  
secutionum hinc inde essent dispersi, sic ut plures non prius bapti-  
smum obtinere possent, quam provectiores ætate essent: Inde im-  
positum illis, quod pædobaptismus damnarent. Et quid Grezero  
fiet, qui præloq. ad Triad. Script. Wald. B. Lutherum in eo VValden-  
sibus adversum facit, quod illi pædobaptismum exercerent?

§. 24. In S. COENA DOMINICA variorum accusabantur. de S. corp.  
Calumnia est ap. Bzov. T. 13. ad ann. 1199. n. 33. cum dicit: *Sacra-  
mentum corporis & sanguinis Christi blasphemabant; ipsius corpus non ali-  
ter in pane, quam in aliis rebus esse censentes.* Aliud supra vidimus è  
genuinis documentis. Sed quisquis Pontificio transubstantiatione  
negat, eo ipso omnem veram præsentiam ejus opinionem tollit.  
Hanc verò præcipue ab illis negatam, ea ap. Bzov. ibid. volunt: *Ho-  
stiam, Sacrosanctum corpus Iesu Christi, (etiam cum jam consecrata est,  
tamen ipsius substantia consideretur) in nullo differre à pane laico &  
communi.* Illa quæ amplius subnequit: *Si corpus Iesu Christi conti-  
neret in se magnitudinem montium Alpinorum, jam illud esset consum-  
tum & annihilatum ab illis, qui illud manducarunt: contra Caper-  
naiticam*

naïticam manducationem firma stant, & male in sinistrum sensum rapiuntur. Neque hic stetit mentiendi licentia. Guido c. 9. de hæres. VValdensibus imputat, quod consecrent sine consueta Ecclesiæ forma, qua Christus consecrans, nobis consecrandi modum tradiderit; sed dicendo septies *Pater noster, & benedicendo panem & vinum, se consecrare dicant.* Ipse tamen qui ea citat, Alf. à Castr. L. 6. p. 166. ex silentio An. Sylvii (viri ipsius iudicio longè diligentioris circa inquisitionem historię, quam Guido fuit), Ant. Florent. Episc. & Bern. Lucenburg. colligit, non hoc eos docuisse: quin & patere ex horum verbis potius contrarium, quod veram formam retinuerint. Nec dum ineptire definit Guido, cum hoc quoque ascribit: *Sacramentum Eucharistię in die cœnæ Domini esse maioris virtutis, quam alio quolibet die consecratum.* Verum ex silentio longè diligentiorum, denuo eum Alf. Castr. L. 16. pag. 179. deserit, addens: *quapropter ut in aliis, ita etiam hic valde miror istius boni hominis, nec scire unquam potui, ad cuius exemplar hos errores depinxerit.* conf. vindicias utriusque mendacii etiam ap. Usser. de Christ. Eccl. Success. c. 6. p. 208. seq. Nec tamen post tot vindicias rectius sentiunt adversarii: siquidem adhuc Du Pleix. Gall. Histor. & Gualter. Chronogr. De stat. Christianism. c. 15. atque pari impudentiâ Thom. Henrici in Anat. Conf. artic. 8. p. 270. utrumque errorem, quem Alf. tribuere non audet, exprobare non erubuerunt.

De Mariâ  
Virg.

§. 25. MARIAM VIRGINEM calumniatos eos, alia calumnia est. Voce impurissima meretricem dixisse, Bzov. ann. 1199. n. 33. & n. 34. ex Guil. Nangiaco queritur, quod etiam Jos. Marian. præfat. ad Luc. Tüd. p. 321. A. impropere adhuc audet. In Bohemia quoque regiis literis objectum: *quod rebellia verba dicerent contra Virginem Mariam.* Ut ipsi in excus. Fr. VVald. in Fasc. rer. expet. p. 86. F. conqueruntur. Verum egregiè hanc dicam refellit Rivetus l. 2. cap. 12. p. 324. ipsum confessionum verbis Gallicis in medium allatis. Pillichdorf. contra hæres. VVald. c. 20. p. 38. ipsis ascribit, quod eam sanctam credant. Responsio in Conf. ad R. Uladisl. p. 86. A. ad dictam criminationem eximia est: *De pudicissima Virgine Maria credimus, & ad usq. vitę extremum stabiliter credituri sumus, quod plena gratia ex inspiratione Spiritus Sancti electa est ad id, ut sit verbi incarnati immaculata genitrix &c. ubi multa egregia. p. Electissima Virgo, uti ante Filij Dei incarnationem, ita eo tempore & post, usq. ad mortem nunquam virum cognovit, sed perpe-*

perpetua virginitate integra, casta, tam animo quam corpore permansit.  
 Quid illustrius dici poterat? quod deinde prolixius contracalumn.  
 Augustini defendunt, in resp. ad binas ejusd. literas pag. 88. E. 89.  
 hanc quoque calumniam revincentes, tanquam æqualem tantum  
 reliquis facerent mulieribus: ubi pluribus, quid ei præ aliis ascri-  
 bant, enumeravere. Forte id quoque dici poterit, ex allegoria a-  
 liqua occasionem hostes arripuisse. Idem Bzov. ad ann. 1270. n. 11.  
 illa imputat: *suam sectam esse Mariam Virginem, quæ generat filios DEI,*  
*quando recipiuntur ad eandem sectam & ordinem.* Si exclusivè accipien-  
 do pervertas, Mariam non Virginem, non puram aut castam fuisse,  
 asseri apparebit: & hoc è re adversariorum erat, quicquid etiam illi  
 in contrarium explicandis verbis dicerent.

§. 26. Ad detorsiones item sententiarum optimarum illud per-  
 tinet, quod cum rectè ex 1. Reg. 8, 27. negarent DEVM habitare in  
 manufactis templis; Ebrard. Bethun. Antihæres. c. 4. p. 69. operose  
 probet, juxta præsentiam generalem DEVM ubique esse, & ita in Ec-  
 clestiis (templis) etiam: quasi VValdenses omnipræsentiam hanc sub-  
 latam voluissent, quod tota ejus dissertatio illis imputare laborat.

§. 27. Alia mendacia ad blasphemiam propè accedentia,  
 vel ex illis ascribam, in homines, quales ex modo dictis jam cogni-  
 ti sunt, vel suspitione tantum cadere non potuisse liquèbit. Apud  
 Jo. Marian. præfat. in Luc. Tudens. p. 231. A. & Bzov. ad ann. 1199.  
 n. 33. audire coguntur pro suo dogmate: *Christum DEVM turpi*  
*consuetudine cum Magdalena junctum fuisse.* & ad ann. 1270. n. 10. & 11.  
*Veram ejus humanam naturam negasse.* Idem ad ann. 1199. n. 34. A.  
*animas nostras esse spiritus illos, qui apostasia superbi è cælo præcipientes cecide-*  
*runt &c.* Plaustra mendaciorum simul emittit Radulphus Coges-  
 halenſis Monachus apud Boxhorn. Histor. univ. p. 719. 720. *aiunt*  
*& alij (qui de eorum secretis investigaverunt) quod isti non credant,*  
*DEVM res humanas curare &c.* Sed *Apostatam Angelum, quem & Lu-*  
*sabel nominant, universa creatura corporali presidere, &c.* *Corpus à*  
*Diabolo formari; animam verò à DEO creari, & corporibus infundi &c.*  
*Dicunt etiam nonnulli, quod in subterraneis suis quedam nefanda sacri-*  
*ficia Luciferi suo &c.* Benè agunt, quod secretis eorum adscribere,  
 ne transparenter falsitas. Apud Bernh. Abb. font. Calid. lib. 12.  
 pag. 70. *DEVM non creasse aut regere mundum.* apud Ermengaud.  
 c. 3. pag. 91. *Legem Moisaicam non à DEO latam, sed Principe maligno-*



num spiritui cap. 4. pag. 94. Moysen fuisse magum, nec ipsi locutum Deum cap. 6. pag. 92. Annunciationem natiuitatis Ioann. factam à Demone, non bono Angelo. cap. 7. pag. 101. Christum non ex semina natum; nec habuisse veram carnem; nec vere mortuum; nec quicquam passum; sed simulasse passionem; nec manducasse nec bibisse, & quasi phantasticum corpus habuisse, nec resurrexisse. Quam haeresin Condomaniam vocat Ebrard. Antihares. cap. 13. pag. 123. Ioannem Baptistam non esse saluatum. &c. Sed pudet immorari hisce, quorum refutatio. ex iis, quæ §. 6. & seq. allata, neminem fugere potest. Et, demus fuisse aliquos non optima docentes eo seculo; non tamen mox illi VValdenfibus erant accensendi?

” de Vita &  
moribus.

§. 28. Et illa in doctrinam ferè distringebantur. Fuerè tamen ultra ea, quorum sparsim mentio facta, quam plurima, quæ in VI TAM eorum iactabantur probra, vide Bzov. T. 13. ann. 1199. num. 33. ad ann. 1209. num. 11. Grezer. in præloq. ad. Triad. script. contra VVald. integrum de illorum facinoribus caput. 3. conscribit. An hosti de hostibus referenti credemus? Pro idololatriis habebantur, quod ministros suos adorasse viderentur. A quo tamen eos crimine vindicat expositio primi præcepti. Unde nec Capitaneis illis tormentis id extorquere potuit: uti ex Perrino refert Hotting. Hist. Eccles. S. 5. pag. 295. Modus adorationis, quem ex Gregor. Tholosan. exscribit Grezer. præloq. ad. Triad. script. cap. 2. pag. 7. nihil incommodi habet, neque tale quid inde exculpetur. Claris verbis Reiner c. 5. pag. 300. quod nemo debeat flectere genua Sacerdoti. Et ne de Pontificiis tantum loqui eos existimes, allegant dictum Apoc. 22. 9. Phariseismi quoque rei agebantur. Locum Rochæ S. 1. art. 1. §. 16. retuli. Succinit accusatio Argentinens. art. 17. Sie geben vor/ sie seyen ohne Sünde/ da sie doch Menschen seind / wolten sich gern Gott gleich machen. Sed ipsorum apologia omne hoc diluit, cum ipsi. impetrata venia, publice protestati sint: Daß wir keine Sünde begangen/ ist nicht recht verstanden / oder uns nicht recht usgelegt worden; Denn wir ja wol wissen/ daß kein Mensch ohn Sünd. ist/ allein weil man uns für die größten Sünder usrußft / hab ich gesagt/ und sag es noch/ daß wir keine solche Sünder sind/ dieweil wir allein auff den wahren lebendigen Gott hoffen/ und seinen Worten trawen/ und seine Gebott/ so viel uns möglich/ begehren zuhalten. Huc illud quoque pertinet, quod Bzov. exprobrat annal. T. 13. ad ann. 1199. Lürium credi-

credidisse negare fidem, quam quis corde tenet, neg. ullum ad professionem fidei teneri, quamvis legitime interrogetur. Ita & Pilichdorf. fragm. contra VVald. pag. 334. quod fides celanda ad martyrium evitandum: & quod pro salute vite nomen DEI licet non mente sed voce, sit negandum. Aquivocationum ad hunc finem usurpatarum Runcarios arguit Reinerus cap. 6. pag. 301. Unde ergo tot eorum martyria, si negare religionem impunè arbitrati essent? Id facile concesserim, sæpè diu alicubi vixisse occultè, nullà publicà confessione edita, sed etiam de ea non interrogati: unde hanc calumniæ occasionem sumere monachi. Qui Pilichdorfium legit, facile in eam deveniet sententiam: nam etiam thesin hanc opponit Ecclesiæ eorum durationi occultiori, quam per plura secula deducebant. De æquivocationibus, ut sua arte, Jesuitæ, quod in illis reprehendant non habebunt: Sed nec dum crimen de illis probatum.

§. 29. Ad extremum ejus quoque criminis postulatur, quod aliàs apud adversarios in laudè reponitur VOLUNTARIÆ PAUPER-TATIS, confer. S. Mart. §. 7. Accedit illis, qui ibi recensentur Pilichdorf. fragm. contra paup. de Lugd. cum ita eos persequitur: *inaniter de sua paupertate gloriantes, dicunt, tanquam pro fundamento sui erroris, quod ipsi soli vitam Apostolorum servant, nihil habentes in proprio vel communis*. Incertus. ed. à Grezero pag. 339. de hæresiarchis, non eorum credentibus, id asserit. At pro omnibus verba faciunt illi, quos S. Art. II. §. 12. citavimus, cum primis Ebrardus cap. 22. anti hæresi. p. 163. cum Apostolorum exemplum ipsis objicit: *In vobis non omnia communia, quidam enim plus, quidam minus habent, cum nihil habere debeatis, teste Petro Act. 3. 6. Vos autem propria habetis & dicitis: hoc est meum: contra Act. 2. v. 45. &c.* Quæ illustiores vindiciæ esse possent, non video. Miror autem in aliis culpatis, quod in suis adeo magnificè extollunt.

§. 30. Quinimo quod corollarii loco reliquis addam, nec temperare sibi poterant inimici, quin monstra illos facerent. Plebi persuasere eorum liberos *nigra ora, duplicem palatum ac pilosos habere dentes*. Chron. VVald. c. 3. p. 80. De 4. ordinibus dentium etiam meminuit Aldeg. tabl. de diff. relig. P. 3. c. 12.

## SECTIO IV.

### Judicium.

**P**ostquam in reliquis prolixiores fuimus, potissimum v. in Sect.  
1. artic. 3. & 4. hic brevissimis licet esse. Unam, Veram, San-  
ctam & Catholicam jam supra asseruimus d. artic. 3. neque hactenus  
alia de iis patuere. De navis, si qui adhærescere, diximus Sect. II.  
artic. I. §. 2.

Symphonia  
cum nostrâ  
Ecclesiâ.

§. 2. Jure itaque hanc Ecclesiam fidei consanguinitate No-  
STRATI esse junctam dicere licet, & meritò à nostris etiam objici  
adversariis Pontificiis, cum nostræ Confessionis homines ante Lu-  
therum, qui exstiterint, requirunt. Edmundus Campianus sanè  
rat. 3. maiores nostros vocat, & Poplinerius (cui Genebrardus hoc elo-  
gium tribuit, quod *purè ac simpliciter ad Historiæ veritatem, non ad causâ  
gratiam cuncta narraverit*) in Histor. Gall. l. I. fol. 3. *doctrinam à nostrâ  
parum differre fatetur.*

Testimoni-  
um Luth-  
er.

§. 3. Et esto sanè, B. Lutherum in disp. contra Eccium ann.  
1519, principio iis non aded fuisse propitium, uti contra nos urget  
Grezer, Proleg. ad scripta contra VValdenses c. 7. p. 204. Ipse tamen  
id postea falsus est, cum melius de iis sentiret, loco quem Grezerus  
etiam producit p. 295. A. Quæ è mensalibus conviviis exscribit re-  
sponsione indigna sunt: Et ipse Grezerus pridem novit, quid libro  
tribuere debeat, conf. Boxhorn, Hist. univ. p. 712.

§. 4. Quid senserit de iis VVitteberga, rectius colligitur ex  
epistola Melancht. ad eos scripta 1535. & ipsius B. Lutheri 1542. quin  
totius Facultatis Theolog. judicio, quod 8. Febr. 1573. dedit. *Legi-  
mus formam à vobis repetita confessionis, & judicamus eam in fund. mento  
cum scriptis prophetis & Apostolicis, eoque doctrinæ genere, quod in Ecclesiis ba-  
rum regionum sonat congruere &c.* Opera verò pretium erit, si inte-  
grè legatur: idque, ut & modò dictas epistolas, Balth. Lydius. 2.  
Tom. VValdens. inseruit.

§. 5. Nec isto contra nos obtinebit Grezerus, quia Calvi-  
niani non minus eos fratres venditent. Nam Sect. I. artic. 4. Phan.  
X. satis ab hac suspitione purgati sunt.

§. 6. Habent itaque adversarii, qui tanto cum strepitu exi-  
gunt à nobis, ut *quoque* alios ante Lutherum adferamus, non sin-  
gulos,



singulos, non paucos, sed multorum millium Ecclesiam. CHRISTO REGI, VICTORI, TRIUMPHATORI, qui Ecclesiam suam conservare novit, sint gratiæ æternæ, sit gloria & honos: idemque quod promisit, non desinat, etiam in diebus nostris regnum gratiæ suæ tueri, donec illustri apparitione ad gloriam omnes promoveat, Amen.

## F I N I S.

### Ad Lectorem.

**N**E in citationibus herere cogaris, Lector Benev. Te nosse oportet, Ebrardum Bethuniensem, Bernardum Abbatem fontis calidi, & Ermengaudum, quos sapius citamus, allatos ex editione Jac. Grezeri Ingolstadt. 1614. Hujus quoque Præloquia ad Triadem hanc Script. adversus Waldenses aliquoties citata. In reliquis, quæ Grezerus edidit, Luca Tudenfi, Reinero, Pilichdorffio, Refutatione errorum Waldensium auctoris anonymi, Indice errorum Waldens. & demum Grezeri prolegom: quæ præfixit iis, secutus sum editionem, quæ exstat in magnâ Bibliotheca Vet. Patrum Tom. XIII. Colonia 1618. Confessio & Apologia Waldens. ad Regem Ung. Uladislauum a respons. excusatoria. ad literas Doct. Augustin. desumpta ex Orthujini Gratii Fasciculis rerum expetendarum & fugiendarum.

Benè vale & Fave.

## PARALIP.

Ad Sect. 3 §. 9. In universum quotquot fere prodidere talia, eu-  
acullatierant : Jam autem ore cuiuslibet bonum fuerit argumentum, te-  
nens tam de forma, quam de materia; hic est frater, E. mendax. Sicut & il-  
lud: hoc est album. E. coloratum; ut Th. Walsingham. ipse Benedictinus  
in histor. Rich. 2. ap. Jacob. Usser. de Ecclef. Christ. succ. & statu. c.  
p. 187.







